

## NAANA Musa takada káaku

Adamu 1:1-5:32

Nuu 6:1-11:32

Ibraĩ 12:1-20:18

Isaaku 21:1-26:35

Yakubu 27:1-36:43

Yusufu 37:1-50:26

### *Anduna naana*

<sup>1</sup> À káaku Luda musu kɔ̃n tɔ̃tɔ̃ε kè. <sup>2</sup> Guu da pãme à kekenaro, gusiaa bé à da ísiaala, ben Luda Ninii e yàa paa í pila. <sup>3</sup> Ben Luda bè: Guu pu! Ben guu pù. <sup>4</sup> À è gupuraa pì maa, ben à gupuraa kèkɔ̃a kɔ̃n gusiaao. <sup>5</sup> À tó kpà gupuraane fãantē, gusiaa sɔ̃ gwãavĩ. Guu sɔ̃ guu dɔ̃, à gurɔ̃ káakun gwe.

<sup>6</sup> Ben Luda bè: Bàtuma gɔ̃ kú ínɔ̃ dagura le à í pìnɔ̃ kèkɔ̃a. <sup>7</sup> Ben à bàtuma kè le, à í kè kú bàtuma gĩzĩ kèkɔ̃a kɔ̃n í kè kú à musuo. <sup>8</sup> Ben à tó kpà bàtuma pìnɔ̃ ludambɛ. Guu sɔ̃ guu dɔ̃, à gurɔ̃ plaadeen gwe.

<sup>9</sup> Ben Luda bè: Í kè kú gĩzĩ kakɔ̃a gu dɔ̃nkɔ̃n, gukori bɔ̃. Ben à kè le. <sup>10</sup> À tó kpà gukori pìnɔ̃ tɔ̃tɔ̃ε, ben à tó kpà í kè kàkɔ̃aane ísiaa. Ben à è à kè maa. <sup>11</sup> Ben Luda bè: Lánɔ̃ bɔ̃ε tɔ̃tɔ̃ε kɔ̃n sɛ̃ wéedeeno kɔ̃n lí nédeeno, baade kɔ̃n a boriiio. Ben à kè le, <sup>12</sup> lánɔ̃ bɔ̃ε tɔ̃tɔ̃ε kɔ̃n sɛ̃ wéedeeno kɔ̃n lí nédeeno, baade kɔ̃n a boriiio. Ben Ludaa è à kè maa. <sup>13</sup> Guu sɔ̃ guu dɔ̃, à gurɔ̃ aagɔ̃deen gwe.

<sup>14</sup> Ben Luda bè: Pó gupurinɔ̃ gɔ̃ kú musu aɔ̃gɔ̃ fãantē kèekɔ̃a kɔ̃n gwãavĩo, aɔ̃gɔ̃ wè sèedanɔ̃ kɔ̃n gurɔ̃ɔ̃nɔ̃ kɔ̃n wè̃nɔ̃ ɔ̃dɔ̃ańɛ. <sup>15</sup> Aɔ̃gɔ̃ de pó gupurinɔ̃

ũ musu ɛ wàgõ anduna puu. Ben à kè ɛ. <sup>16</sup> À pò gupuri ìsinò kè mèn plaa, à kè gbãaa ègõ kí blee fáantɛ, à kè buse ègõ kí blee gwãavĩ. À sɔsɔnɛnɔ kè dɔ. <sup>17</sup> À n̄ p̄ɛɛ musu ɛ aõgõ anduna puu <sup>18</sup> aõgõ kí blee fáantɛ k̄n gwãavĩo, aõgõ gupura k̄ɛk̄ɔa k̄n gusiaao. Ben à è à kè maa. <sup>19</sup> Guu s̄i guu d̄ò, à gurɔ siigõdeen gwe.

<sup>20</sup> Ben Luda bè: Pò w̄ɛndideenɔ í pa yéɛɛ, bãanɔ dagula musu aõgõ v̄iaa bàtuma. <sup>21</sup> Ben à pò w̄ɛndidee kè āè lili o í guunɔ kè k̄n kp̄ò gb̄ɛnt̄ɛnɔ p̄ingi, baade k̄n a boriio. À bãanɔ kè p̄ingi dɔ, baade k̄n a boriio. Ben à è à kè maa. <sup>22</sup> À aubarika dàngu à bè, aõgõ né ii aõgõ k̄ɔ, kp̄ònɔ ísiaa pa, bãanɔ k̄ɔ tɔɔɛ. <sup>23</sup> Guu s̄i guu d̄ò, à gurɔ sɔɔrodeen gwe.

<sup>24</sup> Ben Luda bè: Pò w̄ɛndideenɔ bɔɛ tɔɔɛa, pókãdeenɔ k̄n pótãa'onkuseanɔ k̄n n̄bɔs̄ɛt̄ɛnɔ, baade k̄n a boriio. Ben à kè ɛ. <sup>25</sup> Luda n̄bɔs̄ɛt̄ɛnɔ kè baade k̄n a boriio. À pókãdeenɔ kè baade k̄n a boriio. À pótãa'onkuseanɔ kè baade k̄n a boriio. Ben à è à kè maa.

<sup>26</sup> Ben Luda bè: Wà gb̄ɛntee k̄ɛ wa taka ũ, aõgõ d̄ɛ wa bà, aõgõ kí blee kp̄ònɔa k̄n bãanɔ k̄n pókãdeenɔ k̄n n̄bɔs̄ɛt̄ɛnɔ k̄n pótãa'onkuseanɔ p̄ingi. <sup>27</sup> Ben Luda gb̄ɛntee kè a z̄inda taka ũ. À z̄inda takan à n̄ ké à ũ. À n̄ ké ḡõgb̄ɛ k̄n nɔgb̄ɛo. <sup>28</sup> À aubarika dàngu à bèn̄n̄: Àgõ né ii àgõ k̄ɔ à anduna pa àgõ gbãaa bleea. Àgõ kí blee kp̄ònɔa k̄n bãanɔ k̄n pò w̄ɛndidee kè āè tãa o tɔɔɛanɔ p̄ingi. <sup>29</sup> Ben Luda bè: Ma pò w̄éɛdee kè kú tɔɔɛanɔ kp̄àawa a pòblee ũ p̄ingi k̄n lí nédeenɔ p̄ingi. <sup>30</sup> Ma s̄ɛnɔ k̄n lánɔ kp̄à pò w̄ɛndideenɔa p̄ingi n̄ pòblee ũ, n̄bɔnɔ

kõn bãano kõn pótta'onkuseano píngi. Ben à kè le.  
<sup>31</sup>Luda pót kè à kèno è píngi, à kè maa wásawasa. Guu  
 sì guu dò, à gurɔ swεεdodeen gwe.

## 2

<sup>1</sup>Len Luda musu kõn tɔtɛo kè le kõn n póno píngi.  
<sup>2</sup>Ai à gurɔ swεεplaadee zĩ gɔ ká, à zĩ kè èe keε pì  
 yàa. À gurɔ swεεplaadee pìn à kámma bò kõn zĩ kè  
 à kèno píngi. <sup>3</sup>Ben à aubarika dà gurɔ swεεplaadee  
 pìn à diε a pót ũ, kè zĩ been à kámma bò kõn zĩ kè à  
 kèno píngi yānzi.

### *Edeni swadako*

<sup>4</sup>Musu kõn tɔtɛo naana yān yè. Gurɔ kè Dii  
 Luda tɔtɛ kõn musuo kè, <sup>5</sup>bura pótkee e bεε tɔtɛa  
 kòro, baa sè, zaake Dii Ludaa e tó lou màro, bensɔ  
 gbēkee kuu à tɔtɛ zĩ kero. <sup>6</sup>Sukaa bé è kpá  
 andunala, ben è mɔdo pisi tɔtɛa píngi.

<sup>7</sup>Dii Luda gɔgbē í kàsa kõn bùsutio, ben à ĩa  
 wèndidee vù à yīn, ben gɔgbē pì gò gbē bēε ũ. <sup>8</sup>Dii  
 Luda swadako diε ɔfāntēbεε kpa kè wè be Edeni,  
 ben à gɔgbē kè à kè pì dà gwe. <sup>9</sup>Dii Luda tò lí bori  
 píngi bεε tɔtɛa. Lí pìnɔ maa, bensɔ n bε blena nna.  
 Lí wèndidee kú dako pì gura. Lí kè è dōna maa kõn à  
 zaaao ínne kú gwe dɔ.

<sup>10</sup>Swaa kú Edeni ègɔ mɔdo pisi dako pì. Bona gwe  
 à ɔne kè siigɔ. <sup>11</sup>À káaku tón Pisɔ, àmbe à liga Avila  
 bùsuzi píngi. Vura kú bùsu pì guu, <sup>12</sup>vura pì maa.  
 Gbè bèεdeenɔ kú gwe dɔ. <sup>13</sup>Swaa pì ɔne plaade  
 tón Giɔ, à liga Kusu bùsuzi píngi. <sup>14</sup>À ɔne aagɔde tón  
 Tigiri, à dɔro tà Asiria bùsu ɔfāntēbεε kpa. Swaa pì  
 ɔne siigɔde tón Yuflatì.

<sup>15</sup> Dii Luda gōgbē pì diè Edeni dàko pì guu lɛ àgō à zīi ke àgō gwaa. <sup>16</sup> Ben à yā dièɛ à bè: Né fō ò dàko pì lí píngi bɛɛ ble, <sup>17</sup> mɔde òton lí kè è dōna maa kōn à zaaao ínnɛ bɛɛ blero. Tó n blè, n gameɛ.

<sup>18</sup> Dii Luda bè: Gōgbē kuuna adoo maaro. Mé dɔnlɛri kɛɛ à gbēndoo ũ. <sup>19</sup> Ben Dii Luda bùsu kò à nòbɔnɔ kèo píngi kōn bāanɔ píngi, ben à mònyo gōgbē pì kiia lɛ à e dian eé tó kpánnɛ nà. Tó kè gōgbē pì kpà pò wèndidee pìnnɛ píngi gō ò tó ũ. <sup>20</sup> Gōgbē pì tó kpà pòkàdeenɛ píngi kōn bāanɔ kōn nòbɔsētɛnɔ píngi, mɔde èe dɔnlɛri e ò tɛ a gbēndoo ũro. <sup>21</sup> Ben Dii Luda i òsi dà gōgbē pìla. Kè èe ii oo, ben à à gbàntēwa mèn doo bò, ben à à mèbaasi tàta gbèn. <sup>22</sup> Ben à gōgbē gbàntēwa kè à bò pì liè nɔgbē ũ, ben à gàao à kiia. <sup>23</sup> Ben gōgbē pì bè:

Kèki wá bò ma wá guumɛ,  
à mè sō bò ma mè guumɛ.

Weé à sísi nɔgbē,  
kè Luda à bò gōgbē guu yānzi.

<sup>24</sup> Beee yānzin gōgbē è a de kōn a dao tó, a sèè nakōa kōn a naōo wà gō mè doo ũ. <sup>25</sup> Gōgbē kōn a naōo kú būu ò plaa ò píngi, wí sō è ò kūro.

### 3

#### *Gbēntee kēkōana kōn Ludao*

<sup>1</sup> Mlè bé à mɔnafiki vī de pò kè Dii Ludaa kènɔla píngi, ben à nɔgbē là à bè: Luda bè àton dàko pì lí ke bɛɛ blenloo? <sup>2</sup> Ben nɔgbē wè mlè pìla à bè: Wé fō wà dàko pì líbɛɛ ble, <sup>3</sup> mɔde lí kè kú dàko pì gura súusu, Luda bè wàton à bɛɛ blero wàton ɔ kea sero, lɛ wàton garo yānzi. <sup>4</sup> Ben mlè bèɛ: É ga sero!

<sup>5</sup> Zaake Luda dɔ̀ kè tó á blè, a wée é kē é gɔ̀ lán a bà, égɔ̀ à maaa dɔ̀ kɔ̀n à zaaao.

<sup>6</sup> Kè nɔ̀gbē è lí pì bεε maa, bensɔ̀ à blena égɔ̀ nna eé tó gbē wée kē, ben à à bεε wò à blè. À kpà a zāa sɔ̀, ben à blè. <sup>7</sup> Aɔ̀ plaa ní pínɡi wée kē, ben aɔ̀ dɔ̀ sa kè aɔ̀ kú bũu. Ben aɔ̀ gooda lá nàbi wà nàńzi.

<sup>8</sup> Kè gɔ̀gbē kɔ̀n a naɔ̀ Dii Luda kīi mà èe táa oo dàko pì guu uusie, ben aɔ̀ ùtεε dàko pì lán. <sup>9</sup> Ben Dii Luda lé zù gɔ̀gbēzi à bè: Ní kú máme? <sup>10</sup> À wèàla à bè: Kè ma n kīi mà, ben vīa ma kũ kè má kú bũu yānzi, ben ma utε. <sup>11</sup> Ben Dii Luda à là à bè: Dé bé à ònne ní kú bũuu? Lí kè ma ginne ò à bεε ble, ní blèn yó? <sup>12</sup> À wèàla à bè: Nɔ̀gbē kè ní kpàma àgɔ̀ kúmao bé à lí pì bεε kpàma má blè. <sup>13</sup> Ben Dii Luda nɔ̀gbē là à bè: Bóyānzi ní kè lezi? À wèàla à bè: Mlè bé à ma keke, ben má blè. <sup>14</sup> Ben Dii Luda bè mlènε:

Kè ní kè le, négɔ̀ de láari pó ũ  
pókādeenɔ̀ kɔ̀n nòbɔ̀sētεnɔ̀ té pínɡi,  
n gbεεεn négɔ̀ gáεε,  
bùsutin négɔ̀ blee ai n wèndi lén.

<sup>15</sup> Mé íbetε da mpi kɔ̀n nɔ̀gbēo dagura,  
n bori kɔ̀n à borii dagura.

À borii é n mì wí,  
né à gbátoge kēna.

<sup>16</sup> Ben à bè nɔ̀gbēnε:  
Mé n nòsina wāwāa kaaranne,  
négɔ̀ né ii wāwāao.  
N zā nii égɔ̀ kúmmame,  
eégɔ̀ gbāa vī n musu.

<sup>17</sup> Ben à bè gɔ̀gbēnε:  
Lán n n naɔ̀ yā mà nà,  
lí kè ma ginne ò à bεε blee ní blè,

tɔɔtɛ ɡɔ̃ láari pɔ̃ ũ n yānzi,  
 ɔsi kɔ̃n ɔsiion néɡɔ̃ pɔ̃blee en  
 ai n wɛ̀ndi lén.

<sup>18</sup> Eé lènɔ̃ kɔ̃n lá ũkãdeenõ bɔ̃enne,  
 gbasa n̄ bura pónɔ̃ ble.

<sup>19</sup> Ísimmagaakpana guun né pɔ̃blee en  
 ai n̄ liara n̄ ɡɛ̀ bùsu guu,  
 zaake gwen ma n̄ bɔ̃n.  
 Bùsutin n̄ ũ,  
 né liara n̄ ɡɔ̃ bùsuti pì ũme.

<sup>20</sup> Adamu tɔ̃ kpà a naɔ̃ne Awau, zaake gbɛ̀ píngi  
 dazime. <sup>21</sup> Dii Luda báa uta kè Adamune kɔ̃n à naɔ̃o,  
 ben à dàínɛ. <sup>22</sup> Ben à bè: Gbɛ̀ntee à maa kɔ̃n à  
 zaaao dɔ̃ sa, à ɡɔ̃ lán wa bà. Wé ɡíne à lí wɛ̀ndide bɛɛ  
 wo à ble, ɛ̀ àtongɔ̃ kuu gurɔ̃ píngiro yānzi. <sup>23</sup> Ben Dii  
 Luda pɛ̀a à à bɔ̃ Eɔ̃eni dàko pì guu. Ben Adamu ɡàa  
 à tɔɔtɛ kè Luda à bòn zīi ke. <sup>24</sup> Kè Dii Luda pɛ̀a, ben  
 à kerubunõ kàe Eɔ̃eni dàko ofãntɛ̀bɔ̃e kpa, ɛ̀ aɔ̃ɡɔ̃ lí  
 wɛ̀ndide zé dākpa kɔ̃n fɛ̀ɛdaa kè èe tɛ̀ ke èe lieliɛ̃o.

## 4

### *Kaini kɔ̃n Abilao*

<sup>1</sup> Adamu a naɔ̃ Awau dɔ̃ nɔ̃gbɛ̀ ũ, ben à nò s̄i à  
 Kaini ì. Ben à bè: Ma ɡɔ̃gbɛ̀ ì kɔ̃n Dii gbãaao. <sup>2</sup> Ben  
 à à dāaro Abila ì dɔ̃. Abila kè sādāri ũ, Kaini s̄o kè  
 búbari ũ. <sup>3</sup> Zikea Kaini mò kɔ̃n a bura pónɔ̃o gbaa  
 ũ Diine. <sup>4</sup> Abila s̄o mò kɔ̃n a s̄ane káaku mɛ̀kpanao.  
 Abila yā kà Diine, ben à à gbaa s̄i. <sup>5</sup> Kaini s̄o yā e ká  
 Diinero, ben èe à gba síro. Ben Kaini pɔ̃ fɛ̀ maamaa  
 à uu yàkɔ̃tɛ. <sup>6</sup> Ben Dii bè Kainine: Bóyānzi n̄ pɔ̃ fɛ̀zi?  
 À kè dia n̄ uu yàkɔ̃tɛ? <sup>7</sup> Tó n̄ yā maa kè, mé n̄ síroo?

Tó nées yā maaa ke sōro, durun naenne n kpeeεε. N nii e à δεε, séde n̄ z̄i blea.

<sup>8</sup> Ben Kaini bè a dāaro Abilanε: Wà gá s̄en. Kè aō kà gwe, ben à f̄εε a dāarozi à à d̄ε. <sup>9</sup> Dii Kaini là à bè: Mán n dāaro Abila kún? À wèàla à bè: Má d̄ōro. Ma dāaro dākparin ma ūs? <sup>10</sup> Ben Dii bè: B̄o n̄ k̄è? N dāaro aru e lé zuumazi zaa t̄ote. <sup>11</sup> Tia sa n̄éḡō láari p̄o ūmε, n̄éḡō z̄à k̄ōn t̄ote k̄è n dāaro aru m̄i n̄ z̄iō. <sup>12</sup> Tó n bú bà, t̄ote é àre kennero. N̄éḡō s̄ōki kpákpaà n̄ḡō lik̄ōaa z̄ō anduna guu. <sup>13</sup> Ben Kaini bè Diine: Īadamma beee gbāa demala, mé f̄ōro. <sup>14</sup> Nées p̄εema t̄ote k̄èa gb̄aamε sa. Mé k̄ēk̄ōanyo sa. M̄éḡō s̄ōki kpákpaà m̄āḡō lik̄ōaa z̄ō anduna guu, gb̄ε k̄è kpākūmao é ma δε. <sup>15</sup> Ben Dii bène: Lenlo! Tó gb̄ε n δε, weé ḡēε bonne ḡēn sw̄εεplaamε. Ben Dii w̄ēz̄ā ke k̄è Kainia, le gb̄ε k̄è kpākūo t̄ón à dero yānzi. <sup>16</sup> Ben Kaini dà z̄én à k̄è Diia. À ḡàa à v̄ēε N̄odu bùsun Edeni of̄ānt̄ēb̄oε kpa.

<sup>17</sup> Kaini dàε k̄ōn a naōo, ben à n̄ò s̄i à Enōku ì. À gbera Kaini w̄éte k̄àε, ben à a né p̄i t̄ó kpà w̄éte p̄inε. <sup>18</sup> Enōku Irada ì, Irada Meuyaeli ì, Meuyaeli Metusaeli ì, Metusaeli Lamεki ì. <sup>19</sup> Lamεki n̄o s̄è m̄èn plaa, à doo t̄ón Ada, à doo s̄ō Zila. <sup>20</sup> Ada Yabala ì. Àmbe p̄ód̄āri k̄è aōèḡō kú bisakutaa guun̄o dezi k̄áaku ū. <sup>21</sup> À dāaro t̄ón Yubala. Àmbe m̄ōr̄ōlerin̄o k̄ōn kureperin̄o dezi k̄áaku ū. <sup>22</sup> Zila s̄ō bé à Tubala Kaini ì. Sian à ū. È p̄o p̄ingi pi k̄ōn m̄òsio k̄ōn m̄ògot̄ēo. À d̄āre t̄ón Naama. <sup>23</sup> Ben Lamεki bè a naō̄n̄oε:

Ada k̄ōn Zilao, à ma yā ma,  
ma naō̄n̄o, à sw̄ā kpá ma yāzi.

Gbēke ma kēnna, ben ma à dè,  
gõkparε pì ma lεmε, ben ma à kàate.

<sup>24</sup> Tó weé Kaini gēε bonε gèn swεεplaa,  
mamoma Lameki ma pó sō,  
gèn baaagõ akuri awεεswεεplaamε.

<sup>25</sup> Adamu dàε kōn a naño dɔ, ben à négõgbē ì. À tó  
kpàne Seti à bè, Luda a gba né pānde Abila kè Kaini  
dè gēε ũmε. <sup>26</sup> Seti sō négõgbē ì, ben à tó kpàne Enosu.  
Zaa zī beean wà nà Dii sísinaa.

## 5

### *Adamu boriino*

<sup>1</sup> Adamu boriino yān yè. Gurɔɔ kè Luda  
gbēnteenɔ kè, à n kè lán a bàme. <sup>2</sup> À n kè gõgbē  
kōn nɔgbēo, ben à aubarika dàngu. À tó kpàne  
gbēntee.

<sup>3</sup> Adamu wè baswεεdo akuridee guun à né ì a  
taka ũ à bókɔbao, ben à tó kpàne Seti. <sup>4</sup> Seti ina  
gbera à kè wè wàa siigõ à né pāndenɔ ì dɔ gõgbēnɔ  
kōn nɔgbēnɔ. <sup>5</sup> Kè à kà wè wàa siigõ kpé baswεεdo  
akuri, ben à gà.

<sup>6</sup> Seti wè basɔɔro asɔɔrodee guun à Enosu ì. <sup>7</sup> À  
gbera à kè wè wàa siigõ awεεswεεplaa à né pāndenɔ  
ì dɔ gõgbēnɔ kōn nɔgbēnɔ. <sup>8</sup> Kè à kà wè wàa siigõ  
kpé basɔɔro akuri awεεplaa, ben à gà.

<sup>9</sup> Enosu wè basiigõ akuridee guun à Kenana ì. <sup>10</sup> À  
gbera à kè wè wàa siigõ kōn gēroo à né pāndenɔ ì dɔ  
gõgbēnɔ kōn nɔgbēnɔ. <sup>11</sup> Kè à kà wè wàa siigõ kpé  
basɔɔro asɔɔro, ben à gà.

<sup>12</sup> Kenana wè baaagõ akuridee guun à Malaleli ì.  
<sup>13</sup> À gbera à kè wè wàa siigõ kpé baplaa à né pāndenɔ



ì dɔ ɡɔ̃ɡbɛ̃nɔ̃ kɔ̃n nɔ̃ɡbɛ̃nɔ̃. <sup>14</sup> Kɛ̀ à kà wɛ̀ wàa siigɔ̃ kpé basɔ̃ro akuri, ben à gà.

<sup>15</sup> Malaleli wɛ̀ baaagɔ̃ asɔ̃rodee guun à Yarɛdi ì. <sup>16</sup> À gbɛra à kɛ̀ wɛ̀ wàa siigɔ̃ kɔ̃n baaakurio à né pãndenɔ̃ ì dɔ ɡɔ̃ɡbɛ̃nɔ̃ kɔ̃n nɔ̃ɡbɛ̃nɔ̃. <sup>17</sup> Kɛ̀ à kà wɛ̀ wàa siigɔ̃ kpé basɔ̃ro sɔ̃rosai, ben à gà.

<sup>18</sup> Yarɛdi wɛ̀ basɔ̃raagɔ̃ awɛɛplaadee guun à ɛnɔku ì. <sup>19</sup> À gbɛra à kɛ̀ wɛ̀ wàa siigɔ̃ à né pãndenɔ̃ ì dɔ ɡɔ̃ɡbɛ̃nɔ̃ kɔ̃n nɔ̃ɡbɛ̃nɔ̃. <sup>20</sup> Kɛ̀ à kà wɛ̀ wàa siigɔ̃ kpé basɔ̃raagɔ̃ awɛɛplaa, ben à gà.

<sup>21</sup> ɛnɔku wɛ̀ baaagɔ̃ asɔ̃rodee guun à Mɛtusela ì. <sup>22</sup> À gbɛra à táa ò kɔ̃n Ludao ai wɛ̀ wàa do kpé basɔ̃ro à né pãndenɔ̃ ì dɔ ɡɔ̃ɡbɛ̃nɔ̃ kɔ̃n nɔ̃ɡbɛ̃nɔ̃. <sup>23</sup> À kà wɛ̀ wàa do kpé basɔ̃raagɔ̃ asɔ̃ro. <sup>24</sup> À táa ò kɔ̃n Ludao, ben wà kòrazi, kɛ̀ Luda à sè bɔna anduna guu yãnzì.

<sup>25</sup> Mɛtusela wɛ̀ bakɛ̃ndo awɛɛswɛɛplaadee guun à Lamɛki ì. <sup>26</sup> À gbɛra à kɛ̀ wɛ̀ wàa aagɔ̃ kpé bakɛ̃ndo awɛɛplaa à né pãndenɔ̃ ì dɔ ɡɔ̃ɡbɛ̃nɔ̃ kɔ̃n nɔ̃ɡbɛ̃nɔ̃. <sup>27</sup> Kɛ̀ à kà wɛ̀ wàa siigɔ̃ kpé basɔ̃raagɔ̃ akuri dosai, ben à gà.

<sup>28</sup> Lamɛki kɛ̀ wɛ̀ bakɛ̃ndo awɛɛplaa, ben à néɡɔ̃gbɛ̃ ì. <sup>29</sup> À tó kpàɛ Nuu à bè: Gbɛ beee bé eé wa làakari kpáɛwe zĩ gbãaa kɛ̀ wée ke yãnzì. Wée zĩ gbãaa pĩ keɛ Dii láarikɛna tɔtɛne yãnzime. <sup>30</sup> Nuu ina gbɛra Lamɛki kɛ̀ wɛ̀ wàa aagɔ̃ sɔ̃rosai à né pãndenɔ̃ ì dɔ ɡɔ̃ɡbɛ̃nɔ̃ kɔ̃n nɔ̃ɡbɛ̃nɔ̃. <sup>31</sup> Kɛ̀ à kà wɛ̀ wàa aagɔ̃ kpé basɔ̃raagɔ̃ akuri awɛɛswɛɛplaa, ben à gà.

<sup>32</sup> Kè Nuu kà wè wàa plaa kpé basɔɔro, à Semu kɔn Hamuo kɔn Yafetio ì.

## 6

### *Gbēnteenɔ yakana*

<sup>1</sup> Kε gbēnteenɔ nà parikūnaa aɔɔe daagula aɔɔe nénɔgbēnɔ ii, <sup>2</sup> ben Luda nénɔɔ è gbēntee nénɔgbē pìnɔɔ maa, ben aɔɔe n̄ sεε n̄ pɔyezia. <sup>3</sup> Ben Dii bè: Ma Ninii égɔ kú gbēnteenɔ guu gurɔ pínɡiro, zaake mèbaadeeme. À gurɔɔnɔ égɔ wè baswεεdo. <sup>4</sup> Gbē gbāanɔɔ kú anduna guu gurɔ beee kɔn gurɔ beee gberaao dɔ, gurɔɔ kè Luda né pìnɔ gbēntee nénɔgbēnɔ d̄ nɔgbēnɔ ũ, ben aɔ nénɔ ìnyo. Aɔ né pìnɔn gɔsagbāaa kè aɔ tɔ b̄ zaa káakunɔ ũ.

<sup>5</sup> Dii è kè gbēnteenɔ yā zaa kena bíta anduna guu. Gurɔ pínɡi yā zaa laasuun aɔégɔ lεε ado, <sup>6</sup> ben à n̄sε yàka gbēntee kè à kè tɔtεa yā musu. À laasuu pānde lè, <sup>7</sup> ben à bè: Mé gbēntee kè má kè tɔtεa waa, gbēnteenɔ kɔn n̄bɔnɔ kɔn p̄taa'onkuseano kɔn bāanɔɔ, zaake ma n̄sε yàka n̄ kena yā musu. <sup>8</sup> M̄de Nuu Dii p̄nnaa è.

### *Nuu yā*

<sup>9</sup> Nuu boriinɔ yān yè. Nuu né gbē maaame. Kè à kuu, à mèn doo bé à taari v̄iro, à t̄aa ò kɔn Ludao. <sup>10</sup> Nuu négɔgbēnɔ ì ḡɔn aagɔ, Semu kɔn Hamuo kɔn Yafetio. <sup>11</sup> Ludaa è anduna gbēnɔ yàka n̄ pínɡi, taarikena anduna p̄a. <sup>12</sup> Kè Luda anduna gw̄a, à è à yàka, zaake gbē s̄anda pínɡi kè n̄ zéa.

<sup>13</sup> Ben Luda bè Nuunε: Mé gbē s̄anda pínɡi kaate, zaake aɔ yānzin taarikena dà andunalazi. Mé n̄ kaate l̄do kɔn andunaome. <sup>14</sup> N̄n̄ góro'ite keke kɔn lí

lèetegeo ò kpéneno ke à guu ò kòntaa kea à guu kòn à kpeeo. <sup>15</sup> Né góro pì ke lán kè bà. À gbàaa gàsásuu wàa do kpé basòro, à yàasa gàsásuu baplaa akuri, à lezĩ sò gàsásuu baaakuri. <sup>16</sup> Ì góro pì musu pápa, gbasa ò guforoo tótó à dagura gwe gàsásuu doodo zaa à musu kpa. Ì gbà da góro pì kpado ò góro pì ke didikòana leo aagò.

<sup>17</sup> Mapi sò mé tó í da andunala le mà pò wèndidee kè aṣè wesa bono kaate ò píngi. Pò kè aṣò kú anduna guuno é gaga píngi. <sup>18</sup> Mòde ma bà égò kúnyo. Né gè góro pì guu kòn n nэгògbèno kòn n naṣo kòn n neno naṣono. <sup>19</sup> Né pò wèndidee píngi sé ò gènyo mèn plaplaa le aṣégò kú wèndio. <sup>20</sup> Bā boriino kòn nòbo boriino kòn pòtaa'onkusea boriino píngi aṣé mó n kiia mèn plaplaa le wàgò kuu. <sup>21</sup> Ì pòblee kè wè ble píngi séé ò kakòa a kùsāe ũ, apino kòn pò pino. <sup>22</sup> Ben Nuu kè le à yā kè Ludaa òne kè píngi.

## 7

### *Í dana andunala*

<sup>1</sup> Ben Dii bè Nuune: Ì gè góro guu kòn n bēdeeno, zaake mbe ma n e yānnadee ũ tòorigbèno té. <sup>2</sup> Ì nòbo kè de sa'opo ũuno sé ò gènyo da kòn à kyào mèn swēplaplaa, ò nòbo kè wè sa ooroono sé mèn plaplaa da kòn à kyào. <sup>3</sup> Ì bāano sé ò gènyo do da kòn à kyào mèn swēplaplaa le ò boriino gò kú anduna gu píngia. <sup>4</sup> Zaake guro swēplaaa gbera mé tó lou ma tótea ai guro baplaa fāantē kòn gwāavio, le mà pò wèndidee kè má kèno waa tótea píngi.

5 Nuu yā kè Dii ònε kè píngi. 6 Gurɔɔ kè í dà andunala, Nuu kuu wè wàa aagɔ̄mε. 7 À gè góro'ite guu kɔ̄n a nénɔ̄ kɔ̄n a nāsō kɔ̄n a nénɔ̄ nāsōnɔ̄ le āsō bɔ̄ í pì yān. 8 Ben nòbɔ̄ kè de sa'opɔ̄ ũunɔ̄ kɔ̄n nòbɔ̄ kè wè saa ooroonɔ̄ kɔ̄n bāanɔ̄ kɔ̄n pótāa'onkuseanɔ̄ 9 mò Nuu kiia góro guu mèn plaplāa da kɔ̄n à kyào lán Ludaa ònε nà. 10 Gurɔ̄ swεεplāaa gbera í daa pì dà andunala. 11 Nuu wè wàa aagɔ̄dee guu à mɔ̄ plaade gurɔ̄ gēro awεεplāadee zī, ben í kè kú tɔ̄tε gīzīnɔ̄ pūtā píngi, ben ludambε f̄onɔ̄ f̄i. 12 Lou mà ai gurɔ̄ baplaa fáantē kɔ̄n gwāavīo.

13 Zī beean Nuu gè góro guu kɔ̄n a nénɔ̄ Semu kɔ̄n Hamuo kɔ̄n Yafetio kɔ̄n api nāsō kɔ̄n a nénɔ̄ nāsōnɔ̄ ḡɔ̄n aagɔ̄, 14 kɔ̄n nòbɔ̄sētεnɔ̄ píngi n̄ boriia kɔ̄n pókādeenɔ̄ píngi n̄ boriia kɔ̄n pótāa'onkuseanɔ̄ píngi n̄ boriia kɔ̄n p̄ vīananɔ̄ píngi n̄ boriia, bāanɔ̄ kɔ̄n p̄ dèbēdeenɔ̄ píngi. 15 P̄ kè āsē wesaa bonɔ̄ mò Nuu kiia góro guu bori kɔ̄n boriio mèn plaplāa. 16 P̄ wèndideenɔ̄ bori píngi gè da kɔ̄n à kyào lán Ludaa diεnε nà. Ben Dii gbà tātāíle.

17 Lou mà ai gurɔ̄ baplaa. Kè í e kaara, ben à góro pì sè tɔ̄tela. 18 Í f̄εε à kàara maamaa à dà tɔ̄tela, ben góro pì f̄u íla. 19 Í kàara à dà tɔ̄tela lāe à dà kp̄ii lezī kè kú anduna guunɔ̄la míómio. 20 Í f̄εε à dà kp̄iii p̄nɔ̄la ai gās̄asuu gēro. 21 P̄ wèndidee kè āsē t̄aa o tɔ̄tεanɔ̄ ḡaga píngi, bāanɔ̄ kɔ̄n pókādeenɔ̄ kɔ̄n nòbɔ̄sētεnɔ̄ kɔ̄n pótāa'onkuseanɔ̄ kɔ̄n gbēnteenɔ̄ n̄ píngi. 22 P̄ kè āsē wesaa boo kè āsō kú s̄is̄iaanɔ̄ ḡaga píngi. 23 Luda p̄ wèndidee kè āsō kú s̄is̄iaanɔ̄ k̄ate píngi. À gbēnteenɔ̄ kɔ̄n nòbɔ̄nɔ̄ kɔ̄n pótāa'onkuseanɔ̄ kɔ̄n bāanɔ̄ k̄ate anduna guu. Nuu bé à b̄ò ado kɔ̄n

pó kè aõ kúo góro guuno. <sup>24</sup> Ben í gè da andunala ai gurɔ baswεεplaa akuri.

## 8

### *Í gona andunala*

<sup>1</sup> Nuukõn nòbɔsētɛno kõn pókãdee kè aõ kúo góro guuno píngi yã dɔ Ludan. Kè à ïa gbàre tɔtɛa, ben í nà babanaa. <sup>2</sup> Í kè kú tɔtɛ gĩzĩno kõn ludambe fòono tàta, ben lou kè. <sup>3</sup> Í pì e babaa busebuse èe lagoo ai gurɔ baswεεplaa akuri. <sup>4</sup> À mɔ swεεplaade gurɔ gẽro awεεplaadee zĩ góro pì dì kpìii kè wè be Ararataa. <sup>5</sup> Í pì e lagoo ai mɔ kuridee guu. Mɔ kuridee pì gurɔ káaku zĩ kpìiinɔ mìsɔntɛno bòbɔ.

<sup>6</sup> Gurɔ baplaa gbera Nuukóro windo kè à bò yãa wè, <sup>7</sup> ben à bã kãnkãna gbàre. Èe vĩaa èe gaa èe suu ai í bàba tɔtɛa. <sup>8</sup> À põtɛɛ gbàre dɔ le à e à dɔ tó í làgo tɔtɛa. <sup>9</sup> Kè põtɛɛ e zókii ero, ben a liara à sù Nuukii góro guu, zaake í da andunala píngime. Nuukɔ bò à kù à gèò góro guu. <sup>10</sup> À kámma bò ai gurɔ swεεplaa, ben à èara à põtɛɛ gbàre dɔ. <sup>11</sup> Põtɛɛ pì liara à sù à kiiia uusie à kù lá kàso à kpá a lézĩ. Ben Nuukɔ dɔ ke í làgo tɔtɛa. <sup>12</sup> À kámma bò gurɔ swεεplaa dɔ, ben à èara à põtɛɛ pì gbàre, èe liara à sù à kiiia dɔro. <sup>13</sup> Nuuk wè wàa aagɔ awεεdodee guu à mɔ káaku gurɔ káaku zĩ, í bàba tɔtɛa, ben à góro pì musu gò. Kè à guu gwà, à è í yãa tɔtɛa. <sup>14</sup> À mɔ plaade gurɔ baaasɔro awεεplaadee zĩ í bàba tɔtɛa.

<sup>15</sup> Ben Luda yã ò Nuune à bè: <sup>16</sup> N̄ bɔ góro guu kõn n naõ kõn n nэгɔgbẽno kõn n̄ naõno. <sup>17</sup> N̄ pò wèndidee kè aõ kúnyno bɔe píngi, bãano

kõn nõbõõ kõn póttaa'onkuseano píngi, le aã fãakõa tõttea aãgõ né ii aãgõ kaara anduna guu. <sup>18</sup> Ben Nuu bõ kõn a néõõ kõn a naõõõ kõn a né pìõõ naõõõõõ. <sup>19</sup> Nõbõõõ píngi kõn póttaa'onkuseano píngi kõn bãano píngi kõn pó kè aõè táa o tõtteano píngi bðe góro guu bori kõn boriiõ.

<sup>20</sup> Ben Nuu Dii gbãgbãkii bõ. À nõbõõ kõn bãa kè wè saa oõõõ kũ, ben à sa'opõõ kè wè ká tén à té kũ òa. <sup>21</sup> Kè Dii à gũu mà, à kènne nna, ben à laasuu lè à bè: Mé eara mà láari zĩ tõttea gbẽntee yãnzì dõro, zaake gbẽntee laasuu ègõ zaa zaa à òwazikegurõme. Mé eara mà pó wèndideenõõ kaate lán má kè nà dõro. <sup>22</sup> Ai anduna gá àgõ kuuo pótõna kõn pókkekènao, ãa kõn guwãaaõ, buusie kõn kwèeõ, fãantè kõn gwãavĩõ, aõ ke é yãaro.

## 9

### *Luda bà kuuna kõn Nuuo*

<sup>1</sup> Ben Luda aubarika dà Nuun kõn à néõõ à bèínne: Àgõ né ii àgõ kaara à anduna pa. <sup>2</sup> Nõbõõõõ kõn bãano kõn póttaa'onkuseano kõn kpõõõõ ègõ a vĩa vĩa píngi. Ma ñ náare a õzĩ. <sup>3</sup> Pó kè aõè táa oõõõ píngi ègõ de a póblee ù. Ma ñ kpáawa píngi lán ma bleè kè è boè tõtteano kpàawa nà yã. <sup>4</sup> Mõde àton nõbõõ kè wèè à kòto kpáro sóro, zaake à arun à wèndi ù. <sup>5</sup> Mé a aru kè de a wèndi ùu gẽe boare. Tó nõbõõ gbẽ dè ke tó gbẽ a gbẽdaaa dè, mé à aru gẽe bonè. Mé gẽe bo gbẽ kè à a gbẽdaaa dèa. <sup>6</sup> Tó gbẽ a gbẽdaaa dè, weé à de, zaake ma gbẽntee kè ma taka ùme. <sup>7</sup> Àgõ né ii àgõ kaara, à da andunala àgõ kõõ.

8 Luda bè Nuune kɔn à nɛnɔ dɔ: 9 Ma bà éǵɔ kúao kɔn a boriinɔ 10 kɔn pɔ wɛ̀ndidee kè aɔ kúao kè aɔ bɔ́ góro guunɔ pínɡi, báanɔ kɔn pɔkádeenɔ kɔn nɔ̀bɔ̀sɛ̀tɛnɔ kɔn pɔ kè aɔ kú kú tɔ̀tɛanɔ pínɡi. 11 Ma bà éǵɔ kúao. Mé í da andunala mà pɔ wɛ̀ndideenɔ kaate pínɡi dɔro. Í é da andunala à à kaate dɔro. 12 Ben Luda èara à bè: Ma bà éǵɔ kúao kɔn pɔ wɛ̀ndidee kè aɔ kúao ai gurɔ pínɡime. À sèedan yè. 13 Mé ludambefɛ̀ɛdaa bɔ́ loua ma bà kuuna kɔn andunao sèeda ũ. 14 Tó má tò lou sisi ludambefɛ̀ɛdaa bɔ̀a, 15 lán ma bà kúao nà kɔn pɔ wɛ̀ndide bori pínɡio, à yǎ é dɔmagume. Mé tó í da andunala à pɔ wɛ̀ndidee kaate pínɡi dɔro. 16 Tó ma ludambefɛ̀ɛdaa è loua, ma bà kuuna kɔn pɔ wɛ̀ndide bori pínɡio ai gurɔ pínɡi yǎ é dɔmagume. 17 Ben Luda bè Nuune: Ma bà kuuna kɔn pɔ wɛ̀ndidee kè aɔ kú anduna guu pínɡio sèedan gwe.

### *Nuu nɛnɔ*

18 Nuu né kè aɔ bɔ̀e góro guunɔ tɔ́n yè: Semu, Hamu, Yafeti. Hamun Kanaa de ũ. 19 Nuu nɛnɔn gwe ǵɔ̀n aagɔ́. Aɔ boriinɔ bé wà dàgula anduna guu pínɡi.

20 Nuu né búbarime, ben à geepi líkpe bà. 21 Kè à geepiwɛ̀e mì à kǎ, ben à daena bũ a kpén. 22 Kè Kanaa de Hamu a de bũukɛɛ è, à bɔ́ à gàa à ò Semune kɔn Yafetio. 23 Ben Semu kɔn Yafetio utadaa sè aɔ kà ń ǵǎn ń plaa aɔ tǎa ò kɔn kpeɛo. Ń aɛ dɔna gu pǎndea ɛ aɔton ń de bũukɛɛ ero yǎnzi, aɔ gàa wà kù ń de bũukɛɛla. 24 Kè wɛ̀e kè Nuua à fɛ̀e, à mà lán a né zǎa kèare nà, 25 ben à bè: Kanaa éǵɔ láari pɔ ũme,

àmbe éǵõ a gbě̀nɔ zò zãa ũ.

<sup>26</sup> Ben à bè:

Aubarikadeen Dii, Semu Luda ũ,  
Kanaanɔ éǵõ de Semunɔ zònɔ ũ.

<sup>27</sup> Luda kaarana ke Yafetinε,  
Yafetinɔ n̄ baka e Semunɔ aubarika guu,  
Kanaanɔ éǵõ de Yafetinɔ zònɔ ũ.

<sup>28</sup> Í dana andunalaa gbera Nuu kè wè wàa do  
kpé baswεεplaa akuri. <sup>29</sup> À kè wè wàa siigõ kpé  
baswεεplaa akuri, ben à gà.

## 10

### *Nuu boriinɔ*

<sup>1</sup> Nuu néǵõgbě̀nɔ Semu k̄n Hamuo k̄n Yafetio  
k̄n n̄ néǵõgbě̀ kè ā ì í dana andunalaa gberaanɔ  
yān yè. <sup>2</sup> Yafeti néǵõgbě̀nɔ tón yè: Goma, Magɔgu,  
Midia, Girisi, Tubala, Mεεki k̄n Tirasao. <sup>3</sup> Goma  
néǵõgbě̀nɔ tón yè: Asakenaza, Rifa, Tɔgama. <sup>4</sup> Girisi  
néǵõgbě̀nɔ tón yè: Elisa, Tasisi, Sipiru, Rodanimu.  
<sup>5</sup> Borii p̄nɔ bé wà dàgula ísia gεεzi, ā k̄ kpàatete  
b̄usu k̄n b̄usuo bori k̄n boriio danεdanε, baade  
k̄n a boriyāo.

<sup>6</sup> Hamu néǵõgbě̀nɔ tón yè: Etiopia, Igpiti, Libia  
k̄n Kanaao. <sup>7</sup> Etiopia néǵõgbě̀nɔ tón yè: Seba, Avila,  
Sabata, Raama k̄n Sabatekao. Raama néǵõgbě̀nɔ  
Seba k̄n Dedāo ũ. <sup>8</sup> Nimlɔdu né Etiopia boriime  
ɔ. Àmbe anduna gbāabitade tóde káaku ũ. <sup>9</sup> Tofe  
s̄ame Dii aεzĩ. À yā bé à tò wè be: Lán Nimlɔdu de  
tofe sà ũ Dii aεzĩ nà. <sup>10</sup> Babilɔnia b̄usu kè à kí blèa  
káaku wétεdaan Babeli k̄n Erekio k̄n Akadao k̄n  
Kalanεo ũ. <sup>11</sup> Bɔna gwe à gà Asiria b̄usun, ben à  
Ninεva k̄e k̄n Reobo'io k̄n Kalao <sup>12</sup> k̄n Reš̄ kè  
kú Ninεva dagura k̄n Kalao. Ninevan wétεda ìsi ũ.



<sup>13</sup> Igipiti boriinɔn yè: Ludunɔ, Anamunɔ, Leabanɔ, Nafatunɔ, <sup>14</sup> Patarusinɔ, Kasalunɔ kɔn Keretinɔ kè Filisitininɔ bɔ̀ n̄ guunɔ.

<sup>15</sup> Kanaa daudu Sidɔ boriinɔn yè: Itinɔ, <sup>16</sup> Yebusinɔ, Amɔrinɔ, Gigasinɔ, <sup>17</sup> Ivinɔ, Akinɔ, Sininɔ, <sup>18</sup> Avadanɔ, Zemarínɔ kɔn Amatanɔ. Kanaa pínɔ dàgula zāame. <sup>19</sup> Aɔ̀ b̀usu lézekiin yè. Bɔna zaa Sidɔ gana Gera kè kú Gaza sae ai Sɔdɔmu kɔn Gɔmɔrao kɔn Adamao kɔn Zeboimu kè kú Lasa saeɔ. <sup>20</sup> Hamu négɔgbɛ̀nɔn gwe bori kɔn boriio b̀usu kɔn b̀usuo danɛdanɛ, baade kɔn a boriyāo.

<sup>21</sup> Yafeti dāaro Sɛmu borii kè dɔ. Àmbe Eberunɔ dezi káaku ũ. <sup>22</sup> Sɛmu négɔgbɛ̀nɔ tón yè: Elamu, Asiria, Apasada, Ludu kɔn Aramuɔ. <sup>23</sup> Aramu négɔgbɛ̀nɔ tón yè: Uzu, Hulu, Geta kɔn Mɛsekio. <sup>24</sup> Apasada bé à Sela ì, ben Sela Eberu ì. <sup>25</sup> Eberu négɔgbɛ̀nɔ ì gɔ̀n plaa. À doo tón Pelegi, zaake à gurɔ̀n wà kèkɔ̀a anduna guu. À dāaro tón Yɔkɔ̀tā. <sup>26</sup> Yɔkɔ̀tā négɔgbɛ̀nɔ tón yè: Alamɔdada, Selefí, Azamave, Yera, <sup>27</sup> Adoramu, Uzala, Dikala, <sup>28</sup> Obala, Abimaeli, Seba, <sup>29</sup> Ofi, Avila kɔn Yobabuo. Yɔkɔ̀tā négɔgbɛ̀nɔn gwe pínɡi. <sup>30</sup> Bɔna Mɛsa gana Sefa kɔn kpíii kè kú ɔfāntɛ̀bɔe kpaano, àmbe n̄ b̀usu ũ. <sup>31</sup> Sɛmu négɔgbɛ̀nɔn gwe pínɡi bori kɔn boriio b̀usu kɔn b̀usuo danɛdanɛ, baade kɔn a boriyāo.

<sup>32</sup> Nuu négɔgbɛ̀nɔ boriinɔn gwe danɛdanɛ b̀usu kɔn b̀usuo. Aɔ̀ kiian anduna bori pínɡi b̀n̄ aɔ̀ dàgula í dana andunalaa gbera.

## 11

*Babeli kpédidikɔ̀ana*

<sup>1</sup> Anduna píngi guu boriyā mèn doomε, yā dñnkñ wè o. <sup>2</sup> Lán gbēñɔ e sōki kpákpa a fāntēbɔe kpa nà, kè aǎ kà Babilonia bùsu gusararaan, ben aǎ v̄ēē gwe. <sup>3</sup> Aǎ bèkñε: Wà gá wà kúnku bɔ wà kpáta maamaa. Kúnkun n̄ gbè ũ, kɔntaan n̄ siminti ũ. <sup>4</sup> Ben aǎ bè: Wà wétēdaa káε wà kpédidikōana bo à misñntē z̄s ludambεεa. Wà wa z̄inda tó bɔ lε wàtongō fāakōana doodo anduna guuro yānz̄i.

<sup>5</sup> Ben Dii pita à wétēdaa pì gwà kñn kpé lez̄i kè gbēnteenɔ b̄o. <sup>6</sup> Ben à bè: Aǎ píngi n̄ borii dñnkōmε, yā dñnkñ aǎ è o, ben yā kè aǎe b̄ɔɔon yèś? Yā kè aǎ à laasuu lè tia sa aǎé kemε, p̄oke é kpáñε à kena guu d̄oro. <sup>7</sup> Wà pita wà gá gwe wà n̄ yā yākōtēñε lε aǎton kō yā ma d̄oro. <sup>8</sup> Ben Dii n̄ fāakōa gwe doodo anduna guu píngi, ben aǎ n̄ wétēda kaena tò. <sup>9</sup> Beee yānz̄in wà tó kpà wéte p̄ine Babeli, zaake gwen Dii tò anduna bori píngi yā b̄on. Zaa gwemε à n̄ fāakōa anduna guu píngi.

### *Semu kñn Terao boriinɔ*

<sup>10</sup> Semu boriinɔ yān yè. Semu wè bas̄ɔrodee guun à Apasada ì ídana andunalaa gb̄era wè plaa.

<sup>11</sup> À gb̄era à kè wè wàa plaa kpé bas̄ɔro a né pāndenɔ ì d̄o gōgbēñɔ kñn n̄gbēñɔ.

<sup>12</sup> Apasada wè baaakuri as̄ɔrodee guun à Sela ì.

<sup>13</sup> À gb̄era à kè wè wàa plaa kñn aaḡɔo a né pāndenɔ ì d̄o gōgbēñɔ kñn n̄gbēñɔ.

<sup>14</sup> Sela wè baaakuridee guun à Eberu ì. <sup>15</sup> À gb̄era à kè wè wàa plaa kñn aaḡɔo a né pāndenɔ ì d̄o gōgbēñɔ kñn n̄gbēñɔ.

16 Eberu wè baaakuri awεεsiigõdee guun à Pεlegi ì. 17 À gbera à kè wè wàa plaa kɔn baaakurio a né pāndenɔ ì dɔ gɔgbɛnɔ kɔn nɔgbɛnɔ.

18 Pεlegi wè baaakuridee guun à Rεu ì. 19 À gbera à kè wè wàa do akuri dosai a né pāndenɔ ì dɔ gɔgbɛnɔ kɔn nɔgbɛnɔ.

20 Rεu wè baaakuri awεεplaadee guun à Serugu ì. 21 À gbera à kè wè wàa do awεεswεεplaa a né pāndenɔ ì dɔ gɔgbɛnɔ kɔn nɔgbɛnɔ.

22 Serugu wè baaakuridee guun à Nao ì. 23 À gbera à kè wè wàa do a né pāndenɔ ì dɔ gɔgbɛnɔ kɔn nɔgbɛnɔ.

24 Nao wè baaakuri dosaidee guun à Tera ì. 25 À gbera à kè wè baswεεdo dosai a né pāndenɔ ì dɔ gɔgbɛnɔ kɔn nɔgbɛnɔ.

26 Tera kè wè baaagɔ akuri, ben à Abramɔ kɔn Nao kɔn Aranao ì. 27 Tera boriinɔ yān yè. Tera Abramɔ kɔn Nao kɔn Aranao ì, ben Arana Lutu ì. 28 Arana gà a de Tera wáa zaa Urume Kaladia b̀usun, guu kè wà à ìn. 29 Abramɔ kɔn Nao nɔɔ sè. Abramɔ naɔ tɔn Sarai, Nao naɔ sɔ tɔn Milika, Arana né. Arana pì bé à Isika ì dɔ. 30 Sarai sɔ pāaamε, èe né iro.

31 Ben Tera a né Abramɔ kɔn a dio Lutuo kɔn Abramɔ naɔ Saraio sè bɔna Uru, Kaladia b̀usun, aɔɔe gaa Kanaa b̀usun. Kè aɔ kà Arana, aɔ vèε gwe.

32 Tera wè wàa do asɔrodee guun à gà zaa Arana.

## 12

*Dii ona Abramunε à bɔ a b̀usun*

<sup>1</sup> Dii bè Abramune: Ñ bɔ n bɔsun n danɛnɔ té n de be, ñ tá bɔsu kè mé ɔɔɔannɛɛn.

<sup>2</sup> Mé tó n borii ke pari, mé aubarika dangu mà n tó bɔ, n kiian weégae aubarika en.

<sup>3</sup> Mé aubarika da gbě kè aǎé sa maaa onnɛɛnɔn, mé gbě kè aǎé sa zaaa onnɛɛnɔ ká. Anduna bori píngi é aubarika e n gǎzĩ.

<sup>4</sup> Ben Abramú dà zén lán Dii òne nà. Lutú gàao. À wè basiigɔ ɔɔɔrosaidee guun à bɔ Arana <sup>5</sup> kɔn a naǎ Saraio kɔn a v̄i né Lutuo kɔn n̄ auziki kè aǎɔ v̄iɔnɔ kɔn gbě kè aǎɔ sè gweenɔ. Len aǎ bɔ Arana le aǎ dà Kanaa zén. Kè aǎ kà gwe, <sup>6</sup> ben aǎ bɔe bɔsu pìn ai aǎ kà Mɔre gbíí lí kiia Sekemu. Kanaanɔ kú bɔsu pìn gurɔ beea. <sup>7</sup> Ben Dii bɔ à mɔ Abramuzi à bè: Mé bɔsu kèkii kpá n boriinɔame. Ben à Dii gbǎgbǎkii bɔ gwe. <sup>8</sup> Kè à fɛɛ gwe, à mì pè kpíi kè kú Beteli ɔfántɛbɔe kpaanɔa, ben à bura kàe gwe, Beteli kú ɔfántɛgɛkpɛn kpa, Ai kú ɔfántɛbɔe kpa. À Dii gbǎgbǎkii bɔ gwe dɔ, ben à à sisi. <sup>9</sup> Ben à dà zén dɔ à mì pè Negevia.

<sup>10</sup> Kè dekaa kà bɔsu pìn, ben Abramú gaa gurɔ plaaa ke Igititi, zaake dekaa pì gè ɔla. <sup>11</sup> Kè à kà k̄i kɔn Igititio, à bè a naǎne: Má d̄ɔ nɔ maan n ũ. <sup>12</sup> Tó Igititino n e, aǎé be ma naǎn n ũ, aǎé ma de aǎé n tó. <sup>13</sup> Ñ beǎne ma dǎremɛ n ũ le wà ma sí ɔplaplaa n yǎnzi. Lán né ma mì sí n̄an gwe. <sup>14</sup> Kè aǎ kà Igititi, Igititinɔ è nɔgbě pì maaa gè. <sup>15</sup> Kè Igititi kí Fili'auna ìbanɔ à è, aǎ à maaa gògɔne, ben wà à sè wà gèo Fili'aunanɛ a be. <sup>16</sup> Ben à Abramú gwà maamaa à yǎnzi, à sǎanɔ kpàa kɔn zùnɔ kɔn zaakinɔ kɔn gɔgbě z̄ikerino kɔn nɔgbě z̄ikerino kɔn

lakuminɔ. <sup>17</sup> Ben Dii gyã pãsiɔ kà Fili'aunan kɔn a bɛdeenɔ Abramɔ naɔ pì yãnzì. <sup>18</sup> Ben Fili'auna Abramɔ sisi à bène: Bó yã n kɛmɛ gwee? Bóyãnzì néɛ omɛ kè n naɔnloo? <sup>19</sup> À kè dia n bè n dãremɛ, ben ma à sè nɔɔ ũu? N naɔn yè! N n pò sé n táo. <sup>20</sup> Fili'auna yã ò a gbɛnɔnɛ Abramɔ yã musu, ben aɔ gaa wà zɛnɛ kɔn a naɔo kɔn a auzikinɔ píngi.

## 13

### *Abramu kɛkɔana kɔn Lutuo*

<sup>1</sup> Ben Abramɔ bɔ Igipiti à sù Nɛgɛvi kɔn a naɔo kɔn a auzikinɔ píngi kɔn Lutuo. <sup>2</sup> Abramɔ né auzikideemɛ, à pókãdeenɔ vī pari kɔn kondogio kɔn vuraa. <sup>3</sup> Bɔna Nɛgɛvi à sɔki kpàkpa ai à gaa à kàò Beteli, guu kè à bùra kàen káaku Beteli dagura kɔn Aio, <sup>4</sup> guu kè à sa'okii bòn yã. Ben à Dii sisi gwe.

<sup>5</sup> Lutu ègɔ té kɔn Abramuo lɛdo. À sãanɔ kɔn zùnɔ kɔn bisakutaanɔ vī se. <sup>6</sup> Aɔ pókãdeenɔ pari, guu pì sè e mómma n píngiro. Beee yãnzin aɔé fɔ wàgɔ kú gu dɔnkɔa lɛdo dɔro. <sup>7</sup> Ben lɛokpakɔa gè Abramɔ pódãrinɔ kɔn Lutu pódãrinɔ dagura. Zī beea sɔ Kanaanɔ kɔn Pɛrizinɔ kú bùsu pìn. <sup>8</sup> Ben Abramɔ bè Lutunɛ: À maa lɛokpakɔa gɔ kú wa daguraro, ke ma pódãrinɔ kɔn n pódãrinɔ dagura, zaake danɛnɔn wa ũ. <sup>9</sup> N bùsu gwa da n aɛ píngi. Wà kɛkɔa. Tó n gaa ɔzezi, mé gá ɔplazi. Tó n gaa ɔplazimɛ sɔ, mé gá ɔzezi. <sup>10</sup> Kɛ Lutu guu gwà, à è Yoda guzure píngi mɔdɔ vī maamaa. Ai Dii gɔ gá Sɔdɔmu kɔn Gómɔrao kaatɛ, guzure pì de lán Dii swadako bà, lán Igipiti bùsu bà, ai à gaa pé Zoaa. <sup>11</sup> Ben Lutu Yoda guzure sè píngi. Aɔ kèkɔa, ben

Lutu dà zén à tà ɔfântɛ̀bɔɛ kpa. <sup>12</sup> Abramuu gɛ̀ Kanaa b̀usun, Lutuu sɔ̀ kú Yoda guzurɛ wɛ̀tɛnɔ̀ dagura. À b̀ura kàɛ Sɔ̀dɔmu saɛ. <sup>13</sup> Sɔ̀dɔmudeenɔ̀ sɔ̀ zaa, durunkerɛ̀ sà̀nɔ̀n n̄ ù Dii aɛ̀zĩ.

<sup>14</sup> Lutuu tana gbera Dii bè Abramunɛ̀: Guu kè n̄ zén n̄ wɛ̀ɛ sɛ̀ n̄ gu'igbāro kɔ̀n sɔ̀mɛtɛo kɔ̀n ɔfântɛ̀bɔɛo kɔ̀n ɔfântɛ̀gɛ̀kpen-o gwa. <sup>15</sup> Tɔ̀ɔtɛ̀ kè n̄ è p̀ngi, má kpàmma, eégɔ̀ dɛ̀ mpi kɔ̀n n boriinɔ̀ pɔ̀ ù ai gurɔ̀ p̀ngi. <sup>16</sup> Mé tó n boriinɔ̀ kɛ̀ pari lán b̀usu'áatɛ̀ bà. Tó gbɛ̀ke é f̄s̄ à b̀usu'áatɛ̀ naro, ɛ̀ndɛ̀ eé f̄s̄ à n boriinɔ̀ naro. <sup>17</sup> N̄ fɛ̀ɛ̀ n̄ liga b̀usu p̀izi n̄ à gbàa kɔ̀n à yàasao gwa, zaake má kpàmmame. <sup>18</sup> Abramuu fɛ̀ɛ̀ à gàa à v̄ɛ̀ Mamare gbíi lí kè kú Eblɔ̀nunɔ̀ saɛ, ben à Dii gbāgbākii b̀ò gwe.

## 14

### *Lutu mìsina*

<sup>1</sup> Zíkea Babilɔ̀nia b̀usu kí Amarafeli kɔ̀n Elasa b̀usu kí Ariɔ̀kio kɔ̀n Elamu b̀usu kí Kɛ̀dɔlaomao kɔ̀n Goyimu b̀usu kí Tidalao <sup>2</sup> e z̄i kaa kɔ̀n Sɔ̀dɔmu kí Berao kɔ̀n Gɔ̀mɔ̀ra kí Bisao kɔ̀n Adama kí Sinabuo kɔ̀n Zeboimu kí Semɛ̀bao kɔ̀n Bela kè wè be tia Zoa kínao. <sup>3</sup> Kí ḡɔ̀n sɔ̀roo p̀inɔ̀ kɔ̀ kàkɔ̀a n̄ p̀ngi Sidimu guzurɛ̀n. Àmbe sè̀bɛ̀ wisidee ù tia. <sup>4</sup> Wè̀ kuri awɛ̀ɛplaaa dagura aɔ̀ègɔ̀ tángba kpaa Kɛ̀dɔlaomaa. À wè̀ kuri awɛ̀ɛ'aagɔ̀dee guun aɔ̀ g̀i b̀ɔ̀nɛzi. <sup>5</sup> À wè̀ ḡɛ̀ro dosaidee guun Kɛ̀dɔlaoma kɔ̀n kína kè aɔ̀ kúonɔ̀ m̀ò wà z̄i blè Refaimunɔ̀a zaa Asetero Kanaimu, aɔ̀ z̄i blè Zuzinɔ̀a zaa Hamu, aɔ̀ z̄i blè Emínɔ̀a zaa Save Kiriataimu, <sup>6</sup> aɔ̀ z̄i blè Orinɔ̀a n̄ kp̄iii kè wè be Seia ai à gàa pé Eli Parana gbáaa. <sup>7</sup> Ben aɔ̀ l̀lara wà s̀ù Emisipa. Àmbe wè̀ be tia Kadɛ̀si.

Aɔ zì blè Amaleki bùsua píngi kɔ̃n Amɔri borii kè aɔ kú Azazɔtamanɔa dɔ.

<sup>8</sup> Ben Sɔdɔmu kína kɔ̃n Gɔmɔra kínao kɔ̃n Adama kínao kɔ̃n Zeboimu kínao kɔ̃n Bela kè wè be tia Zoa kínao fèe wà gàa wà zì kányo Sidimu guzuren. <sup>9</sup> Aɔɔe zì kaa kɔ̃n Elamu bùsu kínao kɔ̃n Goyimu bùsu kínao kɔ̃n Babilɔnia bùsu kínao kɔ̃n Elasa bùsu kínao. Kí gɔ̃ɔn siigɔ̃ pìnɔɔ e zì kaa kɔ̃n kí gɔ̃ɔn sɔɔroonɔ. <sup>10</sup> Sidimu guzure kɔ̃ntaa wèe vī pari. Kè Sɔdɔmu kína kɔ̃n Gɔmɔra kínao e bàa lɛɛ, ben aɔ sì à guu, ben n gbē kpaaanɔ bàa lè wà gàa gusīsīdeen. <sup>11</sup> Zìblerinɔ Sɔdɔmu kɔ̃n Gɔmɔrao auzikinɔ kɔ̃n n pɔbleenɔ sèe píngi aɔ tào. <sup>12</sup> Gurɔɔ m̀da Abramuu v̄i né Lutuu kú Sɔdɔmu, ben aɔ à kù wà tào kɔ̃n à auzikinɔ.

<sup>13</sup> Ben gbē kè b̀ n̄ ɔzī gàa à ò Eberu bori Abramunɛ zaa Mamare gbíi línɔ saɛ. Mamare kɔ̃n a dāaronɔ Esekɔlu kɔ̃n Anɛo né Amɔri boriinɔmɛ, aɔɔ de kɔ̃ gbē ũ kɔ̃n Abramuo. <sup>14</sup> Kè Abramuu mà wà a danɛ kù wà tào, ben à a be zìkarinɔ sèe gɔ̃ɔn wàa do kpé baswɛɛdo plaasai à pèe kína pìnɔzi, ben à n lé Dani. <sup>15</sup> Ben à a gbēnɔ kpàatɛɛ, ben aɔ sì n̄ té gwāavī. Aɔ zì blè m̄ma aɔ pè m̄ma ai Oba, Damasiku gu'igbāroo kpa. <sup>16</sup> À liara à sù kɔ̃n auziki pìnɔ píngi kɔ̃n a v̄i né Lutuo kɔ̃n à auzikinɔ. À sù kɔ̃n nɔgbēnɔ kɔ̃n gbē pāndenɔ dɔ.

<sup>17</sup> Kè Abramuu zì blè Kedɔlaomaa kɔ̃n kína kè aɔ kúonɔ èe suu, ben Sɔdɔmu kí b̀ à dààlɛ Save Guzure kè wè be tia Kí Guzuren. <sup>18</sup> Ben Salɛmu kí Melɛkizɛdɛki m̀ kɔ̃n burɛdio kɔ̃n geepiwɛɛo. Àpi né Luda Musude gbāgbārimɛ. <sup>19</sup> Ben à sa maaa ò Abramunɛ à bè:

Luda Musude musu kɔ̃n tɔɔtɛo Kèri

aubarika da Abramun.

<sup>20</sup> Aubarikadeen Luda Musude

kè à n ibeεno nànnε n ɔzĩ ũ.

Ben Abramun auziki kè èe suuno píngi kuridee kpàa. <sup>21</sup> Sɔɔɔmu kína bè Abramunε: Ñ ma gbẽno kpáma ñgɔ auziki kúna n pɔ ũ. <sup>22</sup> Ben Abramun bène: Má sì kɔn Dii Luda Musude musu kɔn ɔɔteo Kèrio, <sup>23</sup> mé n pɔke séro, baa kyateyĩba, le ñton be n ma ke auzikidee ũro yānzi. <sup>24</sup> Mé pɔke séro, sé pɔblee kè ma gbẽno blè baasiro. Mɔde Anε kɔn Esekɔluo kɔn Mamare kè aɔ gàamaono, ñ tó aɔ ñ baka sé.

## 15

### *Luda bà kuuna kɔn Abramun*

<sup>1</sup> Beee gbεra Dii yā ò Abramunε wéεgupu'ena guu à bè:

Abramun! Ñton vĩa kero.

Mámbe n sengbango ũ,

n asaia égɔ bíta maamaa.

<sup>2</sup> Ben Abramun bè: Dii Luda, bón né ma gbaa? Má né vĩro. Damasiku gbẽ Elieza bé égɔ de ma be túbiblyeri ũ. <sup>3</sup> Kè néε ma gba néro, ma be zĩkeri pì bé égɔ de ma túbiblyeri ũ. <sup>4</sup> Ben Dii bène: Àmbe eégɔ de n túbiblyeri ũro. Né kè eé bo n plèn bé eégɔ de n túbiblyeri ũ. <sup>5</sup> Ben à bò bàazi à bè: Ñ musu gwa ñ sɔsɔneno naro, tó né fɔ. Lemε n boriino égɔ de le. <sup>6</sup> À Dii náane kè, ben Dii tò yā bò nna a náane kè à kè yānzi. <sup>7</sup> À bène do: Diin ma ũ, mámbe ma n bo Uru, Kaladia bùsun, le mà bùsu kèkii kpámma yānzi. <sup>8</sup> Ben Abramun bè: Dii Luda, dian mégɔ dɔ kè eégɔ de ma pɔ ũu? <sup>9</sup> À wèàla à bè: Ñ zùnunu wè aagɔ sé kɔn blè wè aagɔo kɔn sākaro wè aagɔo



kõn põtētēngoo kõi lukulukuo. <sup>10</sup> Ben à pò pìno sè à m̀ò píngi à pàrapara à gògokõa, ben à kãe à ñ ae d̀òd̀okõa, m̀ode èe bãano parapararo. <sup>11</sup> Kè yeberekunò m̀ò wà z̀z̀z̀ ǹòbò pìnoa, ben Abramun pèíma.

<sup>12</sup> Kè òfántè e gèe kpén, i bíta Abramun kù, ben gusia bíta víadee dààla. <sup>13</sup> Ben Dii bène: Ñgõ dõ kè n boriino égõ nibò blee b̀usu kè de ñ pò úroo guu, aõégõ z̀ò blee gwe, weégõ wée tãaríma ai wè wàa plaa. <sup>14</sup> M̀ode mé ía ke borii kè aõe z̀ò bleeínenoa, n boriino é b̀oe kõi auziki bítao. <sup>15</sup> M̀m̀on sõ, négõ aafiamè ai ñ gá zi kũo gbasa ñ ká n dezinola wà n víi. <sup>16</sup> N nasionò bé weé liara wà su kè, zaake Amòrinò durun e papa k̀òro.

<sup>17</sup> Kè òfántè gè kpén, guu sì, ben Abramun è k̀i kè èe tésukpe b̀ò kõi s̀èteo e gèe ǹòbò kè à pàrapara pìno dagura. <sup>18</sup> Zì beean Dii bè a bà égõ kù kõi Abramun à bè: Mé b̀usu kèkii kpá n boriinoa zaa Igipiti gulezeki swaa ai swadaa kè wè be Yuflati, <sup>19</sup> b̀usu kè Kenino kùn kõi Kenizino kõi Kadamununo <sup>20</sup> kõi Itino kõi Perizino kõi Refaimuno <sup>21</sup> kõi Amòrinò kõi Kanaanò kõi Giginò kõi Yebusinò.

## 16

### *Agyara kõi a né Sumailao*

<sup>1</sup> Abramun naõ Sarai e né iro. À nõgbè z̀ikeri ví Igipiti gbè ù kè wè bene Agyara. <sup>2</sup> Ben Sarai bè Abramun: Lán Dii ma ke páaa ù nà, ñ dae kõi ma z̀ikerio. Má sì kè mé néno e à gázi. Ben Abramun Sarai yã mà. <sup>3</sup> Abramun wè kuri kena Kanaa b̀usun gberan Sarai a z̀ò Agyara kpàa nõ ù. <sup>4</sup> Abramun

dàeo, ben à nò sì. Kè à è á nòsina, à dɔkè a diio. <sup>5</sup> Ben Sarai bè Abramune: Taari kè wà kèmmε gò n yā ũme. Ma a zò kpamma. Kè à è á nòsina, ben ègò dɔkεεmao. Mpi kɔn mapio, Dii bé eé yā gògòwe. <sup>6</sup> Ben Abramuwèlà à bè: N zò kuu n pò ũme. N̄ kεε lán n̄ yezi nà. Kè Sarai ãa dàa, ben à bàa lènε.

<sup>7</sup> Dii Malaika à è íbɔkiizi gbáan, bia pì kú Suru zé saεme. <sup>8</sup> Ben à à là à bè: Sarai zĩkeri Agyara, n bɔ mámε? Née gaa mámε? Ben à wèlà à bè: Mée bàa lεε ma dii Sarainεme. <sup>9</sup> Ben Dii Malaika bène: N̄ εara n̄ tá n̄ dii pì kiia ñgò mì siεεne.

<sup>10</sup> Mé n borii kaara aɔgò pari, weé f̄ wà n̄ lé d̄ro.

<sup>11</sup> N̄ nòsina, né né i gògbē ũ, né tó kpáne Sumaila, zaake Dii n yā mà n wétamma guu.

<sup>12</sup> Eégò de lán zaakisēte bà, eé íbete kpá kɔn gbē píngio, gbē píngi é íbete kpáo se. Eégò kú kō yān kɔn a gbēnɔro.

<sup>13</sup> Ben Agyara bè: Ma wée s̄i Luda kè è ma ele. Ben à tó kpà Dii kè yā òneε Ludakεema'ee. <sup>14</sup> À yā bé à tò wà tó kpà lògɔ p̄ine Ludabεεkεema'ee lògɔ. À kú Kadesi kɔn Beredio dagurame.

<sup>15</sup> Agyara négògbē ì kɔn Abramuo, ben Abramuo tó kpáne Sumaila. <sup>16</sup> Gurɔɔ kè Agyara Sumaila ì, Abramuo wè basiigò awεεswεεdomε.

## 17

*Bàngukεna yā*

<sup>1</sup> Kè Abramù kà wè basɔɔro dosai, Dii bò à m̀zi à bè: Luda Gbāabitaden ma ũ. Ñ táa omao ñgõ kuu taari sai. <sup>2</sup> Ma bà kuunanyo égõ gaa, mé n borii kaaranne maamaa. <sup>3</sup> Abramù dàe a puua Luda ae, ben Luda bène: <sup>4</sup> Lán ma bà kúnyo nà, né gõ bori pariino dezi ũ. <sup>5</sup> Weégae benne Abramù dɔro, sé Ibraĩ, zaake mé n ke bori pariino dezi ũ. <sup>6</sup> Mé tó n bori ke pari, boriino kɔn kɔn é bɔ n kiia. <sup>7</sup> Ma bà égõ kúnyo kɔn n boriino ai gurɔ píngi. Mégõ de n Luda ũ kɔn n boriino n gbera. <sup>8</sup> Mé Kanaa bùsu kè ní kú à guu nibɔ ũ kpámma píngi kɔn n boriino n gbera, le aõgõ vĩ gurɔ píngi, mégõ de ní Luda ũ.

<sup>9</sup> Luda èara à bè Ibraĩne: Mpi kɔn n boriino, àgõ ma bà kuunao yā kūna ai a borii. <sup>10</sup> Ma bà kuunao yā kè égõ kūnan yè, mpi kɔn n boriino. Séde a gõgbè píngi bāngu ke. <sup>11</sup> À bāngu ke ma bà kuunao sèda ũ. <sup>12</sup> Séde n bori négõgbèno bāngu ke ní gurɔ sɔraagõdee zĩ ai ní borii, né kè wà ní i n beeno kɔn zò kè wà ní lú bori pādenoano ní píngi. <sup>13</sup> Wà à ì n ben yoo kesõ wà lù zò ũn yoo, sé à bāngu ke. Beee égõ de ma bà kuunao gurɔ píngi sèda ũ a mèa. <sup>14</sup> Weé gefɔɔdee bɔ a gbèno té, zaake gbè kè èe bāngu kero yā kè má dièare kūnaro.

<sup>15</sup> Ben Luda èara à bè Ibraĩne: Ñton be n naõne Sarai dɔro, ñgae bene Sara sa. <sup>16</sup> Mé aubarika dan mà tó à né i gõgbè ũ, eé gõ boriino dazi ũ, bùsu kɔn é bɔ à kiia. <sup>17</sup> Ben Ibraĩ dàe a puua Luda ae à yáa dò à bè a nòse guu: Gbè kè kà wè basɔɔro é né ís? Lán Sara kà wè basiigõ akuri nà, eé né ís? <sup>18</sup> Ben à èara à bè Ludane: Ñ sùu ke ñ Sumaila gwa. <sup>19</sup> Luda bè: Yāpura n naõ Sara é né i gõgbè ũ, né tó kpáne

Isaaku. Ma bà éḡḡ kúo kǝn à boriino ai gurɔ píngi. <sup>20</sup>Sumaila yǎ musu, ma n yǎ mà. Mé aubarika dan, eé né í à kaara maamaa. Eé néḡḡgbēno i ḡḡon kuri awεεplaa, aḡé ḡḡ kínano ũ, à borii é ke pari. <sup>21</sup>Baa kǝn beeeo ma bà kuunanyo é ḡḡ Isaakuame. Zii mɔndaa'i Sara é à i. <sup>22</sup>Kè Luda yǎ ò Ibraĩne à yǎa, ben à à tò à tà musu.

<sup>23</sup>Ben Ibraĩ a né Sumaila sè kǝn a be ḡḡgbē kè wà ní í a beeno kǝn zò kè wà ní lúno ní píngi, ben à bǎngu kèñne zĩ beee a ḡḡo lán Ludaa òne nà. <sup>24</sup>Ibraĩ kà wè basɔɔro dosai, gbasà à bǎngu kè, <sup>25</sup>à né Sumaila sɔ wè kuri awεε'aagḡ. <sup>26</sup>Gurɔ dɔnkɔ pì zĩ Ibraĩ bǎngu kè kǝn a né Sumailao <sup>27</sup>kǝn a be ḡḡgbē kè wà ní í a beeno kǝn zò kè wà ní lú bori pǎndeano ní píngi. Aḡ bǎngu kè gurɔ dɔnkɔ zĩme.

## 18

### *Nibɔno mɔna Ibraĩ kiia*

<sup>1</sup>Dii bò à m̀o Ibraĩzi Mamare gbíi líno sae. Ibraĩ v̄εena a bisakuta kpεεε fǎantē. <sup>2</sup>Kè à wée sè musu, à ḡḡon aagḡo è zena. Kè à ní é le, ben à fεε kpεεεa kǝn bào à gàa à dàníle à dàéñne a puua <sup>3</sup>à bè: Dii, tó ma n pɔnnaa è, ònton ḡḡ mamɔma n zòblerilaro. <sup>4</sup>Mé móare ío à gbá pípi à kámma bo lí gbáru kè. <sup>5</sup>Lán a bɔe ma beε kpa nà, mé móare pɔbleeo fète le à gbāaa e, gbasà à da zén. Ben aḡ bè: Tò, ò ke lán ní ò nà. <sup>6</sup>Ben à gàa Sara kiia kutaan à bè: Ñ flawa ko zaka lé aagḡ ò burɛdi ke kpakpaa. <sup>7</sup>Ben à bàa lè à ḡḡ a zùno té à zùne bɔro maaa kù à kpà a zĩkeria, ben zĩkeri pì gàa à kèke kpakpaa. <sup>8</sup>Ben Ibraĩ zwifǎani

kɔ̃n zwi'ipuo kɔ̃n zù kè wà kèkè pìo sè à gàa à diéñne. Gurɔ̃ kè aɔ̃ɔe pò blee, àpi ze ñ sae lí gbáru gwe.

<sup>9</sup> Ben aɔ̃ à là wà bè: N naɔ̃ Sara kú máme? À bè: À kú kutaan gwe. <sup>10</sup> Ben Dii bè: Mé éara mà mós n kiia zii mɔ̃ndaa'i, n naɔ̃ Sara é né i gɔ̃gbɛ ũ. Sara kú à kpɛɛ kuta kpɛɛle èe maa. <sup>11</sup> Ibraĩ kɔ̃n Sarao zi kù, Sara è nɔ̃gbɛnɔ̃ pò ke dɔ̃ro. Ben Sara yáa dò à bè a swè guu: <sup>12</sup> Ma zi kù, ben ma dii zi kù dɔ̃. Mé pɔ̃nna yā pì dɔ̃ dɔ̃? <sup>13</sup> Ben Dii Ibraĩ là à bè: À kè dia Sara yáa dò? À bè amɔ̃ kè a zi kù é fɔ̃ à né i dɔ̃? <sup>14</sup> Yáke ègɔ̃ zĩ'ũmɛro. Zii mɔ̃ndaa'i tó à gurɔ̃ kà, mé mós n kiia, gbasa Sara né i gɔ̃gbɛ ũ. <sup>15</sup> Ben Sara lé sè à bè ée yáa dɔ̃ro, zaake vĩa à kù. Ben Dii bè: É'e, n yáa dò.

### *Ibraĩ aduakɛna Sɔ̃dɔ̃munɛ*

<sup>16</sup> Kè gbɛ pìnɔ̃ fɛɛ, Ibraĩ gàa à zeñne, ben aɔ̃ Sɔ̃dɔ̃mu kpaa gwà. <sup>17</sup> Ben Dii bè: Mé yā kè má yezi mà keɛ ute Ibraĩnɛro. <sup>18</sup> À boriinɔ̃ ègɔ̃ bíta aɔ̃éɔ̃ gbāa vĩ. Anduna bori píngi é aubarika e à gāzĩmɛ. <sup>19</sup> Zaake ma à sè le à o a nénɔ̃ne kɔ̃n a boriinɔ̃ a gbera aɔ̃gɔ̃ ma yā kùna aɔ̃ yā maa zédee ke, le mà yā kè ma à lé gbɛnɛ keɛ. <sup>20</sup> Ben Dii èara à bè: Yā kè wèe oo Sɔ̃dɔ̃mu kɔ̃n Gɔ̃mɔ̃rao musu pari, ñ durun gè ɔ̃la. <sup>21</sup> Mé gá gwe sa mà gwa, tó yā kè aɔ̃ɔe keɛ zaa lán má mà nà. Tó aɔ̃ de le sɔ̃ro, mé dɔ̃.

<sup>22</sup> Kè ñ gɔ̃ɔn plaaa pìnɔ̃ dà zén aɔ̃ɔe gaa Sɔ̃dɔ̃mu, ben Dii gò kɔ̃n Ibraĩo gwe. <sup>23</sup> Ben Ibraĩ sòzi à bè: Né gbɛ maaanɔ̃ wara lɛdo kɔ̃n gbɛ zaaanɔ̃n yó? <sup>24</sup> Tó gbɛ maaanɔ̃ kú wéte pì guu aɔ̃ kà gɔ̃ɔn baplaa akuri, né ñ waran yó? Né sùu ke wéte pìo gbɛ maa gɔ̃ɔn baplaa akuri pìnɔ̃ yānziroo? <sup>25</sup> Ñ sùu ke! Ñton ke lero. Ñton gbɛ maaanɔ̃ dede lɛdo kɔ̃n gbɛ

zaaano, zaake aɔ dɔnkɔro. N sùu ke! Nton ke lero. Mmɔn kè n de anduna píngi yákpækéri ũ, né yá ke a zéaroo? <sup>26</sup> Ben Dii bè: Tó ma gbě maaano è Sɔdɔmu gɔɔn baplaa akuri, mé sùu ke wéte pìo n yānzi. <sup>27</sup> Ben Ibraĩ èara à bè dɔ: Mamɔma kè má de bùsuti kɔn túbuo ũ, n gaafaa keme mà yā onne, Dii. <sup>28</sup> Tó gɔɔn sɔɔroo kèsā gɔɔn baplaa akuri pì guu, gɔɔn sɔɔroo pìno yānzi né wéte pì kaaterɔ? Ben Dii bè: Tó ma gbě maaano è gɔɔn baplaa asɔro, mé wéte pì kaatero. <sup>29</sup> Ben Ibraĩ kpé èe yā oone à bè: Tó gbě maaano kà baplaa sɔ né? Ben Dii bè: Mé yáke kero gɔɔn baplaaa pìno yānzi. <sup>30</sup> Ben à bè: Dii, n yā nna! Nton pɔ fero, má yezi mà yā o dɔ. Tó gbě maaano kà baaakuri sɔ né? À wèàla à bè: Tó ma gbě maaano è aɔ kà gɔɔn baaakuri, mé yáke kero. <sup>31</sup> Ben à bè: N gaafaa keme dɔ Dii, mà yā onne. Tó gbě maaano kà gɔɔn baroo sɔ né? À wèàla à bè: Mé wéte pì kaatero gɔɔn baroo pìno yānzi. <sup>32</sup> Ben à bè: Dii, nton pɔ fero, yā kèkii baasi mé yā o dɔro. Tó gbě maaano kà gɔɔn kuri sɔ né? À wèàla à bè: Mé wéte pì kaatero gɔɔn kuri pìno yānzi. <sup>33</sup> Kè Dii yā ò Ibraĩne à yāa, à gè zéla, ben Ibraĩ èara à tà be.

## 19

### *Sɔdɔmu kɔn Gɔmɔrao kaatena*

<sup>1</sup> Kè malaika gɔɔn plaaa pìno kà Sɔdɔmu uusie, Lutu vèena Sɔdɔmu bii kpèele. Kè à n é, à fèe à gaa à dànlè à kùèné à dàe a puua <sup>2</sup> à bè: Ma diino, a yā nna! À mó à gá pita mamɔma a zòbleri be. À zú o à i kè, zia kɔngɔ idè'idè é da zén. Aɔ bè: Auo, wé i gāalemɛ. <sup>3</sup> Lutu nàkɔrɛmma maamaa, ben aɔ gè à

kpén. À ní yàari kè maamaa à masa kèńne, ben aṣo sò.

<sup>4</sup> Ai aṣgṣ gá dae, Sodomudeeno liga Lutu kpézi. Wéte pì gṣgbēno kàkṣa gwe mámmam, gṣkpareno kṣn gbēnsino ní píngi. <sup>5</sup> Aṣ lé zù Lutuzi wà bè: Gṣgbē kè aṣ pìta n be uusieano kú máa? N bṣényowe, wà pāpāa keńyo. <sup>6</sup> Lutu bò à zè kpele ní kiia, à gbà tàta kpeo <sup>7</sup> à bè: O'o ma gbēno, àton yā zaaa kero. <sup>8</sup> Má nénogbēno vī gṣon plaa kè aṣo gṣgbē dṣro, mé ní bṣeare. Lán á yezi nà à keńyo, mode àton yāke ke gṣgbē kèkiinonero, zaake aṣ pìta ma beme. <sup>9</sup> Aṣ bène: N guwe gwe! Ben aṣ bè do: Gbē kè né gbē zltome, ben à yezi à ke wa yākpackeri ũ. Wé yā zaaa kenne de ní pòla. Ben aṣ kùsia gbāao, aṣo mo kpé gbà gboro. <sup>10</sup> Ben gṣon plaaa pino o bò wà Lutu kù aṣ gèo kpén, ben aṣ zé tàta. <sup>11</sup> Aṣo tò vīa gbē kè aṣo kú kpelelo kù ní píngi né féte gbēnsi, ben aṣo kpé gbà wetee ai aṣ kpasa. <sup>12</sup> Gṣon plaaa pino bè Lutune: Dé ní vī kè doo? Néogbēno, nénogbēno, n né anzurenno kṣn gbē kè aṣo de n gbē ũuno wéte guu ní píngi. N bṣényo, <sup>13</sup> zaake wa mo wà gura kè kaateme. Yā zaaa kè wèe oo wéte pì deeno musu gè Dii swān, ben à wa zī wà wéte pì kaate. <sup>14</sup> Lutu bò à gà à ò a néno anzurenne à bè: À fee wà bṣe, zaake Dii é wéte kè pì kaate tiamé. Ben aṣo daa èe fāadi boome.

<sup>15</sup> Kè guu dṣo malaika pino nàkṣre Lutua wà bè: N fee n n naṣ kṣn n nénogbē gṣon plaaa kèno sée n bṣényo kè, le nton ga wéte pì kaatena guuro yāzi. <sup>16</sup> Kè Lutu e seka kee, Dii à wēnda bò, ben gṣon plaaa pino à kù a oṣa kṣn à naṣo kṣn à nénogbē gṣon plaaano, aṣ bṣényo wéte kpee. <sup>17</sup> Kè aṣ bṣényo le, ben

malaika pìnɔ doke bè Lutunɛ: Ñ bàa lé ñ n zĩnda mì sí. Ñton kpɛɛ gwaro. Ñton zɛ guzurɛ pì guuro. Ñ bàa lé ñ mì pé kpíiinɔa le ñton garo yānzi. <sup>18</sup> Ben à bèñnɛ: Auo ma dii! N yā nna! <sup>19</sup> Mamɔma n zòbleri ma n pɔnnaa è, n gbɛkɛɛ kèmɛ maamaa, n ma mì sì. Mɔde mé fɔ mà bàa lé mà kpíii pìnɔ kii lero. Ai màgɔ gá ká gwe, kaatena pì é ma le mà ga. <sup>20</sup> Ñ lakutu ke gwa káaa. Lán à kīi nà, mé fɔ mà bàa lé mà gá gwe. Lakutu néngomɛ sɔ. Ñ tó mà bàa sí mà tá gwe, mégɔ aafia. Asa à néngoroo? <sup>21</sup> Ben à bèñnɛ: Ma n gba zé, mé lakutu kè néɛ oo pì kaatero. <sup>22</sup> Ñ bàa lé ñ tá gwe kpakpaa, zaake mé yáke ke gīaro ai ñ gá káo gwe. Beee yānzin wà tó kpà lakutu pìnɛ Zoa.

<sup>23</sup> Kè Lutu Zoa lè, ɔfāntɛ e fɛɛɛ, <sup>24</sup> ben Dii tò té kɔn ɔfāntɛgbɔo bò musu à kà Sɔɔmu kɔn Gɔmɔraola. <sup>25</sup> À wéte pìnɔ kàate kɔn gbɛnɔ kɔn guzurɛ pìo kɔn línɔ kɔn sɛnɔ pínɡi. <sup>26</sup> Kè Lutu naɔ a kpɛɛ gwà, ben à lì à gɔ zena wisi gbè ũ.

<sup>27</sup> Kè guu dɔ, Ibraĩ fɛɛ kɔngɔ ide'ide, à gàa guu kè à kún yā kɔn Diio pìn. <sup>28</sup> Kè à Sɔɔmu kɔn Gɔmɔrao kpaa gwà kɔn guzurɛ pìo pínɡi, à è tésukpɛ e fɛɛɛ tɔɔte lán mòdate tésukpɛ bà. <sup>29</sup> Lemɛ kè Luda guzurɛ kè Lutu kún wétenɔ kàate le, Ibraĩ yā dòn, ben à Lutu bò wéte kè à kàate pìnɔ guu.

### *Lutu boriiɔ*

<sup>30</sup> Kè Lutu bò Zoa, à gàa à vɛɛ kpíiinɔ té kɔn a nénɔgbɛ gɔɔn plaaanɔ, kè à kuuna Zoa vīa vī yānzi. Ben à gɔ kú gbèwɛɛn kɔn a nénɔgbɛ pìnɔ. <sup>31</sup> Ben Yɔɔ bè Bāanɛ: Wa de zi kù, ben gɔgbɛ kee kú busun à daɛwao lán wè ke nàro. <sup>32</sup> Ñ mó wà wɛɛ kákanɛ wé daɛo, le wàgɔ wa borii e à gāzī. <sup>33</sup> Gwāavī beee aɔ



wɛɛ kàkanɛ, ben Yɔɔ gàa à dàɛo. Lutu e dɔ gurɔɔ kè à dàɛao ke gurɔɔ kè à fɛɛro.

<sup>34</sup> Kè guu dɔ Yɔɔ bè Bãanɛ: Ma daɛ kɔn ma deo gã. Wà wɛɛ kákanɛ uusiea dɔ, né gá ñ daɛo, le wàgɔ wa borii ee à gāzĩ. <sup>35</sup> Gwãavĩ beee a dɔ aɔ wɛɛ kàkanɛ, ben Bãa gàa à dàɛo. Lutu e dɔ gurɔɔ kè à dàɛao ke gurɔɔ kè à fɛɛro. <sup>36</sup> Lemɛ Lutu nɛnɔgbɛ gɔɔn plaaa pìnɔɔ kè le wà nò sio. <sup>37</sup> Yɔɔ né ì gɔɔgbɛ ũ, ben à tó kpàne Mɔabu. Àmbe Mɔabu borii kè aɔ kuu ai gbàanɔ dezi káaku ũ. <sup>38</sup> Bãa né ì gɔɔgbɛ ũ se, ben à tó kpàne Benami. Àmbe Amɔni borii kè aɔ kuu ai gbàanɔ dezi káaku ũ.

## 20

### *Ibraĩ kɔn Abimɛlɛkio*

<sup>1</sup> Ben Ibraĩ fɛɛ gwe à gàa Nɛgɛvi bùsun Kadɛsi kɔn Suruo dagura. Kè à gàa à vɛɛ Gera, <sup>2</sup> à bè a naɔ Sara né a dàremɛ, ben Gera kí Abimɛlɛki gbɛ zĩ à à sè à sùo. <sup>3</sup> Ben Luda bɔ à mɔ Abimɛlɛkizi nanaa guu gwãavĩ à bène: Né ga nɔɔ kè ní sè pì yãnzì, zaake nɔzãreemɛ. <sup>4</sup> À mɔ à lè Abimɛlɛki e daɛo kòro, ben à bè: Dii, né borii kè aɔɛe yãke keroonɔ deden yó? <sup>5</sup> Àmbe à bèmɛ a dàrenloo? Nɔɔgbɛ pì sɔ bè a dāgɔmɛ. Ma yã kè a zéamɛ, má taari vĩro. <sup>6</sup> Ben Luda bène nanaa pì guu: Eè, má dɔ kè n yã kè a zéamɛ. Beee yãnzì ma kpanne ñton durun kemero, mée we n ɔ kè nɔɔgbɛ piaro. <sup>7</sup> Tia sa, à gɔɔgbɛ pì nɔɔ kpáa, zaake annabimɛ. Eé adua kenne le ñ gɔ aafia. Tó néɛ à nɔɔ pì kpáa sɔro, ñgɔ dɔ kè n game, mpi kɔn n gbɛnɔ a píngi.

8 Ben Abimeleki fèe kɔngɔ ide'ide, à a gbẽno sisi à yā pì tɔkèñne ní píngi, ben vĩa ní kũ maamaa. 9 Ben Abimeleki Ibraĩ sisi à bène: Bóyānzi ní kèwe lezi? Bó taarin má kènne gbasa ní tò ma gɔ durundee ũ kɔn ma bùsuo? N yā kè de wà keroo kème. 10 Bó laasuu ní lè gbasa n yā pì kè? 11 Ibraĩ wèàla à bè: Mée daa yā gbèkee Luda vĩa vĩa bùsu kèkii guuro, weé ma de ma naõ yānzime. 12 Beee gbera nɔgbè pì né ma dāreme yāpura. Wa de dɔnkɔme, baade kɔn a dao, ben à gɔ ma nɔɔ ũ. 13 Kè Luda ma bɔ ma de be yā, mée likɔaa zɔɔ, ben ma bè ma nɔɔ pine guu kè wé gán píngi, à gbèkee keme àgae be a dāgɔn ma ũ. 14 Ben Abimeleki mò kɔn sãano kɔn zùno kɔn gɔgbè zĩkerino kɔn nɔgbè zĩkerino à kpà Ibraĩa, ben à à naõ sòkpane. 15 Ben Abimeleki bè: Ma bùsun yè, ñ vèe guu kè ní yezin. 16 Ben à bè Sarane: Ma kondogi ɔɔ bɔɔ doo kpà n dāgɔa agbaakpabɔ ũ, le gbè kè aɔɔ kúnnyono dɔ ní píngi kè née taari kero. 17 Ben Ibraĩ wée kè Ludaa, ben Luda Abimeleki gbà aafia kɔn à naɔo kɔn à nɔ yìgisaino, le aɔ né i, 18 zaake Dii tò Abimeleki be nɔgbẽno pãa kù yā Ibraĩ naõ yā musu.

## 21

### *Isaaku ina*

1 Dii aubarika dà Saragu lán à ò nà, à kènne lán à lé gbènne nà. 2 Ben à nò sɔ à né ì kɔn Ibraĩo gɔgbè ũ à zikũ guu gurɔɔ kè Luda dienea. 3 Ibraĩ tó kpà né pine Isaaku. 4 À bāngu kènne à gurɔ sɔraagɔdee zĩ lán Ludaa diene nà. 5 À kà wè basɔɔro a né pì iguro. 6 Ben Sara bè: Luda yáadoziyā kème, gbè kè mà píngi

é yáa dɔmao. <sup>7</sup> À bè dɔ: Weé we wà be Ibraĩne yã mé gɔ nédandee ús? Àε ma négɔgbɛ̀ io a zikū guu.

<sup>8</sup> Kè né pì bíta kù à kè yša, ben Ibraĩ à kēna yša pɔnnaa kè. <sup>9</sup> Sara è né kè Igipiti nɔgbɛ̀ Agyara i kɔn Ibraĩo ègɔ Isaaku yáa dɔme, <sup>10</sup> ben à bè Ibraĩne: Ñ pé zò pìà kɔn a néo, zaake zò né pì é túbi ble kɔn ma né Isaakuoro. <sup>11</sup> Yã pì Ibraĩ pɔɔ yàka maamaa, zaake à néme, <sup>12</sup> ben Luda bène: Ñton tó n nɔse yaka n né kɔn n nɔgbɛ̀ zĩkeri pìo yã musuro. Yã kè Sara e oonne píngi ñ ma, zaake Isaaku boriinɔn weégae beñne n boriinɔ ũ. <sup>13</sup> Mé tó zò né pì borii ke se, zaake n néme. <sup>14</sup> Ben Ibraĩ fèe kɔngɔ ide'ide, à pòblee sè kɔn í tùuo à kpà Agyaraa. À dìne, ben à à né kpàa dɔ. À à gbàre, ben à gàa èe likɔaa zɔɔ Beɛɛba gbáan. <sup>15</sup> Kè í yàam̃ma, à gɔkpare pì tò lí gbáru, <sup>16</sup> ben à gàa à vèe ae kàzuleeki zà lén, zaake à bè á yezi à a né gana ero. Kè à gàa à vèe kãa le, ben à nà ɔdɔnaa.

<sup>17</sup> Luda gɔkpare pì ɔɔ dɔɔ mà, ben Luda Malaika lé zù Agyarazi zaa musu à bè: Bó bé à n lee Agyara? Ñton vĩa kero, zaake Luda né pì ɔɔ dɔɔ mà guu kè à kún. <sup>18</sup> Ñ fèe ñ n né pì sé ñ à kũ a ɔɔa, zaake mé tó à gɔ bori isi ũ. <sup>19</sup> Luda nɔgbɛ̀ pì wèe kène, ben à lɔgɔ è. À gàa à í tò a tùu pa, ben à mò à kpà a né pìà à mì.

<sup>20</sup> Ludaa kú kɔn né pìo ai à isi kũ. Ègɔ kú gbáan, ben à gɔ̀ tofekari ũ. <sup>21</sup> Gurɔ̀ kè à kú Parani gbáa pì guun à da Igipiti bùsu nɔɔ sène.

### *Ibraĩ kɔn Abimelēkio ledolekena*

<sup>22</sup> Gurɔ̀ beea Abimelēki kɔn a zĩkpɛɛnɔ gběnsi Fikɔluo gàa Ibraĩ kiia aɔ bène: Ludaa kúnyo yã kè née kee guu píngi. <sup>23</sup> Ñ la dame kè gɔ̀ ñ sí kɔn Ludao

kè né bɔ ma kpɛero ke ma néno ke ma boriino. Lán ma gbɛkɛ kɛnnɛ nà, ò kemɛ lɛ kɔn bùsu kè ní kú à guu gbɛ zìto ũuo. <sup>24</sup> Ben Ibraĩ bène: Ma la dānne. <sup>25</sup> Ben Ibraĩ lɔgo kè Abimɛleki gbɛno sia yā sɛɛ à sìnne. <sup>26</sup> Abimɛleki bè: Má gbɛ kè aɔ yā beee kɛno dɔro, néɛ omɛ yāro, gbāan má mà. <sup>27</sup> Ben Ibraĩ sāano kɔn zùno kú à kpà Abimɛlekia, ben aɔ lɛdole kè kɔo. <sup>28</sup> Ben Ibraĩ sānunu mèn swɛɛplaaano bò à kàɛ ndona. <sup>29</sup> Abimɛleki à là à bè: Sā mèn swɛɛplaaa kè n ní káɛ ndona pìno yā de diamɛ? <sup>30</sup> Ben à wèàla à bè: Ñ sā mèn swɛɛplaaa pìno sí sèeda ũ kè mámbɛ ma lɔgo pì yò. <sup>31</sup> Beee yānzi wà tó kpà guu pìne Bɛsɛba, zaake gwen aɔ la dānkɔne. <sup>32</sup> Len aɔ lɛdole kè Bɛsɛba lɛ, ben Abimɛleki kɔn a zìkpɛɛno gbɛnsi Fikɔluo liara wà tà Filisitininɔ bùsun. <sup>33</sup> Ibraĩ sāma lí tɔ Bɛsɛba, ben à Dii Luda Gurɔpingide sisi gwe. <sup>34</sup> Ben à gurɔplaa kè Filisitininɔ bùsu pì guu.

## 22

### *Isaaku kpana sa'opo ũ*

<sup>1</sup> Beee gbera Luda Ibraĩ yò à gwà à bène: Ibraĩ! Ben à wèàla à bè: Maɛ kè! <sup>2</sup> Ben Luda bène: Ñ n né mèn doo kè ní yezi Isaaku sé ñ gáo Mɔria bùsun, ñ sa'opo kè wè ká tén à té kú oo kpìi kè mé onnɛɛa. <sup>3</sup> Kè à fɛɛ kɔngɔ ide'ide, à gàari yì a zaakinɛ, ben à a zìkerino sè gɔon plaa kɔn a né Isaaku pìo. À sa'oyaka pàra, ben à dà zén, èɛ gaa guu kè Ludaa ònen. <sup>4</sup> À gurɔ aagɔdee zì kè à wéɛ sè, à guu pì è kaa. <sup>5</sup> Ben à bè a zìkeri pìno: À gɔ kɔn zaakio kè. Mapi kɔn gɔkparɛ kèò wé gá aɛ wà donzi kɛ Ludanɛ, wé liara wà su wà a le kè. <sup>6</sup> Ibraĩ sa'oyaka sè à dì a né pìne,

ben à té kũna kõn fẽεo, aõϞe gaa λedo. <sup>7</sup> Ben Isaaku yã ò a denε à bè: Baa! À wèàla à bè: Bómεε né? Ben à bèε: Wá té kũna kõn yàkao, sãεε bõrϞ kè wé ká tén à té kũ kú máme? <sup>8</sup> Ben Ibraĩ bè: Ma né, Luda bé eé sa'osã kpá. Ben aõϞ tékõzi wèe gaa. <sup>9</sup> Kè aõ kà guu kè Ludaa ònen, à sa'okii bò gwe à yàka kpàkpaàla, ben à a né pì yì à dà yàka pìla sa'okii musu. <sup>10</sup> Kè à fẽε sè à Ϟ bò le à a né pì kòto kpá, <sup>11</sup> ben Dii Malaika lé zùzi zaa musu à bè: Ibraĩ! Ibraĩ! À wèàla à bè: Maε kè! <sup>12</sup> Ben à bè: Nton Ϟ na né pìaro òton yàke κενερο. Má dõ sa kè ní ma vĩa vĩ, néε gímε kõn n né mèn dooro. <sup>13</sup> Ibraĩ wée sè, ben à sákaro è líwakaà kà à kobazi. Ben à gàa à à kũ à sa'opϞ kè wè ká tén à té kũ òo a né gẽε ũ. <sup>14</sup> Ben à tó kpà guu pìnε Diiékpa, ben wègõ oo ai kõn a gbãao wè be: Dii é kpá a kpiii musu.

<sup>15</sup> Dii Malaika èara à lé zù Ibraĩzi zaa musu dϞ <sup>16</sup> à bè: MamϞma Dii má sì kõn ma kuunao ma bè, lán n yã pì kè nà, néε gí kõn n né mèn dooro, <sup>17</sup> mé aubarika dangu mà n borii kaaranne lán sϞsϞnenϞ bà, aõégõ pari lán ísiale bùsu'áatē bà. N boriiño égõ gbãa vĩ n ibεεnϞa. <sup>18</sup> Mé aubarika da anduna bori píngin n borii gãzĩ, kè n ma yã mà yãnzì.

<sup>19</sup> Kè Ibraĩ liara à sù a zĩkerinϞ kiia, aõ fẽε wà tà Bεεεba, ben à gurϞplaa kè gwe.

<sup>20</sup> Beeε gbεra wà ò Ibraĩne wà bè: N ṽi Nao naõ Milika négõgbēnϞ ì. <sup>21</sup> À daudu tón Uzu. À dāaronϞ tón yè: Buzu, Aramu de Kεmueli, <sup>22</sup> Kεsedi, Azo, Pilidasa, Yidilafa kõn Bεtuelio. <sup>23</sup> Bεtueli pì bé à Rεβεka ì. Néεgõgbē gõn sϞraagõ kè Milika ì kõn Ibraĩ ṽi Naon gwe. <sup>24</sup> À nϞ yìgisai Ruma néno tón yè: Teba, Gaamu, Tasa kõn Maakao.

## 23

### *Sara gana*

<sup>1</sup> Sara kè wè baswεεdo awεεswεεplaa, <sup>2</sup> gbasa à gà zaa Kiriataba kè wè be tia Εblonu, Kanaa bùsun. Ben Ibraĩ à sósobi kè à ɔɔ dɔ à gana yã musu. <sup>3</sup> Kè à gù a naɔ gè kiia, à gàa à bè Iti boriinɔne: <sup>4</sup> Nibɔ kɔn gbẽ zĩtɔon ma ũ a té. À tɔɔte yáma gèvĩikii ũ mà gè vĩin. <sup>5</sup> Ben Iti boriinɔ bène: <sup>6</sup> Maree, ñ wa yã ma. Luda gbẽ aubarikadeen n ũ wa té. Ñ n gè vĩi gbèwεε kè kènne maaa guu. Wa gbẽke é n tẽ gbèwεε kè né n gè vĩi à guuro. <sup>7</sup> Ben Ibraĩ fεε à kùε bùsu pì deenɔne <sup>8</sup> à bèñne: À ma yã ma, tó a we mà a gè vĩi kè. À wéeε kemε Zoa né Εflɔnua <sup>9</sup> à Makpela gbèwεε kè kú à bú lézi yá ma à ɔɔa, eé gɔ ma gèvĩikii ũ a bùsun.

<sup>10</sup> Εflonu vεena ñ té a wéte bĩilen gwe, ben à ò Ibraĩne Itinɔ wáa ñ píngi à bè: <sup>11</sup> Auo mare, ñ ma yã ma. Ma n gba buraa pì kɔn gbèwεε kè kú gweeo. Ma n gba ma gbẽnɔ wáa. Ma n gbame, le ñ n gè vĩin. <sup>12</sup> Ibraĩ kùε bùsu pì deenɔne, <sup>13</sup> ben à bè Εflɔnune ñ píngi wáa: Ñ swã kpá ñ ma yã ma. Mé buraa pì fĩa bonne. Ñ ma ɔɔ sí, mé ma gè vĩin. <sup>14</sup> Ben Εflonu bène: <sup>15</sup> Maree, ñ ma yã ma. Tɔɔte kè à ɔɔ kà kondogi wáa plaame, bɔn beee ũ wa dagura? Ñ n gè vĩin. <sup>16</sup> Ibraĩ à yã mà, ben à kondogi kè à ò yɔne gbẽnɔ wáa laatarinɔ zakaa. <sup>17</sup> Lemε Εflonu bú kè kú Makpela, Mamare saε, gò Ibraĩ pɔ ũ le kɔn gbèwεε kè kú gweeo kɔn lí kè kú gweenɔ zaa bú pì lézi píngi. <sup>18</sup> À gò Ibraĩ pɔ ũ Iti kè aɔ mò wéte bĩileanɔ píngi wáa.

<sup>19</sup> Beee gbera Ibraĩ a naɔ vĩi Makpela bura gbèwεε pì guu Mamare kè wè be tia Εblonu saε,

Kanaa bùsun. <sup>20</sup> Len bú kōn gbèwεε kè de Itinɔ pɔ ũ yāao gɔ̃ Ibraĩne gèvĩikii ũ le.

## 24

### *Nɔwεtena Isaakune*

<sup>1</sup> Ibraĩ zi kũ à gurɔɔɔ kà zà, ben Dii aubarika dàn yā píngi guu. <sup>2</sup> Ben à ò a zòblerinɔ gbēnsi kè de a pɔ píngi yāgɔ̃gɔ̃ri ũune à bè: Ñ ɔ sɔɔ ma gbáda gbáru, <sup>3</sup> mé tó ñ sí kōn Dii musu kōn tɔɔteɔ Luda tɔo kè né Kanaa kè má kú n ténɔ nɔɔ sé ma nénero. <sup>4</sup> Ñ gá ma be bùsun ma danenɔ guu, ñ nɔɔ sé ma néne gwe. <sup>5</sup> Ben à zòbleri pì à là à bè: Tó nɔgbē pì e we à tēmazi à sùmao bùsu kèkiin sɔro né? Mé gá kōn n néo bùsu kè n bɔnn yó? <sup>6</sup> Ibraĩ bène: Ñ làakari ke! Ñton gá kōn ma néo gwero. <sup>7</sup> Dii Luda Musude ma bɔ ma de be ma danenɔ bùsun, ben à yā òme à la dà à bè é bùsu kèkii kpá ma boriinɔame. Àmbe eé a Malaika zĩ à ònne ae. Gwen né nɔɔ sèn ma néne. <sup>8</sup> Tó nɔgbē pì e we à tènziro, n bɔ ladana kè n la dàme kè guu. Ñton gá gwe kōn ma néoro fá! <sup>9</sup> Ben à zòbleri pì a ɔɔ sòɔ a dii gbáda gbáru, à la dāne yā pì musu.

<sup>10</sup> Zòbleri pì a dii lakuminɔ sè mèn kuri kōn a dii auziki bori píngio, ben à fεε à gàa Nao be wéte zaa Siria Mesopotamia bùsun. <sup>11</sup> Kè à kà gwe, à tò lakuminɔ kámma bò lɔgɔ sae wéte kpeε. Kè uusie kè, gurɔ kè nɔgbēnɔ è bɔe í tɔ, <sup>12</sup> ben à adua kè à bè: Dii, ma dii Ibraĩ Luda, ñ gbēkeε ke ma diine ñ tó ma tá ke nna uusiea. <sup>13</sup> Ñ gwa, má zena lɔgɔ sae. Tó wéte nɔkparenɔ bɔe í tɔ, <sup>14</sup> nɔkpare kè má òne à a loo pita à í tɔme mà mi, tó à bème mà mi, ben à kpà ma lakuminɔa dɔ, ãndē mé dɔ kè n gbēkeε kè ma diine,

nɔgbɛ kɛ̀ n̄ diɛ n zòbleri Isaaku pɔ̀ ũun gwe. <sup>15</sup> Èe yā̀ pì o à yàaro, ben Betueli né Rebeke bò kɔ̀n looo dina a gā̀n. Betueli né Ibraĩ v̄i Nao né kè à ì kɔ̀n a naõ Milikaome. <sup>16</sup> Né pì maa bensõ à lezime, gɔ̀gbɛ kee e daeo zikiro. À mò lɔ̀gɔ̀zi, à í tò à a loo pà, ben à liara èe taa. <sup>17</sup> Ben zòbleri pì bàa lè à gàa à zé zòne à bè: N̄ ma gba í mà mi, baa féte. <sup>18</sup> Nɔ̀gbɛ̀ pì bè: N̄ mi Baa! Ben à a loo pìta gɔ̀ à í kpàa à mì. <sup>19</sup> Kè à í kpàa à mì à yā̀, à bè: Mé tó n lakuminɔ̀ne dɔ̀, aõ mi aĩ aõ kã. <sup>20</sup> Ben à a lo'i kà pɔ̀nɔ̀ ímibɔ̀n gɔ̀, à liara à bàa lè à gàa à í tó lɔ̀gɔ̀n, ben à í tò lakuminɔ̀ne píngi. <sup>21</sup> Gɔ̀gbɛ̀ pì zena èe à gwaa tíi, le à e à d̄s tó Dii é tó a tá ke nna, ke eé ke nnaro. <sup>22</sup> Kè lakuminɔ̀ í mì aõ yā̀, ben gɔ̀gbɛ̀ pì vura tãnga maaa dà nɔ̀ pìne a yā̀, à vura zāa dàne mèn plaa. Tãnga pì t̄isi kà giramu sɔ̀oro, zāa p̄nɔ̀ s̄ giramu basɔ̀sɔ̀oro. <sup>23</sup> Ben à à là à bè: N̄ omɛ, dé nén n ũu? Wé ikii e n de beó? <sup>24</sup> Ben à wèala à bè: Betueli nén ma ũ, Milika kɔ̀n Nao dio. <sup>25</sup> Sè kɔ̀n tàgaaɔ̀ din wa be, ben ikii kuu dɔ̀. <sup>26</sup> Ben gɔ̀gbɛ̀ pì kùe à dɔ̀nzi kè Diine à bè: <sup>27</sup> Dii ma dii Ibraĩ Luda aubarika v̄i kè èe gí gb̄ke kɔ̀n náaneɔ̀ yā̀ kenɛro yā̀nzi. Mapi s̄, Dii d̄mɛ aɛ ma dii danɛnɔ̀ be.

<sup>28</sup> Ben nɔ̀kpare pì bàa lè à gàa à yā̀ pì t̄kè a bedeenɔ̀ne. <sup>29</sup> Rebeke pì dāḡs̄ v̄i kè wè benɛ Labā. À bò wéte kpeɛ kɔ̀n bào à gàa à gɔ̀gbɛ̀ pì lè lɔ̀gɔ̀ léa, <sup>30</sup> zaake à è a dāre tãnga kɔ̀n zāao dana, ben à yā̀ kè gɔ̀gbɛ̀ pì òne mà. Kè à gàa à à lè kɔ̀n lakuminɔ̀ lɔ̀gɔ̀ léa, <sup>31</sup> à bè: N̄ mó m̄mɔ̀n kè Dii aubarika dàngu! À kè dia n̄ zena wéte kpeɛ? Ma kpé kèkenne kɔ̀n lakuminɔ̀ bàd̄kiio. <sup>32</sup> Gɔ̀gbɛ̀ pì gè ua, ben Labā



lakuminɔ asoo pòro à sèla kori kɔn tàgaaɔ kpà́mma à í kpà gɔgbɛ̀ pìà à a gbá pípio kɔn à gbɛ̀nɔ́ ń píngi.

<sup>33</sup> Wà pòblee diene, ben à bè: Mé pò ble gĩaro ai mà yā kè ma mɔo o. Ben Labā bè: N̄ o. <sup>34</sup> Ben à bè: Ibraĩ zòblerin ma ũ. <sup>35</sup> Dii aubarika kè ma diine maamaa, ben à gɔ̀ auzikidee ũ. A à gbà sãanɔ́ kɔn zùnɔ́ kɔn kondogio kɔn vuraɔ kɔn gɔgbɛ̀ zĩkerinɔ́ kɔn nɔgbɛ̀ zĩkerinɔ́ kɔn lakuminɔ́ kɔn zaakinɔ́. <sup>36</sup> Ma dii pì naɔ Sara né ì gɔgbɛ̀ ũ a zikū guu, ben ma dii pò kè à vīi kpà né pìà píngi. <sup>37</sup> Ma dii tò ma la dà, zaake à bè màton Kanaa kè à kú n̄ ténɔ́ nɔɔ sé a nénero. <sup>38</sup> À bè mà gá a de be a borii guu mà nɔɔ sé a néne gwe. <sup>39</sup> Ben ma a dii là ma bè, tó nɔgbɛ̀ pì e we à témazi s̄oro né? <sup>40</sup> À wèmalà à bè, Dii kè a taa òo bé eé a Malaika zī à gá zeme, le ma tá ke nna, mé nɔɔ sé a néne a de be danenɔ́ té. <sup>41</sup> À bè tó ma gaa a borii kiia, tó wè wero, mé bɔ ladana kè má la dàaree guu. <sup>42</sup> Kè ma ka lɔgɔ́ kiia gbàa ma bè: Dii, ma dii Ibraĩ Luda, tó n we, n̄ tó ma tá ke nna. <sup>43</sup> Má kú lɔgɔ́ léa. Nɔkpare kè m̀ò í tó, ben ma bène à ma gba í féte mà mi, <sup>44</sup> tó à bè mà mi, ben à tò ma lakuminɔ́ne dɔ, mé d̄ɔ kè nɔkpare kè n̄ diè à ke ma dii né pò ũun gwe. <sup>45</sup> Ai màgɔ́ yā pì o ma nòse guu mà yāa, ben Rebeke b̀ò kɔn looo dina a gàn à m̀ò lɔgɔ́ léa à í tò. Ben ma bène à ma gba í mà mi. <sup>46</sup> À a loo pita gɔɔ, à bè mà mi, é kpá ma lakuminɔ́a dɔ. Kè má mi, ben à kpà ma lakuminɔ́a. <sup>47</sup> Ben ma à là, dé nén à ũu? À bè Betueli nén a ũ, Milika kɔn Nao dio. Ben ma tãnga dànɛ a yīa, ma zāa dànɛ a ɔɔnɔa. <sup>48</sup> Ben ma kue ma donzi kè Dii ma dii Ibraĩ Ludane ma sáabu kpàa, zaake à d̄ome ae zé maaa guu, le mà a dii vīi dio sé à néne. <sup>49</sup> Tia sa tó é we à gbɛ̀ke kɔn náanɛo

yā ke ma diine, à omε. Tó ée we sōro, à omε, mé gá gu pāndea. <sup>50</sup> Labā kōn Betuelio wèàla wà bè: Yā pì bò Dii kiiamε, wá yāke ona vīro, à maaa ke à zaaa. <sup>51</sup> Rebekan yè, ò à sé ò táo, à gō n dii né naō ũ lán Dii ò nà. <sup>52</sup> Kè Ibraī zòbleri pì ò yā mà, à dàe tōte Diine. <sup>53</sup> Ben à zāblebo kè wà kè kōn kondogio kōn vuraο kōn pókāsāano bōe à kpà Rebekaa. À à vīi kōn à dao gbà pó ɔɔdeenɔ dɔ. <sup>54</sup> Ben àpi kōn gbē kè aō kúono pó blè aō í mì, ben aō ò gwe.

Kè aō fèe kongo à bè: À ma gbare mà tá ma diizi. <sup>55</sup> Nɔɔ vīi kōn à dao bè: Ò tó né pì gōwao baa guro kuri, é gbasa à tá. <sup>56</sup> Ben gōgbē pì bènnε: Lán Dii ma tá kè nna nà lán kè bà, àton ma dādā dɔro. À ma gbare mà tá ma dii kiia. <sup>57</sup> Ben aō bè: Wà né pì sisi wà à la. <sup>58</sup> Ben wà Rebeka sisi wà à là wà bè: Né tá kōn gbē pió? Ben Rebeka bè: Mé táo. <sup>59</sup> Ben aō Rebeka gbare kōn gwàri kè à à gwà zaa à néngo zīo, aōe taa kōn Ibraī zòblerio kōn à gbēno. <sup>60</sup> Aō sa maaa ò Rebekanε wà bè: Né, ò gō gbē pariino dazi ũ, n boriino gō gbāa vī ò zangurino.

<sup>61</sup> Ben Rebeka fèe kōn a nōgbē zīkerino, aō di lakumino kpεε aō té gōgbē pizi, ben à tànyo.

<sup>62</sup> À mò à lè Isaaku sù kōn lōgo kè wè be Ludabēkeema'eeo à vèe Nεgevi bùsun. <sup>63</sup> À bò à gaa à laasuu lé sèn uusie, ben kè à wée sè, à è lakumino e mɔɔ. <sup>64</sup> Rebeka wée sè à Isaaku è se, ben à pita a lakumi kpεε kpakpaa <sup>65</sup> à zòbleri pì là à bè: Dén gōgbē kè èe taa oo sèn èe mɔɔ dawale kaaa ũu? Ben zòbleri pì wèàla à bè: Ma diime. Ben Rebeka a pódangán sè à kù a uua. <sup>66</sup> Kè aō kà Isaaku kiia,

zòbleri yā kè à kè tōkēne píngi. <sup>67</sup> Isaaku gè kōn Rebekeao a da Sara bisakutaan, ben à à sè à gō à nō ũ. À ye nō pìzi, ben à làakari kpaena a da gaa gbera.

## 25

### *Ibraĩ gaa*

<sup>1</sup> Ibraĩ nō pānde sè dō à tón Ketura. <sup>2</sup> Né kè à ìonō tón yè: Zimara, Yòkōsā, Mēdā, Midiā, Isibaki, Sua. <sup>3</sup> Yòkōsā bé à Seba kōn Dedāo ì. Dedā boriinōn Asunō kōn Letusinō kōn Lēuminō ũ. <sup>4</sup> Midiā négōgbēnō tón yè: Efa, Efa, Anōku, Abida, Eleda. Aō píngi Ketura boriinōmē.

<sup>5</sup> Ibraĩ a auziki kpà Isaakua píngi, <sup>6</sup> ben à gba dà a nō yìgisai nēnōne à nì gbáe ofāntēbōe kpa le à kpé à ga, le aōtongō kú kōn Isaakuoro yānzi.

<sup>7</sup> Ibraĩ kè wè bakēndo sōrosai, <sup>8</sup> ben à gà. À zi kù kótokoto, gbasa à kà a gbēnōla gèwāa. <sup>9</sup> À néno Isaaku kōn Sumailao à vīi Makpela gbèwēe guu, Mamare ofāntēbōe kpa, buraa kè de Iti bori Zoa né Eflōnu pó ũ yā <sup>10</sup> kè Ibraĩ pì lù Itinōa. Gwen wà à vīin kōn a naō Sarao. <sup>11</sup> Ibraĩ gana gbera Luda aubarika dà à né Isaakun. À vēena Ludabēkēema'ee lōgō sae.

### *Sumaila boriinō*

<sup>12</sup> Ibraĩ né Sumaila boriinō yān yè. Sara zīkeri Agyara, Igipiti nōgbē bé à né pì ìo. <sup>13</sup> Sumaila négōgbēnō tón yè lán wà nì í nà. À daudu tón Nebayo. À dāaronō tón yè: Keda, Adabeli, Mibisamu, <sup>14</sup> Misima, Duma, Masa, <sup>15</sup> Adada, Tema, Yetu, Nafisi kōn Kedemao. <sup>16</sup> Sumaila négōgbēnō tón

gwe. Aõ baade a tó kpà a lakutu ke a bùranε. Aõmbe à bori kuri awεεplaaano kínano ũ.

<sup>17</sup> Sumaila kè wè baswεedo akuri awεεswεεplaa, ben à gà à kà a gbēnɔla gèwāa. <sup>18</sup> À boriino vèε zaa Avila ai à gàa pé Surua, Igipiti ɔfántēbɔε kpa gana Asiria bùsu kpa. Aõè kō té kpákpa kōn Ibraĩ bori kpaano.

### *Isau kōn Yakubuo ina*

<sup>19</sup> Ibraĩ né Isaaku boriino yān yè. Ibraĩ Isaaku ì. <sup>20</sup> Kè Isaaku kà wè baplaa, ben à Labā dāre Rebeka sè. Àmbe Siria bùsu gbē Betueli kè bò Mesopotamia bùsun né ũ. <sup>21</sup> Isaaku wée kè Diia a naõne, zaake pāame, ben Dii à adua sì, à naõ pì nò sì. <sup>22</sup> Sikanɔ e ɔsi kaa à gbεεn, ben à bè: Bóyānzi yā beee taka ma lezi? Ben à gàa à Dii là. <sup>23</sup> Dii bène:

Bori mèn plaaa kú n né'isɔn,  
gɔɔn plaaa kè aɔɔ kú n gbεεn pìno é kēkōa.  
Bori mèn doo gbāaa égɔ de a doola,  
à kè bò káaku égɔ zò né ũ zāane.

<sup>24</sup> Kè à né'igurɔ kà, ben à sikanɔ ì gōgbēno ũ. <sup>25</sup> Kè gbē káaku e bɔɔ, à bò tēε zónzon. À mèkā vī lán uta kádee bà, ben wà tó kpàne Isau. <sup>26</sup> Beee gbera kè né plaadee e bɔɔ, à dò Isau gbátogea, ben wà tó kpàne Yakubu. Isaaku wè baaagɔdee guun à né pìno ì.

<sup>27</sup> Né pìno bíta kù. Isau kè tofekari gbāaa kè è kē sètaroo ũ. Yakubu sō begwarime. <sup>28</sup> Isaaku ye Isauzi kè à nòbɔ lóu vī yānzi. Rebeka sō ye Yakubuzi.

<sup>29</sup> Zīkea Yakubu e dò kukuu, ben Isau sù kōn sèteo nɔaa e à deε. <sup>30</sup> Ben à bè Yakubune: N yā nna! Ñ tó mà dò tēa beee ble, zaake nɔaa e ma deεme. Beee

yānzi wà tó kpà Isaune Edomu. <sup>31</sup> Yakubu bè: Ñ n daudukεεε kpáma gĩa. <sup>32</sup> Ben Isau bè: Má kú gaa lézĩ, bón ma daudukεεε é kemεε? <sup>33</sup> Ben Yakubu bène: Ñ lù séme gĩa. Ben à lù sène à a daudukεεε kpàa. <sup>34</sup> Ben Yakubu burēdi kpàa kōn bládo pìo. À blè à í mì, ben à fεε à bò. Lemε Isau kè le, à a daudukεεε diε pā.

## 26

### *Isaaku kōn Abimεleki*

<sup>1</sup> Dekaa kà bùsu pìn à káakupō kè kà Ibraĩ gurō baasi, ben Isaaku fεε à gaa Filisitinino kí Abimεleki kii Gera. <sup>2</sup> Ben Dii bò à mōzi à bè: Ñton tá Igititiro, ñ vεε guu kè mé onneen. <sup>3</sup> Ñgō kú bùsu kèkiiin gĩa, mégō kúnyo mà aubarika kenne. Mé bùsu kèkii kpámma píngi kōn n boriino, mé lù kè má sè n dene papanne. <sup>4</sup> Mé n borii kaara lán sōsōnenō bà, mé bùsu kèkii kpámma píngi. Borii kè aō kú tōtēno é aubarika e n borii gāzĩ n píngi <sup>5</sup> kè Ibraĩ ma yā mà yānzi. À ma ođokii gwà, ben à yā kè má dieno kūna kōn ma yādannenano kōn ma dokayāno.

<sup>6</sup> Ben Isaaku gō Gera. <sup>7</sup> Kè wéte pì deeno e à laa à naō yā musu, à bè a dāreme. Èe vīa keε, zaake èe daa tó à bè a naōme, weé a de noo pì yānzi, zaake noo pì né no maaame. <sup>8</sup> Kè a gurōplaa kè gwe, Filisitinino kí Abimεleki wéε kpàε windo guu, ben à è Isaaku e bōnda gaa kōn a naō. <sup>9</sup> Ben à Isaaku sisi à bè: Ase n naōme! À kè dia n bè n dāreme? À wèlā à bè: Mée kpákpaā weé ma de à yānzime. <sup>10</sup> Abimεleki bè: Bó yā n kèwe leε? Féte bé à gō kè wa gbēke é dae kōn n noo pìo, le ñ wa da taarin. <sup>11</sup> Ben Abimεleki gbēno

swā sùkǎínε píngi à bè: Gbē kè ɔ kè gōgbē pìà kōn à naōo, weé à dε.

<sup>12</sup> Isaaku pò tǔ bùsu pìn, ben à pò è wè beee leo basoo, kè Dii aubarika dàn yānzi. <sup>13</sup> À kàara, à auziki e kaara ai à kè auzikide bíta ũ. <sup>14</sup> À sãanɔ kōn zùnɔ vī pari kōn zòɔ, ben Filisitininɔ zàn. <sup>15</sup> Ben aō lògɔ kè à de Ibraĩ gbēnɔ yò a gurɔanɔ tàta bùsuo píngi. <sup>16</sup> Ben Abimeleki bè Isaakune: Ñ fεε wa kiia, zaake ní gbāaa dεwala maamaa.

<sup>17</sup> Ben Isaaku bò gwe à bùra kàe Gera guzurεn, ben à gurɔplaa kè gwe. <sup>18</sup> Lògɔ kè wà yò à de Ibraĩ gurɔa ben Filisitininɔ tàta à de gaa gbεeraanɔ à εara à bòbɔ à tó dōnkɔ kè a de kpàánε yāanɔ kpàánε dɔ. <sup>19</sup> Isaaku zòblerinɔ lògɔ pānde yò guzurε pìn, ben aō bò í maaaa. <sup>20</sup> Ben Gera pódārinɔ swèe kè kōn Isaaku pódārinɔ wà bè: Wa ímε. Ben à tó kpà lògɔ pinε Swèe, kè aō swèe kèo yānzi. <sup>21</sup> Aō lògɔ pānde yò, ben wà swèe kè lògɔ pì yā musu dɔ, ben à tó kpàne Íbetε. <sup>22</sup> À bò gwe, ben à lògɔ pānde yò dɔ, aōε swèe kε à yā musu dɔro. Ben à tó kpàne Mèporokii, zaake à bè: Dii tò wa mè pòro, wé dagula sa.

<sup>23</sup> Beeε gbεra à gàa Bεεba. <sup>24</sup> Dii bò à m̀zi gwāavī beee à bè: Mámbe n de Ibraĩ Luda ũ, ñton vīa kero, zaake má kúnyo. Mé aubarika kenne mà n borii kaara ma zòbleri Ibraĩ yānzi.

<sup>25</sup> Gwen à sa'okii bòn à Dii sìsi. Ben à bùra kàe gwe à gbēnɔ e lògɔ yò. <sup>26</sup> Ben Abimeleki bò Gera à mò Isaaku kiia kōn a kpàasi Auzao kōn a zìkpεεnɔ gbēnsi Fikɔluo. <sup>27</sup> Isaaku ní lá à bè: Kè a zamagu a pεma a bε, à kè dia a mɔ ma kiia? <sup>28</sup> Aō wèàla wà

bè: Wá è Dii kúnyo, ben wa bè à maa wà lɛdole kɛ wà lù sɛkɔ̃nɛ à yā musu <sup>29</sup> kè né yā zaa ke kɛwero, zaake wée wée tām̄maro. Yā maaan wá kènne wa n gbarɛ aafia, ben Dii aubarika kènne. <sup>30</sup> Ben Isaaku n̄ yàari kè, ās pó blè ās í m̄i. <sup>31</sup> Kè ās fɛɛ kɔ̃ngɔ, ās lù sɛkɔ̃nɛ, ben Isaaku zè̄n̄nɛ, ās b̄ò à kiia aafia. <sup>32</sup> Zī beea Isaaku gb̄ɛnɔ m̄ò wà lɔ̃gɔ kè āsɔ ȳȳ yā ònɛ wà bè: Wa í è. <sup>33</sup> Ben à tó kpà̄nɛ Sɛba. Beee yānzin wè wéte p̄i sísi Bɛsɛba ai k̄ɔn a gb̄ãao.

<sup>34</sup> Kè Isau kà wè baplaa, à Iti nɔɔ sè mèn plaa, Beri né Yudi k̄ɔn ɛlɔni né Basɛmao. <sup>35</sup> Isaaku k̄ɔn Rɛbɛkao n̄sɛ èḡō yakana n̄ yānzimɛ.

## 27

### *Isaaku sa'olekɛna Yakubunɛ*

<sup>1</sup> Isaaku zi k̄ù à wée gb̄ãa d̄ɔro, èe guu ee maaro. Ben à a daudu s̄isi à bè: Né! Ben à wèàla à bè: M̄aɛ kè. <sup>2</sup> Isaaku bè: Ma zi k̄ù má a gagurɔɔ d̄ɔro. <sup>3</sup> N n sá sé k̄ɔn n gb̄arao n̄ gá n̄ n̄b̄ɔs̄ɛte wɛtɛmɛ. <sup>4</sup> N̄ ma p̄oyezi d̄ò kuku n̄ m̄óomɛ mà ble, mé sa'ole kɛnnɛ lɛ mà kpé mà ga.

<sup>5</sup> Rɛbɛka yā kè Isaaku ò Isaunɛ p̄i mà. Kè Isau fɛɛ à gaa tofe ká, <sup>6</sup> ben à gaa à ò Yakubunɛ à bè: Má mà n de yā ò n v̄iine à bè <sup>7</sup> à gá à n̄b̄ɔ deare à a p̄oyezi d̄ò kukuoare à ble, é sa'ole kɛnɛ k̄ɔn Dii tóo lɛ á kpé à ga. <sup>8</sup> Ben Rɛbɛka èara à bènɛ: N̄ ma yā ma n̄ yā kè má d̄annɛ kɛ. <sup>9</sup> N̄ gá blè kpàsa guu n̄ blènɛ maaa k̄ù mèn plaa n̄ suo. Mé n de p̄oyezi d̄ò kukunɛ, <sup>10</sup> né gáonɛ à ble, éé sa'ole kɛnnɛ lɛ à kpé à ga. <sup>11</sup> Ben Yakubu bè a danɛ: Ma v̄iì m̄èk̄ā v̄i, ben ma m̄è p̄órɔp̄ɔrɔ. <sup>12</sup> Tó ma de ɔ kèma, tó à ma d̄s, éé

be mée a kεε pāpāme, eé lé kemε sa'ole gēε ũ. <sup>13</sup> Ben à da bène: Luda tó lékenannεε pì gōme. Ñ ma yā ma dé! Ñ gá ñ de ñ suome.

<sup>14</sup> Ben Yakubu gāa à blè pìno dè à sùo a danε, ben à à de poyezi dò kùkunε. <sup>15</sup> Ben à a daudu pókāsā maaa kè kú a kpé guuno sè à dà a né sabideenε. <sup>16</sup> À blène báa pìno fifi à ɔɔɔa kɔn à waa pórɔpɔɔo. <sup>17</sup> Ben à dò kɔn bureɔdi kè à kèo kpāa.

<sup>18</sup> Yakubu gāa a de kiia à bè: Baa! Ben à de bè: Mae kè! Ma né kpareemε? <sup>19</sup> Yakubu wèàla à bè: Mámbe Isau n daudu. Lán ní òme nà, má kè le. Ñ fεε ñ vεε ñ ma ɔzīi ble le ñ sa'ole kemε. <sup>20</sup> Ben Isaaku bè a néne: O'o! Ñ è kòó? À wèàla à bè: Dii n Luda bé à ma tá kè nna. <sup>21</sup> Ben Isaaku bène: Ñ sōmazi mà ɔ kemma le mà dō tó ma né Isaume yāpura. <sup>22</sup> Yakubu sò a dezi, ben à ɔ kèa à bè: Kòto kèkii né Yakubu kòtome, ɔ kèkii sō Isau ɔɔme. <sup>23</sup> Ben èe à dōro, kè à ɔɔno kā vī lán Isau pò bà yānzi. À yezi à sa'ole kenε, <sup>24</sup> ben à à là gīa: Ma né Isaun n ũ yāpuraó? À wèàla à bè: Mámbee! <sup>25</sup> Ben à bè: Ñ pò kpáama mà n ɔzīi ble, mé sa'ole kennε. Kè à dienε, ben à blè. À mōne kɔn wεεo, à mì do. <sup>26</sup> Ben à de pì bène: Ñ sōmazi ñ lé péma. <sup>27</sup> Ben à sōzi à lé pèa. Kè Isaaku à pókāsāano gūu mà, ben à sa'ole kènε à bè: Ma né gūu de

lán buraa kè Dii aubarika dàn bà.

<sup>28</sup> Luda n gba mɔɔɔ bɔna musu, à n gba tɔɔte maaa. Blewεε kɔn geepiwεεo égō dinzi.

<sup>29</sup> Gbēno é zò blenne, boriino é kúε n aε, négō de n gbēno dii ũ,



n da néno é kúenne.  
Luda é lé ke gbē kè aǎ lé kènnεεεnε,  
eé aubarika da gbē kè aǎ sa maaa ònnεεεnε.

<sup>30</sup> Kè Isaaku sa'ole kè Yakubune à yǎa, ben Yakubu gu à kiia. Kè à vǎi sù kǎn tofekao gǎo, <sup>31</sup> ben à pǎblee kè a denε dǎ à gǎaone, ben à bène: Baa! Ñ fεε ñ ma ɔzǐ ble ñ sa'ole kemε. <sup>32</sup> Ben à de à là à bè: Mbe dé ũu? À wèàla à bè: Mámbe n daudu Isau. <sup>33</sup> Yǎ pǐ Isaaku swē zǎ èe lugalugaa à bè: Dé bé à nǎbǎ dè à mǎome yǎ ai ñgǎ gá su má sò? Ma sa'ole kène kò, àmbe eé aubarika e. <sup>34</sup> Kè Isau a de yǎ pǐ mà, à pǔtǎ à ɔ gbǎaa dǎ à kè wēnda, ben à bè: Baa! Ñ sa'ole kemε dǎ. <sup>35</sup> Ben à bè: N dǎaro mǎ kǎn ɔndǎo à n sa'ole sì kò. <sup>36</sup> Ben Isau bè: À tǎn Yakuburoo? À ma kεkε à kè gènn plaan gwe sa. À ma daudukεze sìma yǎ, ben à ma sa'ole sìma tia dǎ. Mé sa'ole e dǎroó? <sup>37</sup> Isaaku wèàla à bè: Ma à diε n dii ũ, ma à danεnǎ kè à zǎblerinǎ ũ ñ píngi, ma blewεε kǎn geepiwēεo kpàa. Bón mé e mà kenne dǎo? <sup>38</sup> Isau bè a denε: Baa, sa'ole been ñ vǐ adoó? Ñ sa'ole pǎnde kemε dǎ Baa. Ben Isau wii gbǎaa lè. <sup>39</sup> Ben à de wèàla à bè:

Tǎote kè négǎ kún égǎ maaro,  
mǎdǎ é bǎnne zaa musuro.

<sup>40</sup> Négǎ fεεda kǎna,  
né zǎ ble n dǎarone.  
Lεme dǎ n làakari é gǎ kpaenaro,  
né à gbóngo gonla.

<sup>41</sup> Isau íbete sè kǎn Yakubuo sa'ole kè à de kène yǎnzi, ben à bè a nǎse guu: Ma de gaa zǎro, gbasa mé ma dǎaro de. <sup>42</sup> Wà yǎ kè Isau ò kǎomǎo kè Rεbεkanε, ben à Yakubu sìsi à bè: Isau yezi à gǎε

bomma à n de. <sup>43</sup> Ñ ma yã ma sa. Ñ fεε ñ baale ñ gá ma dǎgõ Labã be zaa Arana <sup>44</sup> ñgõ kúo gwe gĩa ai n v̄i pi pɔfẽ kpáε. <sup>45</sup> Tó à nòse kpáε, tó yã kè ñ kène sàñ, mé gbẽ zĩ wà n gbè sé. Má yezi mà kora a gõn plaaanɔzi píngi guro doró.

<sup>46</sup> Ben Rebeka bè Isaakunε: Iti nɔgbẽnɔ nii bòmagu. Tó Yakubu Iti nɔɔ sè bùsu kèkiin lán Isau nɔgbẽ beeenɔ bà, ma kuuna égõ nname doró.

## 28

### *Yakubu tana Labã kiia*

<sup>1</sup> Ben Isaaku Yakubu sìsi à sa'ole kène à yã dànε à bè: Ñton nɔɔ sé Kanaa nɔgbẽnɔ téro. <sup>2</sup> Ñ fεε ñ gá Mesopotamia bùsun n da de Betueli be, ñ nɔɔ sé gwe n desẽ Labã néno té. <sup>3</sup> Luda Gbãapingide aubarika dangu à tó ñ né i maamaa, aõgõ kaara le ñ gõ boriinɔ dezi ù. <sup>4</sup> Luda aubarika kè à dà Ibraĩn dangu kõn n boriinɔ, le bùsu kè néε nibɔ bleen gõnne, bùsu kè à kpà Ibraĩa. <sup>5</sup> Ben Isaaku Yakubu gbàre à gá Labã kiia Mesopotamia bùsun. Labã né Siria bùsu gbẽ Betueli néme, Yakubu kõn Isauo desẽme.

<sup>6</sup> Isau mà Isaaku sa'ole kè Yakubunε à à gbàre Mesopotamia le à nɔɔ sé gwe. Kè à sa'ole pi kène, à bè àton nɔɔ sé Kanaa nɔgbẽnɔ téro. <sup>7</sup> À tàasi kè kè Yakubu a de kõn a dao yã mà à dà Mesopotamia zén. <sup>8</sup> Ben à dõ sa ke a de pɔɔ nna kõn Kanaa bùsu nɔgbẽnɔro. <sup>9</sup> Ben à gàa Ibraĩ né Sumaila kiia à à né Maala sè à nà a nɔ káakunɔa. Maala né Nebayo dāremε.

### *Yakubu nana'ona Beteli*

<sup>10</sup> Yakubu bò Beεεba à dà Arana zén. <sup>11</sup> Kè à kà gukea, à yezi à i gwe kè ɔfántẽ gè kpén yānzi. Ben

à gbè sè guu pìn a mìdibɔ ũ à dàε gwe. <sup>12</sup> Ben à nanaa ò à gára è pεena tɔɔte ai à gàa à zò ludambεεa, Luda malaikanɔɔ e didiia aɔɔe pitaa. <sup>13</sup> À Dii è zεnaala à bè: Mámbe Dii n dezi Ibraĩ kɔn n de Isaakuo Luda ũ. Mé bùsu kè í daεa kèki kpámma, mpi kɔn n boriino. <sup>14</sup> N boriino égɔ pari lán bùsuti bà, aɔé dagula ɔfántɛbɔε kpa kɔn ɔfántɛgɛkpen-o kɔn gu'igbárooo kɔn sɔɔmetεo. Anduna bori píngi é aubarika e mpi kɔn n boriio gāzĩ. <sup>15</sup> Mégɔ kúnyo, mégɔ n dākpa guu kè néε gaan píngi, mé εara mà sunyo bùsu kèkiin, zaake mé n tónlo mé yā kè má ònnεε ke.

<sup>16</sup> Kè Yakubu vù kɔn iio à bè: Dii kú gura kè, ben mée dōro! <sup>17</sup> Vĩa à kù à bè: Guu kè ma kā fεε. Luda bεεmε, ludambε zéme.

<sup>18</sup> Yakubu fεε kɔngɔ à gbè kè à kè mìdibɔ ũu pì sè à pèε dɔngupɔ ũ, ben à nósi kù. <sup>19</sup> Ben à tó kpà guu pìne Beteli, mode wéte kè wà kàε gwe tó káakun Luzu. <sup>20</sup> Yakubu lù sè Diine à bè: Tó í kúmao, tó né ma dākpa ma wéte kèkii gana guu, tó né ma gba póblee kɔn pókāsāano <sup>21</sup> ai ma gaa ma su ma de be aafia, négɔ de ma Luda ũ, <sup>22</sup> gbè kè má pèε dɔngupɔ ũu pì é gɔ n gbāgbākii ũ, pó kè n ma gba píngi, mé à kuridee kpámma.

## 29

### *Yakubu kana Labā be*

<sup>1</sup> Yakubu εara à dà zén à gàa ɔfántɛbɔεkpadeeno bùsun. <sup>2</sup> Kè à kà gwe, à lògɔ è sèn sã kpàsa leo aagɔ kaεna à saε, zaake lògɔ pì ín wè kpámma. Gbè bíta tatana lògɔ pìle. <sup>3</sup> Tó kpàsa pìnɔ kàkōa gwe píngi, ben wè gbè pì go lògɔ pìle wà í kpámma, ben wè εara

wà gbè pì tataàle a gbèn. <sup>4</sup> Ben Yakubu sādārinɔ là à bè: Gbēnɔ, a bɔ māmɛ? Aɔ wèala wà bè: Wa bɔ Aranamɛ. <sup>5</sup> Ben à n lá à bè: Á Nao dio Labā dɔ́ɔ? Aɔ wèala wà bè: Wá à dɔ́. <sup>6</sup> Ben à n lá à bè: À aafiaɔ? Aɔ bè: À aafia. N à né Raseli gwa, èe mɔɔ kɔ́n sāanɔ kāaa. <sup>7</sup> Ben Yakubu bè: Ɔfāntɛ kpé gbāa, sāanɔ tágurɔ e ká kòro. À í kpámma à gá n dā. <sup>8</sup> Ben aɔ bè: Wé fɔro. Tó èe ke sá kpāsano kākɔa píngi baasiro, wè gbè go lògɔ pìle wà í kpámmaro.

<sup>9</sup> Kè èe yā oonɛ le, Raseli mò kɔ́n a de sāanɔ, zaake sādārin à ũ. <sup>10</sup> Kè Yakubu a desɛ Labā nénɔgbɛ Raseli è kɔ́n à de sāanɔ, à sò lògɔzi à gbè gò lògɔ pìle, ben à í kpá a desɛ sāanɔa. <sup>11</sup> Ben à lé pè Raselia à pɔnna ɔɔ dò. <sup>12</sup> Ben à ònɛ kè à de danɛ Rebekeka nén a ũ. Ben Raseli bàale à gàa à ò a denɛ. <sup>13</sup> Kè Labā a dāre né Yakubu baaru mà, à bàale à gàa daàle. Kè à kà, ben à kùsia à lé pèa à tào a be. Ben Yakubu yā kè kènɔ ònɛ píngi. <sup>14</sup> Ben Labā bènɛ: Ma arumɛ n ũ yāpura.

### *Yakubu Lea kɔ́n Raselio sɛna*

Yakubu kè Labā be mɔ do, <sup>15</sup> ben Labā bènɛ: Kè n de ma danɛ ũ yānzin né zīi kemɛ pās? Dia mé fīa bonne nà ònɛ. <sup>16</sup> Labā sɔ́ nénɔgbɛnɔ vī gɔɔn plaa. Yɔɔ tón Lea, Bāa sɔ́ Raseli. <sup>17</sup> Lea wée busana, Raseli sɔɔ nɔkparɛ maaamɛ, ben à kakana maa. <sup>18</sup> Yakubu ye Raselizi, ben à bè Labānɛ: Mé zīi kennɛ wè swɛɛplaa n né bāade Raseli yānzi. <sup>19</sup> Labā bè: À sàò mà à kpámma de mà à kpá gbɛ pāndeala. Ngɔ kú ma be kè.

<sup>20</sup> Ben Yakubu zīi kènɛ wè swɛɛplaa Raseli yānzi, ase à kènɛ lán gurɔ plaaa bàamɛ kè à yezi yānzi.

21 Ben à bè Labāne: Kè ma zĩ gurɔɔ pàpa, ò ma nɔɔ kpàma mà sé. 22 Ben Labā gwedeeno kàkɔa ò píngi à nɔseɔblee kèñne. 23 Kè uusie kè, ben à a né Lea sè à kpàa, ben Yakubu dàeo. 24 Labā a nɔgbē zĩkeri Zilipa kpà Leaa zĩkeri ũ. 25 Kè guu dè Yakubu è Leame, ben à bè Labāne: Bóyānzi ò kème læ? Raseli yānzin ma zĩ kènnéziroo? Bó bé à tò n ma kèkè? 26 Labā bè: Wa kiia wè Bāa kpà gɔɔa Yɔɔ āro. 27 Ò azuma doo ke kɔn gbē beeeo gĩa, mé à gbēndoo kpámma zĩ kè né ɛara ò kemε wè swεεplaa pānde pò ũ. 28 Yakubu wèzi à azuma doo pì kè kɔn Leao, ben Labā a né Raseli kpàa nɔɔ ũ. 29 Labā a nɔgbē zĩkeri Bila kpà Raselia zĩkeri ũ. 30 Yakubu dàe kɔn Raselio sɔ, ben à yezi de Leala. Ben à ɛara à zĩ kè Labāne ai wè swεεplaa dɔ.

### *Yakubu néno*

31 Dii è Yakubu ye Leaziro, ben à à kè nédandee ũ, Raseli sɔ pāaame. 32 Lea nò sɔ à né ò gɔgbē ũ, ben à tó kpàne Rubeni, zaake à bè: Dii ma nawēakena gwà. Ma zā égɔ yemazi sa. 33 Kè à nò sɔ dɔ, à né ò gɔgbē ũ, ben à bè: Dii mà ma zā yemaziro, ben à ɛara à né kèkii kpàma dɔ. Ben à tó kpàne Simεɔ. 34 Kè à ɛara à nò sɔ dɔ, à né ò gɔgbē ũ à bè: Kèkii sa ma zā é ma diékii ero, zaake ma négɔgbē ò mèn aagɔ. Ben à tó kpàne Levi. 35 À ɛara à nò sɔ dɔ à né ò gɔgbē ũ à bè: Kèkii sa ma Dii sáabu kpà, ben à tó kpàne Yuda. Ben à né'ii zè.

## 30

1 Kè Raseli è ée né ii kɔn Yakubuoro, à gɔaano kpà kɔn a v̄io. Ben à bè Yakubune: Ò nò dɔmagu. Tó mée e sɔro, mé game. 2 Yakubu pò fèzi à bè: Mámbe

Luda ũ kè n tē néó? <sup>3</sup> Ben Raseli bè: Ma zīkeri Bilan yè. N gá io à néno ime, mé borii e se à gāzī. <sup>4</sup> Ben à a zīkeri Bila kpàa nɔɔ ũ. Yakubu dàeo, <sup>5</sup> ben à nò sɪ à né ì gōgbē ũ. <sup>6</sup> Ben Raseli bè: Ludaa tò yā bōmao nna à ma yā mà, à ma gba négōgbē. Ben à tó kpàne Dani. <sup>7</sup> Raseli zīkeri pì èara à nò sɪ à né ì gōgbē ũ dɔ, <sup>8</sup> ben Raseli bè: Ma ɔsi ìsi kà kōn ma v̄io ma ɔsii nè. Ben à tó kpàne Nafatali.

<sup>9</sup> Kè Lea è a né'ii zè, ben à a zīkeri Zilipa kpà Yakubua nɔɔ ũ dɔ. <sup>10</sup> Ben Lea zīkeri pì né ì gōgbē ũ kōn Yakubuo. <sup>11</sup> Ben Lea bè: Mìnnaame. Ben à tó kpàne Gada. <sup>12</sup> Ben Lea zīkeri pì né ì gōgbē ũ dɔ kōn Yakubuo. <sup>13</sup> Ben Lea bè: Ma pɔɔ kè nna, zaake nɔgbēno é be pɔnnadeen ma ũ. Ben à tó kpàne Asa.

<sup>14</sup> Rubeni bò ésekēgurɔ à yenzi ēzē è sèn, ben à bòbo à sùo a da Leane. Ben Raseli bène: N n né yenzi ēzē pì dāme. <sup>15</sup> Lea bène: Kè n ma gɔɔ sìma, beee e mómmaro, ben n yezi n ma né yenzi ēzē sí dɔɔ? Raseli bè: Tó n kpàma, mbe né io gbàa.

<sup>16</sup> Kè Yakubu e suu kōn buraaο uusia, Lea bò à gāa à dààle à bè: Mámbe mé inyo gbàa, zaake ma n sēkà ma né yenzi ēzē yānzime. Ben à ìo gwāavī beee. <sup>17</sup> Luda Lea wékeke sɪ, ben à nò sɪ à Sāani ì kōn Yakubuo. <sup>18</sup> Ben Lea bè: Luda láada kpàma, kè ma a zīkeri kpà ma zāa yānzi. Ben à tó kpàne Isaka. <sup>19</sup> Lea èara à nò sɪ dɔ à Tori ì, <sup>20</sup> ben à bè: Luda gba maaa dàme. Kèkii sa ma zā é ma kpe da, zaake ma négōgbēno ìo mèn swēedo. Ben à tó kpàne Zebuluni. <sup>21</sup> Zāazāa à néno gbē ì, ben à tó kpàne Dina.

<sup>22</sup> Ben Raseli yā dɔ Ludan à à wékeke sɪ, ben à kè nédandee ũ. <sup>23</sup> À nò sɪ à négōgbē ì, ben à bè: Luda

wí bòmɛ. <sup>24</sup> Ben à tó kpàɛ Yusufu à bè: Dii ɛara à négɔgbɛ pãnde kaaramɛ dɔ.

### *Yakubu pɔno dãna Labãɛ*

<sup>25</sup> Kè Raseli Yusufu ì, Yakubu bè Labãɛ: Ñ ma gbare mà tá ma be b̀sun. <sup>26</sup> Ma z̄i k̀enne ma nɔɔnɔ k̄n ma n̄nɔ yãzi. Ñ n̄ kpáma mà tá, zaake n̄ d̄s lán ma z̄i k̀enne nà. <sup>27</sup> Ben Labã bèɛ: Tó ma n pɔnnaa è, n̄ ḡmao kè. Ma màso kè má è Dii aubarika k̀eme n yãzi. <sup>28</sup> Ñ n asaiapɔ omɛ, mé kpámma. <sup>29</sup> Yakubu bèɛ: Ñ d̄s lán ma z̄i k̀enne nà. Ñ d̄s lán n pókãdeenɔ kè ma ɔz̄i nà, <sup>30</sup> zaake à féte kè n̄ v̄i zaale méɛ móroo kàara maamaa. Dii aubarika d̀angu guu kè ma gaan n be píngi. B̀ren mé ma z̄inda be z̄i ke s̄ɔ? <sup>31</sup> Labã à là à bè: B̀n mé f̄ia boonneɛ? Yakubu wèàla à bè: Ñton pókɛ kpámaro, m̀ode n̄ yã kè kemɛ, méḡɔ n pɔno dãanne. <sup>32</sup> Ñ tó mà ḡɛ n pɔno té gbàa mà sã bakebakenɔ k̄n à togetogenɔ pleple ma asaiapɔ ũ k̄n sãɛ b̀ro siaanɔ k̄n blè bakebakenɔ k̄n à togetogenɔ. <sup>33</sup> Tó n ma asaiapɔ gwà gana gurɔ aez̄i, né d̄s tó má yãpuraa v̄i. Blè kè kuu bakebakero ben à togetogero, ke sãɛ b̀ro kè siaro, ẽnd̄ɛ ma kp̄ai òmɛ. <sup>34</sup> Labã bè: T̀! Àḡɔ de lán n̄ ò nà. <sup>35</sup> Z̄i beea Labã à blèkof̄i bakebakenɔ sè k̄n à w̄zãdeenɔ k̄n blèda togetogenɔ k̄n à bakebakenɔ, ās pókè ās puraa v̄inɔ píngi k̄n sãɛ b̀ro siaanɔ píngi, à n̄ ná a n̄égɔgb̄enɔnɛ n̄ ɔz̄i. <sup>36</sup> Ben à kp̀angu dà n̄ dagura k̄n Yakubuo lán gurɔ aaḡɔ tá bà, ben Yakubu e Labã pókpaanɔ dãa.

<sup>37</sup> Yakubu lí bori aaḡɔ ḡà búsunɔ z̄ɔz̄ɔ à n̄ w̄zã kp̀akpa à n̄ w̄zã kè p̄u. <sup>38</sup> Ben à lí kè à n̄ w̄zã kp̀akpa p̄inɔ p̀erep̄e pɔno gbãngo ímikiia, pókè āsɛ

moo í mino wéen, zaake gwen aãè kpákpa on. <sup>39</sup> Tó aã kpákpa ò lí pìno sae, ben aãègõ né wēzādeenõ ii kōn à togetogenõ kōn à bakebakenõ. <sup>40</sup> Yakubu è pónne pìno pleple adona è à wēzādeenõ kōn à siaanõ ká Labā pónõ guu. Lemε à a zīnda kpàsa bò le, èe ká Labā pónõ guuro. <sup>41</sup> Tó póbori maaanõ fēe kōn kpákpa'onao, Yakubu è lí pìno pépepe pónõ aezi ímikiia, le aã kpákpa o ní sae. <sup>42</sup> Tó pò ginanõme sõ, è lí pépepeínero. Len pò ginanõ gò Labā pò ũ le, ben póbori maaanõ gò Yakubu pò ũ. <sup>43</sup> Ben Yakubu auziki ègõ kaara maamaa à pónõ pari kù kōn nōgbē zīkerinõ kōn gōgbē zīkerinõ kōn lakuminõ kōn zaakinõ.

## 31

### *Yakubu bàalena Labāne*

<sup>1</sup> Yakubu yā kè Labā nénõ e oo mà kè aã bè: Yakubu wa de pónõ sia píngi. Wa de auziki guun à kaarana èn. <sup>2</sup> Yakubu dõ Labā wéea, kè a yā kú à nòse guu lán yāa bà dōro. <sup>3</sup> Ben Dii bènne: N̄εara n̄ tá n̄ dezi b̄usun n̄ danenõ be, mégõ kúnyo. <sup>4</sup> Ben Yakubu Raseli kōn Leao sisi aã mó a pónõ kiia sèn. <sup>5</sup> À bènne: Má dõ a de wéea kè ma yā kú à nòsen lán yāa bà dōro. Baa kōn beeeo ma de Ludaa kúmao. <sup>6</sup> Á dõ a zīdane kè ma zīi kè a denε ma gbāa lémmε. <sup>7</sup> A de òndõ kème à ma láada liε gēn kuri, ben Ludaa e tó à yāke kèmero. <sup>8</sup> Tó à bè sã bakebakenõ ma baka ũ, sãanõ ègõ né bakebakenõ ii. Tó à bè à wēzādeenõ bé wà ma baka ũ, sãanõ ègõ né wēzādeenõ ii. <sup>9</sup> Luda a de sãanõ sia à kpàma.

<sup>10</sup> Gurõ kè blènõ e kpákpa oo, ma nanaa ò, ben nanaa guu má è blèkoffi kè aõe kpákpa oonõ né



blè wēzādeenɔmε kōn à bakebakenɔ kōn à togetogenɔ. <sup>11</sup> Ben Luda Malaika bèmε nanaa pì guu: Yakubu! Ben ma weàla ma bè: Maε kè! <sup>12</sup> À bè: Ñ wée sé ñ gwa. Blèkofii kè aɔɔε kpákpa oonɔ píngi blè wēzādeenɔmε kōn à bakebakenɔ kōn à togetogenɔ, zaake ma yā kè Labā kènneε è píngi. <sup>13</sup> Mámbe Luda kè bò à m̀nzi Beteli ũ, guu kè n gbè pèen n ǹosi k̀ua n l̀u s̀ema. Tia sa ñ fεε ñ bɔ̀ b̀usu k̀en ñ tá n bὲ b̀usun. <sup>14</sup> Ben Raseli k̀on Leao bène: Wá túbi ví wa de bὲ d̀ó? <sup>15</sup> Èe wa diεε gbē z̀itɔnɔ ũnloo? A wa yamma, ben à à ɔ̀ blè píngi. <sup>16</sup> Auziki kè Ludaa si wa dea g̀ɔ̀ wa p̀ó ũ p̀ingime k̀on wa ǹenɔ. Ñ yā kè Ludaa ònneε ke p̀ingì sa.

<sup>17</sup> Ben Yakubu fεε à a ǹenɔ k̀on a nɔɔnɔ d̀i lakuminɔ kpeε. <sup>18</sup> À a p̀ókādeenɔ k̀on auziki kè à è Mesopotamianɔ s̀εε píngi, ben à dà z̀én èe taa a de kiiia Kanaa b̀usun. <sup>19</sup> Kè Labā g̀aa a s̀aanɔ k̀ā k̀εε, ben Raseli à t̀aanɔ s̀ε kpāi à kpeε. <sup>20</sup> Yakubu s̀ɔ̀ ɔ̀ndɔ̀ kè Siria bori Labāne èe lé zaaro. <sup>21</sup> À fεε à bàale k̀on a p̀onɔ píngi à bik̀ù Yuflatia, ben à mì pè Giliada gusĩsĩdeea.

### *Labā pεena Yakubuzi*

<sup>22</sup> À gurɔ̀ aagɔ̀dee z̀i wà bè Labāne Yakubu bàale. <sup>23</sup> À a gbēnɔ k̀akɔ̀a, ben à p̀εzi. À t̀aa ò gurɔ̀ swεεplaa, ben à à lè Giliada gusĩsĩdeen. <sup>24</sup> Ben Luda bò à m̀zi gwāavĩ nanaa guu à bène: Ñ làakari ke yā kè né o Yakubunεzi à maa ke à zaa.

<sup>25</sup> Labā Yakubu b̀ura lè pεena Giliada gusĩsĩdeen, ben à b̀ura k̀ae gwe k̀on a gbēnɔ se. <sup>26</sup> Ben Labā g̀aa à bè Yakubunε: B̀óyānzi n ɔ̀ndɔ̀ k̀emε n ma ǹenɔ s̀ε n tańyo lán z̀izɔnɔ bà? <sup>27</sup> B̀óyānzi n ɔ̀ndɔ̀

kème n wure kpāi nées lé zamaro, le ma gaa zenne kōn ponnakenao kōn lèsinao kōn gāgāo kōn m̄roo. <sup>28</sup> Nées tó ma lé zà ma nén̄o kōn ma dion̄aro. N yōnkoyā kè. <sup>29</sup> Ma gbāaa kà mà yā zaaa keare, ben n de Luda yā òme gwāavī à bè mà làakari ke yā kè mé onnezi à maaa ke à zaaa. <sup>30</sup> Nées taa sa, kè nées n de be bege kee yānzi. À kè dia n ma tāan̄o sè kpāii? <sup>31</sup> Yakubu wèàla à bè: Ma vīa kè mée daa né n nén̄o símam̄e. <sup>32</sup> Gbē kè n n tāan̄o è à kiia, wà à de. Ñ ma pón̄o gwagwa wa gbēn̄o wáa. Tó n n pò è, ñ sé. Yakubu s̄o d̄o kè Raseli Labā pò sè kpāiro. <sup>33</sup> Labā gè Yakubu bisa kutaan à gè Lea kutaan à gè n̄ogbē zikeri ḡon plaa p̄in̄o kutaan èe pòke ero. Kè à bò Lea kutaan, à gè Raseli kutaan. <sup>34</sup> Raseli taa p̄in̄o sè à ùte lakumi gāari guume, ben à v̄eεa. Labā à kuta guu gwàgwa p̄ingi, èe pòke ero. <sup>35</sup> Raseli bè a dene: Baa, ñton p̄o f̄maziro, zaake mée e mà f̄ero kè má o kùna yānzi. Lem̄e Labā a tāan̄o wète le èe ero. <sup>36</sup> Ben Yakubu p̄o f̄è à léf̄otoo kà Labāzi à bè: Bó dàn má kè? B̄o durunn má kè ben n p̄emazi wāawāa lán kè bà? <sup>37</sup> Kè n ma pón̄o gwàgwa p̄ingi, n n be pón̄o è gweó? Ñ b̄o gupuraa ma gbēn̄o kōn n gbēn̄o wáa, aō yā nnaa kpá gbē kè a yā nnaaa. <sup>38</sup> Ma ke n be wè baro. N s̄aan̄o kōn n blèn̄o e nò b̄ero, mée n s̄aa ke sóro. <sup>39</sup> Mée sunne kōn pò kè n̄b̄o p̄as̄in̄o kù keoro, mèè à f̄ia bonne ma z̄indame. Nèè pò kè wà à kpāi ò gwāavī ke f̄iantē f̄ia lama. <sup>40</sup> Ōf̄antē è ma le f̄iantē, ïa è ma de gwāavī, mèè itē ke. <sup>41</sup> Len ma ke n be le ai wè baro. Wè ḡero dosai ma z̄i kènne n nén̄ogbē ḡon plaaan̄o yānzi. Ma wè sw̄edoo kè n kpàsa yā musu. N ma láada liè gèn kuri. <sup>42</sup> Tó èe ke ma dezi

Ibraĩ Luda kè ma de Isaaku à vĩa vĩa zèmao baasiro, le n ma gbarɛ ɔkori. Luda zĩ kè má kè kɔn nawẽao è, ben à kpàkɛnzi gĩa gwãavĩ.

<sup>43</sup> Ben Labã wè Yakubula: Nɔgbɛ kèkiinɔ sɔ ma nɛnɔmɛ. Né kèkiinɔ sɔ ma dionɔmɛ. Pókãdee kèkiinɔ sɔ ma pókãdeenɔmɛ. Pó kè n è kè píngi ma pómɛ. Bón mé ke ma nɛnɔgbɛnɔ kɔn né kè aɔɔ inɔne gbàa? <sup>44</sup> Ñ tó wà ledole ke àgɔ de sèeda ũ wa dagura.

<sup>45</sup> Ben Yakubu gbè sè à pɛɛ yã pì dɔngupɔ ũ. <sup>46</sup> À bè a gbɛnɔne aɔ gbɛnɔ sɛɛ, ben aɔɔ sɛɛ aɔɔ dɪdikɔa, ben aɔ pò blè à saɛ. <sup>47</sup> Ben Labã tó kpà gbèdidikɔana pìnɛ Yega Saaduta. Yakubu tó kpànɛ Galɛɛdi. <sup>48</sup> Labã bè: Gbèdidikɔana kèkiin sèeda ũ wa dagura gbàa. Bee yãnzì wà tó kpànɛ Galɛɛdi. <sup>49</sup> Wè be dɔ Mizipa, zaake Labã bè: Dii wa dākpa wa kɛkɔana gbera le wàton zakɔnlo yãnzì. <sup>50</sup> Tó n ãa dà ma nɛnɔgbɛnɔa ke tó n nɔ pãndenɔ sè dɔ, baa tó wá kú kɔ kiiaro, ñgɔ dɔ sãnsãn kè Ludan wa yã pì sèedadee ũ. <sup>51</sup> Ben Labã bène dɔ: Ñ gbèdidikɔana kèkii gwa kɔn gbè kè má pɛɛ wa dagurao. <sup>52</sup> Eégɔ de sèeda ũ kè mé vĩała mà mó mà à zaaa kennɛro, mpi sɔ né vĩała ñ mó ñ à zaaa kemero. <sup>53</sup> Ibraĩ kɔn Naoo kɔn n deo Ludan wa yãkpaɛkɛri ũ.

Ben Yakubu sɪ kɔn Luda kè a de Isaaku à vĩa vĩa tɔo. <sup>54</sup> À saa ò gusĩsĩdeen gwe, ben à a gbɛnɔ sisi aɔ pò ble. Kè aɔ pò blè, ben aɔ ì gwe. <sup>55</sup> Labã fɛɛ kɔngɔ id'e'idɛ, à lé zà a dionɔa kɔn a nɛnɔ à sa maaa ònne, ben à liara à tà a bɛ.

## 32

*Yakubu gbɛnɔ zĩna Isaua*

<sup>1</sup> Yakubu dà zén, ben Luda malaikanɔ dààlɛ. <sup>2</sup> Kè à n é, à bè: Luda bùran kè. Ben à tó kpà guu pìne Manaimu. <sup>3</sup> À zìrinɔ zì a aɛ a v̄i Isaua Sei bùsu kè wè be dɔ ɛdɔmu bùsun. <sup>4</sup> À bè a zìrinɔnɛ: À gá à o ma dii Isaunɛ à zòbleri Yakubu gurɔ plaa kè Labã be èe suu sa. <sup>5</sup> À onɛ má zùnɔ v̄i k̄n zaakinɔ k̄n s̄anɔ k̄n blènɔ k̄n ḡgb̄ẽ z̄ikerinɔ k̄n nɔgb̄ẽ z̄ikerinɔ. Mámbe ma a z̄i à onɛ lɛ ma à p̄onnaa e.

<sup>6</sup> Kè z̄irinɔ èara wà sù Yakubu kiia, ās bè: Wa gaa n v̄i kiia, èe mó à danlɛ k̄n ḡɔɔn wàa plaaanɔ. <sup>7</sup> V̄ia Yakubu kù èe bídi k̄e maamaa, ben à gb̄ẽ kè ās kúonɔ kpàate leo plaa k̄n s̄anɔ k̄n blènɔ k̄n zùnɔ k̄n lakuminɔ à bè: <sup>8</sup> Tó Isau mò à s̄i à leo dooa, à leo doo kè ḡɔ é bɔ. <sup>9</sup> Ben à adua kè à bè: Dii, ma dezi Ibraĩ k̄n ma de Isaakuo Luda, n̄ òmɛ mà su ma bùsun ma danɛnɔ kiia, né aubarika damagu. <sup>10</sup> N gb̄ẽk̄e k̄n náanɛ yāo k̄mɛ maamaa ma bèe e káro. Gurɔ kè ma bikū Yodaa, gò bé à na ma ɔz̄i ado. Tia sa ma su k̄n auziki leo plaaa k̄enɔ. <sup>11</sup> Ma w̄e k̄emma n̄ ma sí ma v̄ia, zaake m̄e v̄ia k̄enɛ kè eé sí wa té à nɔgb̄enɔ k̄n n̄enɔ dede yānzi. <sup>12</sup> Mpi s̄ɔ, n bè né aubarika damagu né ma borii kaara lán ísialea bùsu'āat̄ɛ bà weé f̄ɔ wà n̄ naroro n̄ pari yānzi.

<sup>13</sup> Gwen Yakubu ìn. Pó kè à pl̄epl̄e à a v̄i gbaanɔn yè: <sup>14</sup> Blèda m̄en wàa do, à koffi m̄en baro, s̄ada m̄en wàa do, à karo m̄en baro, <sup>15</sup> lakumida m̄en baaakuri k̄n n̄ né b̄ɔɔnɔ, z̄uda m̄en baplaa, à sware m̄en kuri, zaakida m̄en baro, à kyà m̄en kuri. <sup>16</sup> À n ná a zòblerinɔnɛ n̄ ɔz̄i bori k̄n borio, ben à bènɛ: Àḡɔ té ma aɛ à kpàngu da a dagura ḡá k̄n ḡào. <sup>17</sup> À bè gb̄ẽ káakunɛ: Tó ma v̄i danlɛ à n la à bè: Déme n dii úu? Née gaa máme? Dé bé à pó kè née



1 Kè Yakubu wée sè, à è Isau e mɔɔ kɔn gɔɔn wàa plaaano. À a néno kpàatete Leanɛ kɔn Raselio kɔn nɔgbɛ zíkèri mèn plaaano. 2 Ben à nɔgbɛ zíkèri pìno gbàre aɔ dɔ ae kɔn ní néno. Beee gbera Lea kɔn a néno, ben Raseli kɔn Yusufuo té ní kpɛɛ. 3 À dònne ae à kùe tɔɔte gènn swɛɛplaa ai à gàa à kào a v̄i pì kiia. 4 Ben Isau bàale à mò à dàale à mlèa, à ɔɔ dà à gàn à lé pèa, ben aɔ ɔɔ dɔ. 5 Isau wée sè à nɔgbɛno è kɔn néno, ben à bè: Déno bé wà kúnyo kè? Yakubu wèala à bè: Né kè Luda ma gbaanome. 6 Ben nɔgbɛ zíkèri pìno sònzì kɔn ní néno aɔ kùe. 7 Ben Lea kɔn a néno sònzì dɔ aɔ kùe. Beee gbera Yusufu kɔn Raselio sònzì aɔ kùe. 8 Isau bè: Pó kè ma dañle kènoɔ de diamɛ? Yakubu wèala à bè: Le ma n pɔnnaa e yānzime. 9 Isau bè: Ma gbɛ, ma póno mòmá, ñgɔ n póno kùna. 10 Ben Yakubu bè: Auo! Nyā nna! Tó ma n pɔnnaa è, ñ ma gba sí, zaake wa wéesikɔlena kème lán wéesikɔlena kɔn Ludao bàme, ben n gbāake kpāmazi. 11 Ñ gbaa kè ma mɔonnɛ sí, zaake Luda aubarika dàmagu, pòkee e kēsāmaro. Lemɛ à nàkɔrea le, ben à sí.

12 Ben Isau bè: Wà da zén wà tá. Mé gányo. 13 Ben à wèala à bè: Ma dii, ní dɔ kè néno gbāa v̄iro, ben má s̄aa kɔn zùne bòrɔno v̄i. Tó wa tá gbāaa ò guru do, pókādeenɔ é gaga pìngime. 14 Ñ domɛ ae ma dii, mɔma n zòbleri mégɔ té póno kpɛɛ kɔn néno busɛbusɛ ai mà mó mà n le Sei. 15 Isau bè: Mé ma gbèkeno tónyo. Yakubu bè: À kè dea né ke le dɔɔ? Ñ tó mà n pɔnnaa e dii. 16 Zī beean Isau dà Sei zén. 17 Ben Yakubu gàa Suko. À beɛ bò gwe, ben à lá kutaano dò pónone. Bee yānzi wà tó kpà guu pìne Suko.

18 Kè Yakubu sù kɔ̃n Mesɔ̃pɔ̃tamiao, à kà wéte kè wè be Sekemu, Kanaa bùsun aafia, ben à bùra kàe wéte pì sae. 19 À a bùrakaekii lù Sekemu de Amɔ̃ nénɔ̃a kondogi basɔ̃ɔ̃ro. 20 Gwen à sa'okii bòn, à tó kpàne Luda Isarailinɔ̃ Luda.

## 34

### *Sekemu kusina Dinaa*

1 Lea nénɔ̃gbɛ̃ Dina kè à ì kɔ̃n Yakubuo bò à wée kpáe bùsu pì nɔ̃gbɛ̃nɔ̃zi. 2 Kè bùsu pì kí Amɔ̃ né Sekemu, Ivi borii à è, à à sè gbāāao, ben à dàeo. 3 À pɔɔ dɔ nɔ̃kpare pìà à yezi, ben à yā nnannaa òne. 4 Ben Sekemu bè a dene: N nénɔ̃kpare beee wete me mà sé. 5 Kè Yakubu mà wà a nénɔ̃gbɛ̃ kpe bò, à nénɔ̃ kú sèn kɔ̃n à pókādeenɔ̃, ben à yíte ai aɔ̃ sù. 6 Ben Sekemu de Amɔ̃ gāa à Yakubu le à yā pì onɛ. 7 Kè Yakubu nénɔ̃ bò sèn wà sù, ben aɔ̃ yā pì mà gɔ̃ɔ̃. Aɔ̃ nòse yàka aɔ̃ pɔ̃ fɛ̃ maamaa, kè Sekemu wiyā kè Isarailinɔ̃ne yānzi, à dàe kɔ̃n Yakubu nénɔ̃gbɛ̃o à yā kè de wà keroo kè. 8 Ben Amɔ̃ bèñne: Ma né Sekemu pɔɔ dɔ a nénɔ̃gbɛ̃a. A yā nna. À à kpáa nɔ̃ɔ̃ ũ. 9 Wà ledole ke wàgɔ̃ wa nénɔ̃gbɛ̃nɔ̃ kpāsāakɔ̃a. 10 Àgɔ̃ kúwao, wa bùsu kuu a pó ũme. À vɛ̃en àgɔ̃ laa taan àgɔ̃ tɔ̃tɛ̃ vī. 11 Ben Sekemu ò Dina de kɔ̃n à dāgɔ̃nɔ̃ne à bè: À tó mà a pɔ̃nnaa e. Pó kè a be mà kpáawa mé kpá. 12 À anzureblebɔ̃ lé dame bíta kɔ̃n gbaano paripari. Pó kè á ò mé kpá. À nénɔ̃kpare pì kpáma nɔ̃ɔ̃ ũ.

13 Ben Yakubu nénɔ̃ wè Sekemu kɔ̃n à de Amɔ̃ola kɔ̃n mɔ̃nafikio kè Sekemu n̄ dāre kpe bò yānzi. 14 Aɔ̃ bèñne: Wé fɛ̃ wà beee kero, wé fɛ̃ wà wa dāre kpá

gefɔɔdeearo, zaake wíyāme wa kiia. <sup>15</sup> Wé we a yāziro, séto à gɔ lán wapinɔ bà a gɔgbēnɔ bāngu ke ń píngi. <sup>16</sup> Tó a bāngu kè, wé wa nénɔ kpāsāawa wé a nénɔ sé nɔɔ ũ. Wégɔ kúao, wé gɔ bori dɔnkɔnɔ ũ. <sup>17</sup> Mɔde tó ée we wa yāziro, tó ée bāngu kero, wé wa dāre sé wà táome. <sup>18</sup> Yā pì kè Amɔ kɔn a né Sekemuone nna. <sup>19</sup> Gɔkpare pì yā pì gògò kpakpaa kè Yakubu nénɔgbē yā kàne yānzi. À bèe vī deńla a de bedeeno té.

<sup>20</sup> Amɔ kɔn a né Sekemuo gàa ń wéte bīilea, ben aɔ yā ò kɔn wétedeenɔ wà bè: <sup>21</sup> Gbē pìnɔ yāke vīwaoro. Wà tó aɔgɔ kú wa busun aɔgɔ laa taa, zaake busu pì yàasa eé mɔwa. Wé ń nénɔgbēnɔ sé wé wa nénɔ kpámma. <sup>22</sup> Gbē pìnɔ sɔ é we wàgɔ kúwao le wà gɔ bori dɔnkɔ ũro, séto èe ke wa gɔgbē píngi bāngu kè lán ń bà baasiro. <sup>23</sup> Aɔ pókādeenɔ kɔn ń auzikinɔ kɔn ń zùnɔ píngi é gɔ wa pó ũro? Wà weńne le aɔgɔ kúwao. <sup>24</sup> Wéte pì deeno Amɔ kɔn a né Sekemuo yā mà, ben aɔ gɔgbēnɔ bāngu kè ń píngi.

<sup>25</sup> À guro aagɔdee zī, kè aɔ kú kɔn wāwāao aɔ kú kɔn yāke laasuuoro, Yakubu né gɔn plaaano Simɔ kɔn Levio, Dina vīinɔ, aɔ baade a fēdaa sè aɔ sè wéte aɔ gɔgbēnɔ dède ń píngi. <sup>26</sup> Aɔ Amɔ kɔn a né Sekemuo dède, ben aɔ Dina sè aɔ bɔo Sekemu kpén aɔ tào. <sup>27</sup> Wétedeenɔ dedena gbera Yakubu nénɔ mò wà wéte pónɔ nàkɔa kè wà wí dà ń dārea yānzi. <sup>28</sup> Aɔ ń sāano kɔn ń blènɔ sèe kɔn ń zùnɔ kɔn ń zaakinɔ, pó kè aɔ kú wéte guuno kɔn pó kè aɔ kú ń buraano píngi. <sup>29</sup> Aɔ ń auzikinɔ sèe píngi kɔn ń nénɔ kɔn ń nɔgbēnɔ kɔn pó kè kú ń beeno píngi.

<sup>30</sup> Ben Yakubu bè Simɔne kɔn Levio: A sume yā



zaaao. Kanaanɔ kɔn Pɛrizinɔ kɔn bɔsu kɛkii bori pɔndenɔ ɛgɔ ye ma kɔziro. Lɔn wɔ pariɔ nɔ, tɔ aɔ lɔgawazi, tɔ aɔ sɔwagu, aɔɛ ma de kɔn ma boriinɔ pɔngime. <sup>31</sup> Ben aɔ wɛɔla wɔ bɛ: Kɛ ɔ wa dɔre diɛ kaaruɔ ũ, beee maan gweɔ?

## 35

### *Luda aubarikadana Yakubun Beteli*

<sup>1</sup> Luda bɛ Yakubunɛ: N fɛɛ n tɔ Beteli n vɛɛ gwe. N ma gbɔgbɔkii bo gwe, zaake ma bo ma mɔnzi gwe gurɔ kɛ nɛɛ bɔa lɛɛ n vɛɛ. <sup>2</sup> Ben Yakubu bɛ a bɛdeenɔnɛ kɔn gbɛ kɛ aɔ kúonɔ n pɔngi: ɔ bori zɔtɔnɔ tɔa kɛ ɔ vɛɛnɔ kwɛɛ ɔ zú o ɔ a pɔkɔsɔanɔ lendee kpá. <sup>3</sup> Wɛ fɛɛ wɔ tɔ Beteli. Mé Luda gbɔgbɔkii bo gwe, zaake ɔ dɔmale ma nawɛakegurɔ, ɛgɔ kúmao guu kɛ ma gaan pɔngi. <sup>4</sup> Ben aɔ bori zɔtɔnɔ tɔa kɛ aɔ vɛɛnɔ kpɔa kɔn swɔi kɛ aɔ dananɔ, ben ɔ pɔ pɔnɔ vɛɛi gbíi lí gbáru Sɛkemu sae. <sup>5</sup> Kɛ Yakubu kɔn a nɛnɔ dɔ zɛn, Ludaɔ tɔ vɛɛ wɛtɛ kɛ kú n saenɔ deenɔ kú maamaa, ben aɔ gbɛkee e pɛɛnɔziro. <sup>6</sup> Ben Yakubu kɔn gbɛ kɛ aɔ kúonɔ n pɔngi kɔ Luzu kɛ wɛ be tia Beteli, Kanaa bɔsun. <sup>7</sup> ɔ sa'okii bɔ gwe, ben ɔ tɔ kpɔ guu pɔne Beteli Luda, zaake gwen Luda bɔ ɔ mɔzin gurɔ kɛ ɛɛ bɔa sii a vɛɛnɔ. <sup>8</sup> Debora kɛ de Rɛbɛka gwari ũ yɔa gɔ gwe, ben wɔ ɔ vɛɛi gbíi lí gbáru Beteli sae. Ben wɔ tɔ kpɔnɛ Ɔɔɔlizi.

<sup>9</sup> Luda bɔ ɔ mɔ Yakubuzi dɔ ɔ suna kɔn Mesopotamiao gbera, ɔ aubarika dɔn <sup>10</sup> ɔ bɛ: N tɔn Yakubu, mɔde wɛɛ benne Yakubu dɔro, sé Isaraili. Lɛmɛ ɔ tɔ kpɔnɛ Isaraili ɛ. <sup>11</sup> Luda bɛnɛ dɔ: Luda Gbɔapingiden ma ũ. ɔgɔ nɛ ii ɔgɔ kaara. Borii ɛ

bɔ n kiia kɔn bori pariino dɔ, n bori kenɔ ɛgɔ de kɔnanɔ ũ. <sup>12</sup> Mé bɔsu kɛ má kpà Ibraĩ kɔn Isaakuo kɔpámma kɔn n boriino n gaa gbɛra. <sup>13</sup> Ben Luda fɛɛ à bɔ guu kɛ à yá ònen. <sup>14</sup> Yakubu gbɛ pɛɛ guu kɛ Luda yá ònen dɔngupɔ ũ. À í tɔ̀a à nɔsi kùà. <sup>15</sup> Ben Yakubu tɔ́ kpà guu kɛ Luda yá ònen pɛne Beteli.

### *Raseli kɔn Isaakuo gaa*

<sup>16</sup> Ben aɔ fɛɛ Beteli wà dà zɛn. Kɛ aɔ kà kɔi kɔn ɛflatao, Raseli né'iguroɔ kà, ben né'ii kɛa zĩ'ũ. <sup>17</sup> Né'iwāwāa à kù gbāa, ben néɛɛeri bène: Nton vĩa kero, n négɔgbɛ̀ ì dɔ. <sup>18</sup> Raseli gbāa vĩ dɔro èe gaa, ben à tɔ́ kpà a né pɛne Benɔni, ben à de tɔ́ kpàne Beyāmi. <sup>19</sup> Kɛ Raseli gà, wà à vɛi ɛflata kɛ wè be tia Betelɛmu zɛn. <sup>20</sup> Yakubu gbɛ dɔngupɔ pɛɛ à miraa. Raseli mira gbɛ̀ pì kú gwe ai kɔn a gbāao.

<sup>21</sup> Isaraili ɛara à dà zɛn, ben à bùra kàe sādārinɔ gugwagba aɛ. <sup>22</sup> Gurɔɔ kɛ à kú bɔsu pɛn Rubeni gāa à dàe kɔn Bilao, Yakubu nɔ yìgisai, ben Yakubu yā̀ pì mà.

Yakubu négɔgbɛ̀nɔ ì mèn kuri awɛɛplaa. <sup>23</sup> Lea négɔgbɛ̀nɔn yè: Yakubu daudu Rubeni, Simeɔ, Levi, Yuda, Isaka kɔn Zɛbulunio. <sup>24</sup> Raseli nɛnɔn Yusufu kɔn Beyāmio ũ. <sup>25</sup> Raseli zĩkeri Bila nɛnɔn Dani kɔn Nafatalio ũ. <sup>26</sup> Lea zĩkeri Zilipa nɛnɔn Gada kɔn Asao ũ. Négɔgbɛ̀ kɛ wà ní í kɔn Yakubuo Mesopotamianɔn gwe.

<sup>27</sup> Ben Yakubu kà a de Isaaku kiia Mamare. À kú Kiriataba kɛ wè be tia ɛblɔnu saɛ, guu kɛ Ibraĩ kɔn Isaakuo vɛɛn. <sup>28</sup> Isaaku kà wè bakɛndo <sup>29</sup> à zi kù kótokoto, ben à gà à kà a gbɛ̀nɔla, ben à nɛnɔ Isau kɔn Yakubuo à vɛi.

## 36

### *Isau boriinɔ*

<sup>1</sup> Isau kè wè benε dɔ Edɔmu boriinɔ yān yè. <sup>2</sup> Isau Kanaa nɔgbɛnɔ sè, Iti bori Elɔni né Ada kɔn Ivi bori Ana né Ɔlibama, Zibεɔ dioo. <sup>3</sup> À Sumaila né Basema, Nεbayo dāre sè dɔ. <sup>4</sup> Ada Elifaza ò, ben Basema Rueli ò. <sup>5</sup> Ɔlibama Yeusu kɔn Yalamuo kɔn Korao ò. Isau négɔgbɛ kè wà ní Kanaa bɔsunɔn gwe.

<sup>6</sup> Isau a nɔɔɔ sèε kɔn a négɔgbɛnɔ kɔn a nénɔgbɛnɔ kɔn a bεdeenɔ ní píngi kɔn a pókādeenɔ kɔn a auziki kè à è Kanaa bɔsunɔn píngi, ben à gàa Sei bɔsun à zà kù kɔn a dāaro Yakubuo, <sup>7</sup> zaake aɔ auziki bíta bé à tò aɔé fɔ wàgɔ kú kɔoro. Bɔsu kè aɔɔ kún e mómámaro, kè aɔ pónɔɔ pari yānzi. <sup>8</sup> Isau vèε Sei gusĩsideen kè wè be tia Edɔmu.

<sup>9</sup> Isau kè de Edɔmunɔ dezi káaku ũ boriinɔn yè. <sup>10</sup> Isau négɔgbɛnɔ tón yè: Ada né Elifaza kɔn Basema né Ruelio. <sup>11</sup> Elifaza négɔgbɛnɔn Temana, Omaa, Zefo, Gatamu kɔn Kenazio ũ. <sup>12</sup> Elifaza nɔ yìgisain Timina ũ. Àmbe à Amaleki ò. Isau nɔ Ada dionɔn gwe.

<sup>13</sup> Rueli négɔgbɛnɔn yè: Naata, Zera, Sama kɔn Mizao. Isau nɔ Basema dionɔn gwe.

<sup>14</sup> Isau nɔ Ana né Ɔlibama, Zibεɔ dioo négɔgbɛnɔn yè: Yeusu, Yalamu kɔn Korao.

<sup>15</sup> Isau bori kɔnanɔn yè: Isau daudu Elifaza bori kɔnanɔn Temana, Omaa, Zefo, Kenazi, <sup>16</sup> Kora, Gatamu kɔn Amalekio ũ. Elifaza bori kɔnanɔ, Ada dionɔn gwe. Aɔɔ kú Edɔmunɔ bɔsun.

<sup>17</sup> Isau né Rueli bori kɔnanɔn yè: Naata, Zera, Sama kɔn Mizao. Rueli bori kɔnanɔ, Basema dionɔn gwe. Aɔɔ kú Edɔmunɔ bɔsun.

18 Isau nɔ Ɖolibama bori kɪnanɔn yɛ: Yeusu, Yalamu kɔn Korao. Ana nɛ Ɖolibama dionɔn gwe. 19 Isau kɛ wɛ benɛ dɔ Ɛdɔmu nɛgɔgbɛnɔn gwe, à bori kɪnanɔn gwe.

### *Sei borii*

20 Sei, Ori borii kɛ kú Ɛdɔmunɔ bɔsun zaa káaku nɛgɔgbɛnɔn yɛ: Lotana, Sobala, Zibɛɔ, Ana, 21 Disɔ, Ɛza kɔn Disáo. 22 Lotana nɛgɔgbɛnɔn yɛ: Ori kɔn Omamuo. Lotana dāren Timina ũ. 23 Sobala nɛgɔgbɛnɔn yɛ: Alavā, Manaa, Ebala, Sefo kɔn Onamuo. 24 Zibɛɔ nɛgɔgbɛnɔn yɛ: Aya kɔn Ana. Ana pì bé à bò bia wāaa zaa gbáan gurɔɔ kɛ èe a de zaakinɔ dāa. 25 Ana nɛgɔgbɛn Disɔ ũ, à nɛnɔgbɛ sɔ Ɖolibama. 26 Disɔ nɛgɔgbɛnɔn yɛ: Ɛmedā, Ɛsebā, Itirana kɔn Keranao. 27 Ɛza nɛgɔgbɛnɔn yɛ: Bilana, Zavā kɔn Akanao. 28 Disā nɛgɔgbɛnɔn yɛ: Uzu kɔn Aranao.

29 Ori bori kɪnanɔn yɛ: Lotana, Sobala, Zibɛɔ, Ana, 30 Disɔ, Ɛza kɔn Disáo. Ori bori kɪnanɔ kɔn n borii kɛ aɔɔ kú Sei bɔsunɔn gwe.

31 Kína kɛ aɔ kɪ blè Ɛdɔmunɔ bɔsun Isarailinɔ kɪnanɔ āanɔn yɛ. 32 Bɛɔ nɛ Bela, Dinaba gbɛ bé à kɪ blè Ɛdɔmu káaku. 33 Kɛ à gà, ben Zera nɛ Yobabu, Bɔzɔra gbɛ kɪ blè à gɛɛ ũ. 34 Kɛ à gà, ben Temana bɔsu gbɛ Usamu kɪ blè à gɛɛ ũ. 35 Kɛ à gà, ben Bedada nɛ Adada, Avi gbɛ kɪ blè à gɛɛ ũ. Àmbe à zì blè Midiānɔ Mɔabunɔ bɔsun. 36 Kɛ à gà, ben Masareka gbɛ Samala kɪ blè à gɛɛ ũ. 37 Kɛ à gà, ben Reobo kɛ kú Yuflati sae gbɛ Saulu kɪ blè à gɛɛ ũ. 38 Kɛ à gà, ben Akabo nɛ Baali Ana kɪ blè à gɛɛ ũ. 39 Kɛ à gà, ben Pau gbɛ Adada kɪ blè à gɛɛ ũ. À nɔɔ tɔn Metabeli, Mataredi nɛmɛ, Mezaba dio.

<sup>40</sup> Isau bori kɪnanɔ tɔn yɛ kɔn n bɔsunɔ: Timina, Alava, Yɛɛ, <sup>41</sup> ɔlibama, Ela, Pinɔ, <sup>42</sup> Kenazi, Temana, Mibiza, <sup>43</sup> Magadieli kɔn Iramuo. Edɔmunɔ kɪnanɔn gwe wɛɛ kɔn wɛɛɔ bɔsu kɛ aɔ vɛɛn. Isau kɛ de Edɔmunɔ dezi ũu boriinɔn gwe.

## 37

### *Yusufu nana'ona*

<sup>1</sup> Yakubu kú Kanaa bɔsun guu kɛ a de vɛɛn.  
<sup>2</sup> Yakubu boriinɔ yɛn yɛ. Yusufu nɛ gɔkparemɛ. À wɛ gɛro awɛɛplaadee guu kɛ èe sɛanɔ dɛa kɔn a vɛinɔ, à de nɔnɔ Bila kɔn Zilipao nɛnɔ, ben à dà zaaa kɛ aɔ kɛ kɔmɔɔ kɛ a denɛ. <sup>3</sup> Isaraili ye Yusufuzi de a nɛ kpaanɔla kɛ à à i a zikū guu yɛnzi, ben à utagyaba zɔnɛ. <sup>4</sup> Kɛ à vɛinɔ è nɛ dee ye Yusufuzi deŋla, ben aɔ zàn aɛè we wà yá nnaa ooro.  
<sup>5</sup> Yusufu nanaa ò, ben à tɔkɛ a vɛinɔnɛ, ben aɔ èara wà zàn de zi pɔla. <sup>6</sup> À bènnɛ: À nanaa kɛ má ò ma. <sup>7</sup> Má è wée ése yiyii bura, ben ma ése bakaa fɛè à zè. A pɔnɔ ligazi, ben aɔ nàɛnɛ. <sup>8</sup> Ben à vɛinɔ bènnɛ: Nɛ kí blewan yɔ? Nɛ gbãaa blewan yɔ? Ben aɔ èara wà zàn de yá pɔla nanaa kɛ à ò pì yɛnzi.  
<sup>9</sup> Yusufu èara à nanaa ò dɔ, ben à tɔkɛ a vɛinɔnɛ à bè: Ma èara ma nanaa ò dɔ. Má è ɔfántɛ kɔn mɔvurao kɔn sɔsɔnɛ mèn kuri awɛɛdoonɔ e naɛmɛ. <sup>10</sup> À nanaa pì tɔkɛ a denɛ dɔ, ben à de pàtaa à bè: Nana kparee takan nɛ ò lɛɛ? Mapi kɔn n dao kɔn n vɛinɔ, wé mɔ wà kúe n aɛn yɔ? <sup>11</sup> À vɛinɔ nòsɛgɔaanɔ kpào. À de sɔ nanaa pì yá kúna a nòsɛ guu.

12 À v̄iĩnɔ gaa ní de s̄aano dā Sekemu. 13 Ben Isaraili bè Yusufunɛ: N v̄iĩnɔ e s̄aa d̄aa Sekemu. Mé n zī ní kiia. À wèàla à bè: Ma yāa. 14 Ben à bènɛ: N gá ò n v̄iĩnɔ gwa k̄õn s̄aano, tó āõ aafia. N̄ ɛara ò sumɛ k̄õn āõ baaru. Ben à à gbàɛ, à b̄ò ɛblonu guzuren à gaa Sekemu. 15 Èe lik̄õaa z̄õ s̄èn, ben ḡõgb̄ɛ ke dààlɛ à à là: Bón n̄éɛ wɛtɛɛ? 16 À wèàla à bè: M̄éɛ ma v̄iĩnɔ wɛtɛɛmɛ. Tó ní ní s̄ad̄akii d̄õ, ò omɛ. 17 Ḡõgb̄ɛ p̄i bè: Kè āõ b̄ò gura kè, má mà āõ bè wèe gaa Dotāmɛ. Ben Yusufu p̄ɛɛnzi à ní lé Dotā.

18 Kè āõ à è k̄āaa, ai àḡõ gá ká ní kiia, āõ lé kp̄ak̄õs̄õzi wà bè wà à de. 19 Āõ bèk̄õnɛ: À gwa, nana'ori e m̄õ k̄āaa. 20 À tó wà à de wà à zu lòḡõ k̄ènɔ doke guu, wé be n̄òb̄õ p̄āsī bé à à d̄è à s̄ò. ɛnd̄ɛ wé e lán à nanaano é mì de nà. 21 Kè Rubeni yā p̄i mà, à yezi à à mì sí, ben à bè: Wàton à d̄ero, 22 àton aru b̄õaro. À à zu lòḡõ k̄èkiin gbáan kè. Àton à d̄ero. Rubeni òn̄nɛ lɛ, kè à yezi à à mì sí à à kpá a dea yānzimɛ. 23 Kè Yusufu kà a v̄iĩnɔ kiia, āõ à uta b̄ò, à utagyaba maaa p̄i. 24 Ben āõ à s̄è wà à zù lòḡõ p̄in. Lòḡõ p̄i da korimɛ à í v̄īo. 25 Ben āõ v̄èɛ wèe p̄ó blee. Kè āõ wéɛ s̄è, āõ Sumaila bori laatarinɔ è, āõ b̄ò Giliada b̄usun āõɛ gaa Igipiti. Āõ lakumin̄õ d̄ò p̄ónɔ k̄õn lí'õ ɛz̄ɛo k̄õn lí'õ gū nnannaao s̄ena. 26 Ben Yuda bè a gb̄ɛn̄nɛ: Tó wa wa d̄āaro d̄è, ben wa à gè ùtɛ, b̄ó àren wé ee? 27 À tó wà à yá Sumaila borii p̄in̄õa. Wàton à d̄ero, wa d̄āaronloo? Wa aru d̄õnk̄õmɛ. Ben à gb̄ɛn̄nɔ à yā mà. 28 Kè Midiā laatarin̄õ e m̄õ ḡɛ z̄éla, ben āõ Yusufu gá wà b̄ò lòḡõn, āõ à yà Sumaila borii p̄in̄õa kondogi baro, ben wà tào Igipiti.

29 Kè Rubeni mò lòḡõ p̄i kiia, è Yusufu e gwe d̄ero,

ben à a pókāsāano gà à kèkē, <sup>30</sup> ben à gàa a dāaronɔ kiia à bè: Né pì kú gwe dɔro. Mé gá má kɔn beeeo?

<sup>31</sup> Aɔ blèkofii kú wà dè, ben aɔ Yusufu uta pì sè wà màe à aru guu. <sup>32</sup> Ben aɔ à utagyaba pì sè wà gàao n denɛ aɔ bè: Pó kè wá èn yè. N né utan yó, ke à pónlo?

<sup>33</sup> À dɔ, ben à bè: Ma né utame, nòbɔ pāsī bé à à sò. Wāiyoo, wà ma né Yusufu kàsākāsākōeme. <sup>34</sup> Ben à a utadaa gà à kè à pókāsāa sè à dà, ben à a né pì sósobi kè gikena. <sup>35</sup> À négōgbēno kɔn à nénɔgbēno m̀ò à làakari kpáene n píngi, m̀ode à g̀i a làakari kpáezi à bè: Mégō ma né pì gè ɔɔ dɔɔme ai mà gá táo à kiia gèwāan. Ben èe sósobi ɔɔ dɔɔ a né pì yā musu.

<sup>36</sup> Midiā p̀ino sɔ Yusufu yà Pɔtifaa Igipiti. Fili'auna iba keme, àmbe à dogarinɔ gbēnsi ũ.

## 38

### *Yuda kɔn Tamao*

<sup>1</sup> Zī beee a Yuda b̀ò a gbēno kiia à gàa à v̀èe Adulamu gbē kè wè bene Ira be. <sup>2</sup> Gwen à dàkōre kɔn Kanaa b̀usu gbē kè wè bene Sua nénɔgbēo, ben à à sè nɔɔ ũ. <sup>3</sup> À nò s̀i à né i gōgbē ũ, ben à tó kpàne Ee. <sup>4</sup> À èara à nò s̀i d̀ò à négōgbē i, ben à tó kpàne Ona. <sup>5</sup> À èara à négōgbē i d̀ò, ben à tó kpàne Sela. Gurɔ kè à né p̀i i, à kú Kezibime.

<sup>6</sup> Ben Yuda nɔgbē kè wè bene Tama sè a daudu Eene. <sup>7</sup> Ee kè Diine zaa, ben à à dè. <sup>8</sup> Ben Yuda bè Onane: N n v̀ii gyaanɔɔ sé n borii ke n v̀iine, lán wè ke nà. <sup>9</sup> Kè Ona dɔ kè né kè é i kɔn a v̀ii gyaanɔɔo égō de a borii ũro, tó à dàeo ben à yezi a z̀inda e, è à gōgbē p̀ó kwéeme, le àton borii ke a v̀iinerò yānzi. <sup>10</sup> Yā kè èe kee p̀i kè Diine zaa, ben à à dè d̀ò. <sup>11</sup> Ben

Yuda bè a né gyaanɔ Tamanɛ: Ñ gá ñgõ gyaanɔ blee n de bɛ ai ma né Sela isi kũ. Zaake èe daa Sela é ga lán a v̄inɔ bàme. Ben Tama gàa à v̄èe a de bɛ.

<sup>12</sup> Kè à gurɔɔ gi kè, ben Yuda naõ gà. Kè à nòse kpàe, à dà zén èe gaa a sákákèerinɔ kiia Timina kɔn a gbɛnna Irao. <sup>13</sup> Ben wà à baaru kpà Tamanɛ wà bè: N zā de e gaa Timina a sãanɔ kã kɛ. <sup>14</sup> Ben à a gyaanɔblepɔnɔ bò à pódangán sè à kù a uua, ben à gàa à v̄èe Enaimu b̄iilea Timina zén. Zaake à è Sela bíta kũ, wèe à kpàa nɔɔ ũro. <sup>15</sup> Kè Yuda à è, ben à à diɛ kaarua ũ kè à pó kù a uua yānzi. <sup>16</sup> Ben à sòzi zé sae à bè: Ñ tó mà daenyò. Èe à d̄s a né gyaanɔ ũro. Ben nɔgbɛ pì bè: Tó n daemaò, bón né kpámaa? <sup>17</sup> À wèàla à bè: Mé ma kpàsa blènɛ mèn doo kpāsānne. Ben à bè: Ñ tɔɔba dieme ai ñgõ gaa kpāsā. <sup>18</sup> Ben à à là à bè: Bó tɔɔban mé diennee? A bè: Ñ n sèedakebɔ kɔn a bàò kɔn gò kè ñ kũnao kpáma. Ben à kpàa à dàeò à nò dòn. <sup>19</sup> Ben nɔgbɛ pì fɛe à tà bɛ à a pódangán bò à a gyaanɔblepɔnɔ sè à dà. <sup>20</sup> Yuda a gbɛnna Adulamu gbɛ zì kɔn blènɛò à tɔɔba boo nɔgbɛ pì kiia. Kè à kà, èe à ero. <sup>21</sup> Ben à gwedeenɔ lala à bè: Kaarua kè kú Enaimu zé sae kè yā kú máa? Aõ wèàla wà bè: Kaarua kee kú kèro fá! <sup>22</sup> Ben à èara à tà, à bè Yudanɛ: Mée à ero. Gwedeenɔ bè wà kaarua ke d̄s gwe yā sero. <sup>23</sup> Ben Yuda bè: Àgõ pó pìnɔ kũna. Wé tó gbɛnɔ wa yáa d̄ro. Ma n zì kɔn blè pìò, née à ero.

<sup>24</sup> Mò aagõɔ gbɛra wà mò wà ò Yudanɛ wà bè: N né naõ Tama kaarua kà, ben à nò s̄i a pāpākena pì guu. Yuda bè: À bɔo wà té s̄a. <sup>25</sup> Kè wèe bɔoɔ bàazi, à lékpāsā kè a zā denɛ à bè: Gbɛ kè pó kèkiinɔ



vĩi bé à nò dòmagu. Ñ sèedakebɔ kɔ̃n a bào kɔ̃n gò kèkiiio gwa, tó ní à de dɔ̃. <sup>26</sup> Yuda pò pìno dɔ̃, ben à bè: Nɔ̃gbɛ̃ pì yá nna demala, zaake mée à kpá ma né Selaaro. Yuda e daɔo dɔro. <sup>27</sup> Kè à kà né'ina, à mò à lè sikanɔ bé wà kú à gbɛɛɛ guu. <sup>28</sup> Gurɔɔ kè èe né ii, aɔ gbẽndoo ɔ̀ b̀, ben néseeri wɔ̃ɔ tẽaa d̀à à bè: Né kèkii bé à b̀ káaku. <sup>29</sup> Kè né pì a ɔ̀ ɔ̀ s̀kpa, ben né plaadee b̀, ben nɔ̃gbɛ̃ pì bè: N b̀ b̀uime fá! Ben wà tó kpàne Perɛzi. <sup>30</sup> Beee gbera kè à gbẽndoo kè wà wɔ̃ɔ tẽaa d̀ à ɔ̀a b̀, ben wà tó kpàne Zera.

## 39

### *Yusufu kɔ̃n Pɔ̃tifa naɔ̃*

<sup>1</sup> Kè Sumaila boriino kà kɔ̃n Yusufuo Iyipiti, ben Iyipiti gbɛ̃ Pɔ̃tifa à lùm̃ma. Fili'auna iba keme, àmbe à dogarino gbẽnsi ũ. <sup>2</sup> Dii kú kɔ̃n Yusufuo à à dàkɔ̃re kɔ̃n mìnnaao. À kú a dii Iyipiti gbɛ̃ pì be. <sup>3</sup> Kè à dii pì è Dii kúo èg̃ à dakɔ̃re kɔ̃n saao yá kè èe keeno guu píngi, <sup>4</sup> ben Yusufu à pɔ̃nnaa è. Pɔ̃tifa à diè a begwari ũ à pò kè à ṽino nàne a ɔ̀zĩ píngi. <sup>5</sup> Zaa gurɔɔ kè à à diè a begwari ũ, Dii aubarika dà à been Yusufu yãnzì. Dii aubarika dà pò kè de à pò ũunɔn píngi, be pónɔ kɔ̃n bura pónɔ mámmam. <sup>6</sup> Ben Pɔ̃tifa a pò píngi nà Yusufune a ɔ̀zĩ. À bà kú yákeoro, tó èe ke pòblee baasiro. Yusufu s̃ né g̃ɔ̃ òwazime, ben à zena maa.

<sup>7</sup> Zĩkea Yusufu nii gè a dii naɔ̃gu, ben à bène: Ñ daemaο. <sup>8</sup> Ben à g̃i à bè: Ñ gwa, ma dii bà kú yákeo ua kè guu dɔro, à pò kè à ṽino nàme ma ɔ̀zĩ píngi. <sup>9</sup> À gbãaa demala ua kè guuro, èe gime kɔ̃n pòkeoro, sé mpi, kè ní de à nɔ̃ ũ yãnzì. Mé f̃ mà yá zaa beee taka ke mà durun ke Ludanero. <sup>10</sup> Baa kè nɔ̃gbɛ̃ pì

ègõ oone baabõre, èe we à dàero, à yezi àgõ kúo sero.

<sup>11</sup> Zĩkea kè Yusufu gè kpén a zĩ ke, à mò à lè ua zĩkeri kee kú kpé guuro. <sup>12</sup> Ben nõgbẽ pì à kù a utaa à bè: Ñ daëmao. Ben Yusufu a uta tònè gwe à bàa lè à bò bàazi. <sup>13</sup> Kè nõgbẽ pì è à a uta tòare à bàa lè à bò bàazi, <sup>14</sup> ben à ua zĩkerinõ sìsi à bèrñe: À gwa, wà mòwe kõn Eberuo, ben èe dõkewao. À gèmazì à daëmao, ben ma wii lè. <sup>15</sup> Kè à mà ma wiìi dõawa, ben à a uta tò kaena ma sae à bàa lè à bò bàazi. <sup>16</sup> Ben nõgbẽ pì uta pì kàe a sae ai Yusufu dii sù, <sup>17</sup> ben à bène: Eberu zò kè n suowe dõkèmao à gèmazì. <sup>18</sup> Kè ma wiìi dõa, ben à à uta tò kaena ma sae à bàa lè à bò bàazi. <sup>19</sup> Kè nõgbẽ pì yã pì ò a zãne à bè, lán n zò kème nán gwe, ben Yusufu dii pò fè maamaa. <sup>20</sup> Ben à bè wà Yusufu kũ wà à da kpésiaan, guu kè kína pisinanõ káen, ben à gurõplaa kè gwe.

<sup>21</sup> Baa kõn beeeo Dii kúo à gbèkke kènè à tò à yã kà pisinanõ dākparin. <sup>22</sup> Ben dākpari pì pisinanõ nà Yusufunè a õzĩ ñ píngi, wè yãke ke à sairo. <sup>23</sup> Pisinanõ dākpari pì bà ègõ kú Yusufu yãoro, kè Dii kúo yãzi, ben ègõ à daakõre kõn saao yã kè èe kèe guu píngi.

## 40

### *Yusufu pisinanõ nana bõkõtèna*

<sup>1</sup> Beee gbera Iqipiti kí Fili'auna wèkpaateri kõn a buredikèrio taari kènè. <sup>2</sup> À pò fè a ìba gõõn plaaa pìnõzi, à wèkpaateri kí kõn à buredikèri kíó. <sup>3</sup> Ben à ñ ká kpésiaan a dogarinõ gbènsi be, kpé kè wà Yusufu dàn. <sup>4</sup> Dogarinõ gbènsi pì Yusufu diè àgõ ñ gwaa, ben aõ gurõplaa kè kpé pìn gwe.

<sup>5</sup> Gwāavī dōnkōa Igipiti kīna wēkpaateri kōn burēdikēri pìo nanaa ò n gōon plaaá n pīngi, baade kōn a pōo kōn a bōkōtēnao. <sup>6</sup> Kē Yusufu mò n gwa kōngō, à è aō uu sisi. <sup>7</sup> Ben à n lá à bē: Bó yā bé à tò a uu sisina gbāa? <sup>8</sup> Aō wēàla wà bē: Nanaan wá ò, gbēkee kú kē kē à à bōkōtēna owero. Ben à bēnne: Luda bé à nana bōkōtēna vīroo? À a nanaa pìno omē mà ma. <sup>9</sup> Ben wēkpaateri kī a pō òne à bē: Ma nanaa guu ma geepi lí è ma sae. <sup>10</sup> Geepi lí pì gā aagōmē. À lá bō à vú kē à né ì à mà. <sup>11</sup> Má Fili'auna togo kūna, ben ma geepi bēe pìno sè má fē à togo pì guu má kpàa. <sup>12</sup> Yusufu bēne: Nanaa pì bōkōtēnan yē. Lígā aagō pìno né gurō aagōmē. <sup>13</sup> Gurō aagō gbera Fili'auna é n mì sí. Eé eara à n da n zī guu, né eara ngō geepiwēe bōone lán nēgō kēe nà yā. <sup>14</sup> Tó yā bōnyo nna, n tó ma yā gō dōngu. N gbēkēe kēme n ma yā o Fili'aunane le à ma bō kpésiaa kē guu. <sup>15</sup> Zaae wà ma kū kpāi zaa Eberu būsun, ben baa Igipiti kē mēe yāke ke à kà wà ma da wēe kē guuro.

<sup>16</sup> Kē burēdikēri kī è Yusufu nanaa pì bōkōtēna bō kōn wēkpaaterio nna, ben à bēne: Ma nanaa guu sō má è má burēdi sēna gbíi aagō dikōana. <sup>17</sup> Gbíi kē kú musu, buredi bori parii kē má kē Fili'aunane ká à guu, ben bāano e blee ma musu. <sup>18</sup> Yusufu bēne: À bōkōtēnan yē. Gbíi aagō pìno gurō aagōmē. <sup>19</sup> Gurō aagō gbera Fili'auna é n mì zō à n logo lía, bāano é n ble.

<sup>20</sup> À gurō aagōdee sō Fili'auna igurō làa kōkōmē, ben à pōblee kē a ìbanone. À wēkpaateri kī kōn burēdikēri kíó bōe kpén a ìbanō wáa. <sup>21</sup> Ben à èara à wēkpaateri kī dà a zīin à eara àgō í bōoare.

22 Ben à buredikeri kí lògo lía lán Yusuflu í nanaano bokōtēna òñne nà. 23 Yusuflu yā e do wēkpaaterikin dōro, à yā sǎn.

## 41

### *Yusuflu Fili'auna nana bokōtēna*

1 Wē plaa papana gbera Fili'auna nanaa ò, à è á zena Nili léa. 2 À è zùda maa mēkpanano bōe swaa pì wēen mēn swēplaa aōe sē blee tafe guu. 3 Ben à zùda yāyāna wòzōgōwōzōgōno è mēn swēplaa do. Aō bō swawēen wà tè à káakupōno kpēe aō zè í sae swa léa. 4 Ben zù yāyāna wòzōgōwōzōgō pìno zù maa mēkpana pìno mōmo, ben Fili'auna vù.

5 À èara à ii ò, ben à nanaa ò do. À è ése sáko maa wéede pia ése lí dōnkōa sáko swēplaa. 6 Ben à ése sáko wé wodowodoo kē lou'i kēsāmmano è, à pia í gbera do sáko swēplaa. 7 Ben ése sáko wé wodowodoo pìno ése sáko maa wéede pìno mōmo. Kē Fili'auna vù, à è nanaan á ò.

8 Kē guu dō, à kú bídi guu, ben à Iyipiti māsokerino kōn wéezērinō sisi í píngi. À a nanaano tōkēñne, mōde aō gbēkee e fō à à bokōtēna ònero. 9 Ben wēkpaateri kí fēe à yā ò Fili'aunanē à bè: Taari kē má kē yā dōmagu gbāa. 10 Kí, n pō fē n zōblerinozi yā, ben n ma da kpésiaan n dogarino gbēnsi bē ledō kōn buredikeri. 11 Gwāavī dōnkōa wa nanaa ò, wa baade kōn a pōo kōn à bokōtēnao. 12 Eberu gōkparee kee kúwao gwe, n dogarino gbēnsi zōmē. Kē wa wa nanaano tōkēñne, ben à wa baade pō bokōtēna òne. 13 Yā pìno kē lán à òwe nà. N eara n ma da ma zīn, ben n buredikeri kí pì lògo lía.

14 Ben Fili'auna gbē zì wà Yusufu sísi, ben wà gàa wà à bò wèen kpakpaa. À mì bò à a pókāsāano liε, ben à gàa Fili'auna kiia. 15 Ben Fili'auna bène: Ma nanaa ò, gbēkee e f̄s̄ à à bókōtēna òmēro. Má mà wà bè tó wà ònne, nè f̄s̄ ò à bókōtēna oñne. 16 Yusufu bène: Èε κε mámbeero! Luda bé eé à bókōtēna onne, kí. 17 Ben Fili'auna bène: Ma nanaa guu má è má zena Nili léa. 18 Má è zùda maa mèkpana mèn swεεplaaano b̀ε swawεen āoε s̄ε blee tàfe guu. 19 Ben ma zùda pādeno è d̀o mèn swεεplaa āo yāyāna ẁz̄oḡw̄z̄oḡ, mée zù yāyāna beee takano e Iqipiti kè zikiro. 20 Ben zùda yāyāna ẁz̄oḡw̄z̄oḡ p̄ino zù mèkpana káakup̄o mèn swεεplaaa p̄ino m̀mo. 21 Baa kè ās̄ ñ m̀mo, ās̄ ḡō yāyāna lán yāa bàme, gbēke é d̄s̄ kè ās̄ ñ m̀mo sero. Ben ma vu. 22 Nanaa guu d̀o má è, ése sáko maa wéede p̄ia ése lí d̄ñk̄ōsa sáko swεεplaa. 23 Ben má è ése sáko tee wéε wodowodoo kè lou'i kèsāñmano p̄ia ñ gbera d̀o sáko swεεplaa. 24 Ben ése sáko wéε wodowodoo p̄ino ése sáko wéede p̄ino m̀mo. Kè má ò m̀sokerin̄ne, ās̄ gbēkee e f̄s̄ à à bókōtēna òmēro.

25 Ben Yusufu bène: Kí, nanaa kè ñ ò p̄ino bókōtēna d̄ñk̄ōme. Luda yā kè à yezi à keε òd̄oanneme, kí. 26 Zù maa mèn swεεplaaa p̄ino né w̄ε swεεplaame. Ése sáko wéede sáko swεεplaaa p̄ino s̄ō w̄ε swεεplaame. Nanaa p̄ino bókōtēna d̄ñk̄ōme. 27 Zù yāyāna ẁz̄oḡw̄z̄oḡ mèn swεεplaaa kè ās̄ b̀ε wà t̄ε à káakup̄ono kpεε p̄ino né w̄ε swεεplaame. Leme ése sáko wéε wodowodoo kè lou'i kèsāñma sáko swεεplaaa p̄ino de le d̀o. Been̄ome w̄ε swεεplaaa kè dekaa é ká ũ. 28 Lán má ònne nà tia,

kí, ma bè Ludaa e yā kè à yezi à keε ɔɔɔanneme.  
 29 Blεwεε éǵɔ di Iyipiti gu píngia maamaa ai wè swεεplaa. 30 Beεe gbεra dekaa é ká ai wè swεεplaa, kána gbāaa pì yā é sã Iyipitinɔn. Dekaa pì é bùsu pì de. 31 Dekaa kè éé mó pì éǵɔ pásĩ maamaa, kána gbāaa pì yā é ɔ gbēken ɔro. 32 Kí, kè gèn plaan n nanaa pì ò, kè Luda bé à diε yānzime. Éé ke tiamε, à seka vĩro. 33 Tia sa kí, n wéεzēri ɔndɔdee wεte n diε àǵɔ de gbāadee ũ Iyipiti. 34 Kí, n gbēno diε gbēnsino ũ Iyipiti aǵɔ blεwεε ɔɔrodee kaakɔa wè swεεplaaa kè blεwεε éǵɔ din pì guu. 35 Aǵé blεε kakɔa wè maaa kè èe mɔɔno guu wà blεwεε ká dñno guu wéte kɔn wéteo kɔn n tó, aǵéǵɔ dākpa. 36 Tó dekaa kè é ke wè swεεplaaa pì kà Iyipiti, blεε pì éǵɔ de pɔ zikana ũ le dekaa pì tón Iyipitino deɔero yānzi.

### *Yusufu kíblena Iyipiti*

37 Yā pì kè Fili'aunane kɔn a ìbano n píngi, 38 ben à bènnε: Gbē kèkii Luda Nini vĩ. Wé gbēke e lán à bà ɔɔ? 39 Ben à bè Yusufunε: Lán Ludaa tò n yā beeno ɔ píngi nà, wéεzēri ɔndɔde kee kuu lán n bàro. 40 Mbe néǵɔ de ma ua gbēnsi ũ, ma gbēno éǵɔ mì siεenne n píngi. Kpata bé é tó màǵɔ denla ado. 41 Ben à èara à bène: Néǵɔ gbāa vĩ Iyipiti bùsu gu píngia. 42 Ben à tanga sēedakeɔ bò a ɔne a dà Yusufunε a ɔne, à babagaa uta dāne à vura kāmbeε dāne a waaa. 43 À a sǵoro plaadee kpàa taa'obɔ ũ, ben gbē kè aɔ ɔne aεno éǵɔ pataa: À kúε! À kúε! Lemε Fili'auna tò Yusufu gbāa vĩ Iyipiti bùsun le. 44 À bène ɔ: Mámbe Fili'auna, gbēke é fɔ à yāke ke Iyipiti kè n lé saero. 45 À tó kpàne Zafena

Panæa, ben à Eliopoli wéte sa'ori Potifera néngbē Asena kpàa nɔɔ ũ.

<sup>46</sup> Gurɔɔ kè Yusufu zīi sè Iyipiti kí Fili'auna be, à wè baaakurime. Ben à bò Fili'auna kiia à gà à lili ò Iyipiti gu píngia. <sup>47</sup> Kána gbāaa kuu ai wè swεεplaa, blewεε din maamaa. <sup>48</sup> Ben Yusufu blewεε kè din Iyipiti wè swεεplaaa pìno kàkākōa wéte kōn wéteo pò zikana ũ, wéte píngi kōn a buraa kè ligazinɔ pò. <sup>49</sup> A blewεε kākōa bítabita lán ísiale būsuaatē bà, ben wà zè à zaka lé yōnaa, kè weé fō wà à lé dōro yānzi.

<sup>50</sup> Ai dekaa gō gá ká Yusufu naō Asena, Potifera né, négōgbēno ì mèn plaa. <sup>51</sup> Yusufu tó kpà a daudune Manase à bè: Ludaà tò ma de bedeeno kōn nawēa kè má kèo yā sāmāgu píngi. <sup>52</sup> Ben à tó kpà à plaadeene Eflaimu à bè: Ludaà tò ma gō nédee ũ būsua kè wà wée tamaan.

<sup>53</sup> Kè kána gbāaa kè kú Iyipiti wè swεεplaaa pì yāa, <sup>54</sup> ben wè swεεplaaa kè dekaa é ká nàa lán Yusufu ò nà. Dekaa kà būsua kōn būsua píngi, mōde blewεε di Iyipiti gu píngiame. <sup>55</sup> Kè nōaa gè Iyipitinɔn píngi, aō wii lè Fili'aunane à pòblee kpámma. Ben à bène ní píngi: À gá Yusufu kiia à ke lán ée oare nà. <sup>56</sup> Dekaa dà būsua pìla píngi, ben Yusufu dōno wèwè à blewεε yāya Iyipitina, kè dekaa pì gbāa kù ní būsua yānzi. <sup>57</sup> Ben gbēno bò anduna gu píngia wà mō Iyipiti blewεε lú Yusufua, zaake dekaa gbāa kù anduna guu píngime.

## 42

*Yusufu vīino mōna blewεε lú Iyipiti*

<sup>1</sup> Kè Yakubu mà blēwēē kú Igpiti, à bè a nénōne: Égō káē kè pās? <sup>2</sup> Má mà blēwēē kú Igpiti. À gá lúwe gwe, le wàton garo, wàgō kuu aafia yānzi. <sup>3</sup> Ben Yusufu vīi gōōn kurino gāa Igpiti blēwēē lú. <sup>4</sup> Yakubu e Yusufu dāaro Beyāmi zīnyoro, zaake à bè: Wègō dōro tó yā zaaa é à le. <sup>5</sup> Ben Isaraili né pino gāa blēwēē lú kōn gbē pāndenō, zaake dekaa pì kà Kanaa būsun dō.

<sup>6</sup> Yusufu bé à būsū pì gbēnsi ũ. Àmbe è blēwēē yá baade pīngia. Ben à vīino mò wà kùene aō n̄ aē pēē tōtēa. <sup>7</sup> Kè à a vīino è, à n̄ dō, ben à a zīnda kēñne nibō ũ. Ben à yā òñne pāsīpāsī à n̄ lá à bè: A bō máa? Aō wèàla wà bè: Wa bō Kanaa būsun wa mō blēwēē lúme. <sup>8</sup> Yusufu a vīino dō, mōde aōē à dōro. <sup>9</sup> Nanaa kè à ò yā n̄ yā musu dōn, ben à bèñne: Gu'asiigwarinōn a ũ, a mō wa būsū kēsākii gwame. <sup>10</sup> Aō wèàla wà bè: Auo dii! N zòblerino wa ũ, wa mō blēwēē lúme. <sup>11</sup> Dedōnkōdeenōn wa ũ wa pīngi. Náanēdeenōn wa ũ. Wapino n zòblerino, gu'asiigwarinōn wa ũro. <sup>12</sup> Ben à bèñne: Egēeme! A mō wa būsū asii dōme. <sup>13</sup> Aō bè: Wapino n zòblerino, dedōnkōdeenōn wa ũ, wa gōōn kuri awēēplaame. Kanaa būsū gbēnōn wa ũ. Wa dāaro gō be kōn wa deo, wa gbēndoo kuuro. <sup>14</sup> Ben Yusufu bèñne: Lán má òare nà, gu'asiigwarinōn a ũ. <sup>15</sup> Yā kè é tó mà a yāpuraa dōn yè. Kōn Fili'auna kuunao é bōē kèro, séto a dāaro pì mò kè baasiro. <sup>16</sup> À a gbēndoo zī à a dāaro sé, a gbē kpaaanō é gō kpésiaan kè, mé dō tó a yā yāpuraame. Tó lenlo, kōn Fili'auna kuunao gu'asiigwarinōn a ũ. <sup>17</sup> Ben à n̄ ká kpén ai gurō aagō. <sup>18</sup> À gurō aagōdee zī à bèñne: Má Luda vīa vī.



À yā kè mé oaree κε, é bɔ aafia. <sup>19</sup> Tó náanedeenɔn a ũ, à a gbëndoo tó da kpén kè, a gbē kpaano é tá kɔn blewεεo a bede nɔaderinɔne, <sup>20</sup> é εara à móme kɔn a dāaro pio, mé dɔ kè a yā yāpuraame, weé a δεδε dɔro. Ben aɔ wèzi λε.

<sup>21</sup> Aɔ bèkɔne: Yāpuraame taarideenɔn wa ũ yā kè wá kè wa dāaronε yā yānzi. Wá è gurɔɔ kè èe agbaa kpaawe, à kè wēnda, ben wée à yā maro. Beee yānzin yā kè wa lezi. <sup>22</sup> Ben Rubeni bèhne: Kè má òare àton yāke κε né pìnero, ée ma yā maro. À aru gēen Ludaa e boowa kè. <sup>23</sup> Aɔ dɔ Yusufu e maaro, zaake kè èe yā ooñne, wèe liεéñεμε. <sup>24</sup> Ben à gu ní kiia à gàa à ɔɔ dò. Kè à sù, à yā óñne, ben à Simεɔ bɔ ní guu à à yì ní wáa. <sup>25</sup> Yusufu bè, wà blewεε káñne ní sàkinɔ pa wà ní baade ɔɔ danε à pón wà zé kūsāε keñne. Kè wà kèñne λε, <sup>26</sup> aɔ ní blewεεnɔ dì ní zaakinɔne, ben aɔ dà zén.

<sup>27</sup> Kè aɔ kà guu kè aɔɔe iin, kè aɔ gbëndoo a sàki pòro λε à pó kpá a zaakia, ben à a ɔɔ è a sàki lén. <sup>28</sup> Ben à bè a gbēnɔne: À ma sàki guu gwa, wà ma ɔɔ sòkpame! Ben swè kèñgu, aɔ bèkɔne kɔn luganao: Bó yān Ludaa kèwe λεε? <sup>29</sup> Kè aɔ kà ní de Yakubu kiia Kanaa bùsun, aɔ yā kè ní lé tɔkène píngi wà bè: <sup>30</sup> Bùsu gbēnsi pì yā òwe pāsīpāsī à wa die gu'asiigwarinɔ ũme. <sup>31</sup> Wa bène náanedeenɔn wa ũ, gu'asiigwarinɔn wa ũro. <sup>32</sup> Dedɔnkɔdeenɔn wa ũ, wa gɔɔn kuri awεεplaame, wa gbëndoo kuuro, wa dāaro gò Kanaa bùsun kɔn wa deo. <sup>33</sup> Ben bùsu gbēnsi pì bèwe yā kè eé tó à wa dɔ náanedeenɔ ũun yè. À bè wà wa gbëndoo tóao, wà blewεε sé wà táo wa bede nɔaderinɔne, <sup>34</sup> wà liara wà móare kɔn wa dāaroo, é dɔ sa kè gu'asiigwarinɔn wa ũro,

náanedeennɔn wa ũ, é wa gbẽndoo kpáwa, wé laa tá bùsu pìn.

<sup>35</sup> Kè aõɔe blẽwɛɛ bɔɛɛ n sàkinɔ guu, aõ baade a ɔɔɔnɔ è a pɔ guu. Kè aõ n ɔɔnɔ è le, vĩa n kũ n píngi kɔn n deo. <sup>36</sup> Ben aõ de bènnɛ: Á yezi mà gɔ né sain yɔ? Yusufu kuuro, Simɛɔ kuuro, ben á yezi à Bɛyãmi síma dɔɔ? Yã píngi e bɔɔmɛ zaamɛ. <sup>37</sup> Ben Rubeni bè a denɛ: Tó mée suonnero, n ma négɔgbẽ plaaanɔ dede. N à kpáma, mé suonne. <sup>38</sup> Ben Yakubu bè: Ma né é gáaoro, zaake à ṽi dadɔnkɔdee gà, àmbe à gò ado. Ma zi kù. Tó yãke à lè tá kè ée oo guu, eé tó mà tá miran kɔn pɔsiaamɛ.

## 43

### *Yusufu ṽinɔ ɛara à gana Igipiti kɔn Bɛyãmio*

<sup>1</sup> Dekaa pãsi kù Kanaa bùsun. <sup>2</sup> Kè aõ blẽwɛɛ kè aõ b̃o Igipiti blè wà yãa, aõ de bènnɛ: À ɛara à gá blẽwɛɛ lú féte dɔ. <sup>3</sup> Ben Yuda bènnɛ: Gɔgbẽ pì òwe sãnsãmmɛ à bè, tó wa dãaro kúwaoro, wé wée sikɔlɛro. <sup>4</sup> Tó né we wa dãaro gáwao, wé gá wà blẽwɛɛ lúnne. <sup>5</sup> Tó né we s̃oro, wé gáro, zaake gbẽ pì òwe, tó wa dãaro kúwaoro, wé wée sikɔlɛro. <sup>6</sup> Ben Ísaraili bè: Bóyãnzin a ãa dàmazi, kè á ò gbẽ pìne á dãaro ṽi? <sup>7</sup> Aõ wèàla wà bè: Àmbe à yã gbèkawa kɔn wa bɛdeenɔ yão à bè: A de kuu ai tiaɔ? Á dãaro ṽiɔ? Yã beenɔ musun wa weàla. Wá d̃s yã eé be wà mɔ kɔn wa dãaroon yɔ? <sup>8</sup> Ben Yuda bè a denɛ: N tó né pì gámao. Wé fɛɛ wà gá gɔɔmɛ, le wapinɔ kɔn mpio kɔn wa nénnɔ tón gagaro yãnzì, wégɔ kuu aafia. <sup>9</sup> À gò ma yã ũmɛ. Ma a zĩnda wèndi diè à pɔ g̃ɛ ũ. Tó mée suonne aafiario, ma gɔ n taaridee ũmɛ. <sup>10</sup> Tó

wée seka ke yāro, le wa gaa gèn plaadeeo wa su. <sup>11</sup> Ben aō de bèñne: Tó lemε, à yā kèkii ke. À wa bùsu pò maaano séε à ká a sàkinò guu à gá à gōgbē pì gba. À lí'ò ēzē sé féte kōn zó'io féte kōn dò pónò kōn lí'ò gū nnannaao kōn gòròo kōn sīo. <sup>12</sup> À gá kōn òòo leo plaa à òò kè wà dàare a sàkinò guu sòkpañne. Ke wà sàsān yá, á dōro. <sup>13</sup> À a dāaro sé à εara à gá gōgbē pì kiia. <sup>14</sup> Luda Gbāapingide tó gbē pì a wēnda gwa à a gbēndo kōn Beyāmio gbare aō suao. Mapi sō, tó Luda ma néno sīmame, à sīman gwe.

<sup>15</sup> Aō pò kè aōé gá wà à gbaa pìno sèε kōn òòo leo plaa kōn Beyāmio aō fēε wà gàa Igipiti, ben aō gàa Yusufo kiia. <sup>16</sup> Kè Yusufo Beyāmi è n té, à bè a begwarine: N gá kōn gbē beeno ma be. N nòòo de n kèke, zaake gbē pìno é pò blemao fāantēame. <sup>17</sup> Begwari pì yā kè Yusufo dànε kè à gāányo à be. <sup>18</sup> Kè wèe gāányo Yusufo be le, vīa n kū aō bè: Òò kè wà dà wa sàkinò guu yā bé à tò wèe mōowao kè. Aō yezi wà léewa wà gbāaa mówe wà wa kūkū zòno ũ, wà wa zaakinò séεme. <sup>19</sup> Kè aō kà Yusufo be kpεεε, aō sò à begwari pìzi aō bè: <sup>20</sup> Maree, n yā nna! Wa mō wà blεwεε lú kè yā káaku. <sup>21</sup> Kè wa ka guu kè wé iin, wa wa sàkinò pòro, ben wa baade a òò è a sàki lén papana. Ben wa su òò pìo wa òzī. <sup>22</sup> Wa mō òò pāndeo le wà ble pānde lúo. Wá dō gbē kè òò pì dà wa sàkinò guuro. <sup>23</sup> Begwari pì bè: Àton bídi kero, àton vīa kero. A Luda, a de Luda bé à òò pì dàare a sàkinò guu. A òò ma kii lè. Ben à Simeo bòñne. <sup>24</sup> Begwari pì gènyo Yusufo ua guu, à í kpàmma aō zú oo, ben à sè kpà n zaakinò. <sup>25</sup> Ben aō pò kè aōé Yusufo gbaa pì yā kèke ai àgō gá su fāantē, zaake

aõɔ mà weé pɔ ble à beme.

<sup>26</sup> Kè Yusufu sù be, aõ à gbà pɔ kè aõ m̀ò pìnɔ aõ dàe tɔɔte à ae. <sup>27</sup> À n̄ aafia gbèka, ben à bè: A de zikūna kè a à yā ò pì gbāá? À kú wèndió? <sup>28</sup> Aõ wèàla wà bè: Wa de n z̀̀bleri gbāa à kuu ai tia. Ben aõ kùene wà ae p̀̀e tɔɔtea. <sup>29</sup> Yusufu wéε sè à a dāaro dadõnkõde Beyāmi gwà à bè: A dāaro kè a à yā òmεε pìn yèó? Ben à bè Beyāmine: Luda aubarika dangu. <sup>30</sup> Kè à a dāaro gwà, à pɔɔ kè nna bíta à yezi à óɔ dɔ, ben à gè kpétu kpakpaa, à óɔ d̀̀ gwe. <sup>31</sup> Kè à uu pìpi, ben à b̀̀ à a zīnda kù à bè wà m̀́ pɔbleo.

<sup>32</sup> Wà p̀́blee diene ado, aõ p̀́ s̄ adona, Iyipiti kè aõ kúonɔ p̀́ adona dɔ, zaake Iyipitinɔ è p̀́ ble k̄n Eberunɔro aõè kakõañyoro. <sup>33</sup> Wà n̄ v̄εεv̄εε à ae n̄ sáakeεa, zaa daudua ai n̄ gb̄ zāaa, ben aõ lé àe wà k̄ gwàgwa. <sup>34</sup> Ben wà p̀́blee kè kú Yusufu ae kpàateεine. Beyāmi p̀́ bíta de gb̄ kpaaanɔ p̀́la leo s̄ɔro. Ben aõ p̀́ blè aõ í mì k̄n Yusufuo ai wà k̄.

## 44

### *Kondogi togo dana sàkin*

<sup>1</sup> Yusufu bè a begwarine: N̄ blewεε káka gb̄ pìnɔne n̄ sàkinɔ pa lán aõé f̄ wà sé nà. N̄ baade ɔɔ danε a sàki lén <sup>2</sup> n̄ ma kondogi togo sé n̄ da n̄ dāaro sàkin k̄n à blewεε ɔɔo. Ben à kè lán Yusufu òne nà. <sup>3</sup> Kè guu d̀̀ ḡɔ, wà n̄ gbáε k̄n n̄ zaakinɔ. <sup>4</sup> Ai aõḡ gá ká zà, ben Yusufu bè a begwarine: N̄ fεε n̄ p̄éézi. Tó n̄ n̄ lé, n̄ n̄ la n̄ be b́yānzin aõ f̄ia b̀̀mε à zaaao à maa ḡε ūzi? <sup>5</sup> B́yānzin aõ ma togoo kè mεε í mio mà màso keo sè kp̄ii? N̄ oíne kè aõ yā zaa kè.

6 Kè à ní lé, à yā pì òńne, 7 ben aǎ wèàla wà bè: Maree, à kè dia ñ ò lèe? Kúku! Wamɔwa n zòblerinɔ, weè yā beee taka kero. 8 Ɔ kè wá è yā wa sàkinɔ lé guu, wée ɛara wa suonne bɔna zaa Kanaaroo? Wé fǎ wà kondogi ke vura sé kpáí n dii beó? 9 Maree, wa gbě kè ní è à kiia, adee gǎ, wa píngi wé gǎ n zòno ũ. 10 À bè: Tò, à ke lán á ò nà. Gbě kè wà è à kiia é gǎ ma zò ũme, a gbě kpaaanɔ é gǎ taari sai. 11 Ben aǎ baade a sàki pìta à pòro gǎ. 12 Ben begwari pì ní sàkinɔ gwàgwa. À nà ní vǐi póa ai à gàa à kào ní dǎaro póa, ben à togoo pì è Beyāmi pó guu. 13 Aǎ ní utanɔ gà wà kèkè, ben aǎ baade a asoo yì a zaakine aǎ ɛara wà gè wéte guu. 14 Kè Yuda kǎn a gběno kà Yusufu be, aǎ à lè gwe, ben aǎ kùe à ae tɔtɛa. 15 À bèńne: Bóyānzín á kè lezi? Á dǎ kè ma taka è mǎso keroo? 16 Yuda wèàla à bè: Dii, wé benne diamɛ? À yāke ona vǐro. Wé ke dia wà wa zǐnda bɔ yǎn? Luda bé à bò wa taaria. Dii, wa gǎ n zòno ũ kè, wapinɔ kǎn gbě kè wà togoo pì è à kiiao. 17 Ben Yusufu bè: Kai! Mé fǎ mà beee kero. Gbě kè wà togoo pì èa bé eé gǎ ma zò ũ, a gbě kpaaanɔ é ɛara à tá a de kiia aafia.

### *Yuda wéekena Yusufua Beyāmine*

18 Ben Yuda sǎzi à bè: N yā nna dii! Ñ tó mamɔma n zòbleri mà yā onne. Ñton pɔ fēmaziro dii, zaake ní sáa kǎn Fili'aunaome. 19 Dii, n wa la yā tó wá de vǐ ke dǎaro. 20 Ben wa bè wa de zi kǎ, bensɔ wa dǎaro kuu dɔ, wa de à ì a zikū guume. Né pì vǐi dadǎnkǎdee gà, àmbe à gè ado, ben wa de pì yezi maamaa. 21 Ñ ò wamɔwa n zòblerinɔne wà à sé wà mǎonne le ñ wéé siàle. 22 Dii, wa benne né pì é fǎ à

a de tóro. Tó à à tò, de pì é game. <sup>23</sup> Ben n bèwe, tó wée mó kǝn wa dǎaro pìoro, wé wée sikǝlero. <sup>24</sup> Kè wa ta wa de kiia, wa n yǎ òne. <sup>25</sup> Ben wa de pì bè wà ɛara wà gá blɛwɛɛ lú féte dɔ. <sup>26</sup> Wa bè, tó èe ke wa dǎaro kúwao baasiro, wé fǝ wà gáro, zaake tó à kúwaoro, wa wée é sikǝlero. <sup>27</sup> Ben wa de bèwe, wá dǝ kè a naǝ né ì mèn plaa. <sup>28</sup> Kè à doo bò à bɛ, èe à e dɔro ai gbǎa. À bè nòbɔ pǎsǐ bé à à sò. <sup>29</sup> À bè tó wa né beee siawa, ben yǎ zaaa à lè, lán a zi kù nà, wé tó à tá miran kǝn pɔsɪaaomɛ. <sup>30</sup> Tia sa, tó ma ta ma de kiia, ben à né pì kúwaoro, eé game, zaake à pɔɔ nàame. <sup>31</sup> Tó wa dee e né pì e wa téro, eé tá miran a zikū guu kǝn pɔsɪaaomɛ. <sup>32</sup> Ma a zǐnda kpà ma dea né pì gǝɛ ũmɛ, ma bè tó mée suonero, mé gǝ à taaridee ũ ai ma wèndi lén. <sup>33</sup> Dii, n yǎ nna! Ñ tó mà gǝ n zò ũ né pì gǝɛ ũ, lɛ à tá kǝn a vǐinɔ. <sup>34</sup> Tó èe ke kǝn né pìoro, mé fǝ mà tá ma de kiiaro. Ñton tó mà yǎ zaaa kè eé ma de lee ero.

## 45

### *Yusufu zǐnda tǝkǝna a vǐinɔne*

<sup>1</sup> Yusufu e fǝ à a zǐnda kù a ìba kè aǝ kú gweenɔ aɛzǐ dɔro, ben à pùtǎ à bè: Amɔa kè á kú kènɔ, à bɔɛ a píngi! Kè gbǝkee kú gwe dɔro, ben à a zǐnda tǝkè a vǐinɔne sa. <sup>2</sup> Èe ɔɔ dɔɔ gbǎngbǎn ai Igipitinɔɔ mà, ben Fili'auna bɛdeenɔ à baaru mà. <sup>3</sup> Ben à bè a gbǝ pìnɔne: Yusufun ma ũ. Ma de kuu ai tiaó? Ben swè kèngu, aǝɛ fǝ wà wèàlaro. <sup>4</sup> Ben Yusufu bèñne: À sǝmazi. Kè aǝ sǝzi, ben à bè: Mámbe a dǎaro Yusufu kè á yà wà sùo Igipiti kè ũ. <sup>5</sup> Tia sa àton tó a nòse yakaro. Àton pɔ fǝ ma yana yǎ musuro, zaake

gbēnɔ̀ m̀sina yānzin Luda ma zĩ a ae k̀ezi. <sup>6</sup> Dekaa kana b̀sun k̀e ẁe plaadeen ỳe. Weé bú baro weé p̀ó k̀ero ai ẁe s̀oro. <sup>7</sup> Ludaa tò ma d̀bare ae le wa borii b̀o aafia anduna guu, mà a mì sí maamaa. <sup>8</sup> Èe ke ámbé a ma zĩ k̀ero, Ludame. À ma die Fili'auna lédammari ũ, à begwari ũ, Iyipiti gu p̀ingi gbēnsi ũ. <sup>9</sup> À ke kpakpaa, à gá wa de kiia à one à né Yusufu bè Luda a die Iyipiti b̀usu gbāadee ũ. À su ma kiia k̀e g̀o. <sup>10</sup> Ag̀o kúmao k̀i à v̀e Gosē b̀sun k̀on a ǹenɔ̀ k̀on a dionɔ̀ k̀on a s̀aanɔ̀ k̀on a blènɔ̀ k̀on a z̀unɔ̀ k̀on p̀ó k̀e à v̀inɔ̀ p̀ingi. <sup>11</sup> Mé à gwa k̀e, zaake dekaa ég̀o kuu ai ẁe s̀oro d̀me. Tó lenlo, àpi k̀on a b̀deenɔ̀ k̀on p̀ó k̀e à v̀inɔ̀ é kaate p̀ingi. <sup>12</sup> Apinɔ̀ k̀on Beyāmio, á è ẃeεo k̀e mamɔ̀ma Yusufu mámbé mée yā ooare. <sup>13</sup> À bèe k̀e má v̄i Iyipiti k̀e yā o ma denε k̀on p̀ó k̀e á èo p̀ingi. À gá à suo k̀e kpakpaa. <sup>14</sup> À v̄i à lògo a dāaro Beyāmi waaa à s̀o d̀, ben Beyāmi mlèa à s̀o d̀ se. <sup>15</sup> Ben à lé p̀epe a v̀inɔ̀a n̄ p̀ingi k̀on s̀o d̀o. Beee gbera a v̀inɔ̀ yā òo.

<sup>16</sup> K̀e Yusufu v̀inɔ̀ m̀na baaru kà Fili'auna be, à k̀enε nna k̀on a ibanɔ̀. <sup>17</sup> Ben à bè Yusufunε: N̄ o n v̀inɔ̀ne ā n̄ asoo yi n̄ zaakinɔ̀ne ā fεε wà gá Kanaa, <sup>18</sup> ā n̄ de sé k̀on n b̀deenɔ̀ ā suńyo ma kiia k̀e. Mé Iyipiti b̀usu gu maaa kpámma āg̀o nnaa maa. <sup>19</sup> N̄ on̄ne d̀ ā Iyipiti z̀oronɔ̀ sé n̄ né fétenɔ̀ k̀on n̄ nɔ̀gbēnɔ̀ yānz̄i, ā n̄ de sé wà suo. <sup>20</sup> Āton laasuu lé p̀ó k̀e āé tó gweenɔ̀aro, zaake Iyipiti gu maaa é g̀o n̄ p̀ó ũmε.

<sup>21</sup> Ben Isaraili né p̀inɔ̀ k̀e le. Yusufu z̀oronɔ̀ kpámma lán Fili'auna ò nà. À zé kūsāe k̀éńne d̀. <sup>22</sup> À

ń gbá uta ìsinɔ ń píngi, ben à Beyāmi gbà kondogi  
 ɔɔ mèn wàa do kpé basɔɔro kɔn uta ìsinɔ mèn ɔɔro.

<sup>23</sup> À Iyipiti pɔ maaanɔ kpàsā a denɛ zaaki aso kuri  
 kɔn blɛwɛɛo kɔn pɔbleeo zaaki aso kuri a de zé  
 kūsāɛ ũ. <sup>24</sup> Kè à ń gbáɛ à bè: Àton swèe ke zénlo!  
 Ben aɔ tà.

<sup>25</sup> Aɔ bò Iyipiti, ben aɔ kà Kanaa busun ń de  
 Yakubu kiia. <sup>26</sup> Aɔ bènɛ: Yusufu kú wèndio ai tia,  
 àmbe Iyipiti busu gběnsi ũ. Ben Yakubu kè sàii,  
 èe síro. <sup>27</sup> Ben aɔ yā kè Yusufu òńne òne píngi. Kè  
 Isaraili zùgoro kè Yusufu gbàɛ à a séno è, ben à  
 laasuu kè do sa, <sup>28</sup> ben à bè: Kèkii mò! Ma né Yusufu  
 kú wèndio ai tia. Mé gá mà wée siàle le má kpé mà  
 ga.

## 46

### *Yakubu tana Iyipiti kɔn a néno*

<sup>1</sup> Isaraili dà zén kɔn pɔ kè a vīino píngi. Kè à kà  
 Beseba, à saa ò a de Isaaku Luda. <sup>2</sup> Ben Luda  
 bò à mòzi wéegupu'ena guu gwāavī à bè: Yakubu!  
 Yakubu! À wèàla à bè: Maɛ kè! <sup>3</sup> Ben à bè: Mámbe  
 Luda ũ, n de Luda. Nton bídi ke Iyipiti gana yā  
 musuro, zaake gwen mé n borii kaaran maamaa.  
<sup>4</sup> Mé gányo Iyipiti mà ɛara mà su kɔn n boriino.  
 Yusufu gbádaan né gan.

<sup>5</sup> Ben Yakubu fèɛ Beseba. À néno à dà zùgoro  
 kè Fili'auna gbàɛ wà à séno guu kɔn ń néno kɔn  
 ń naɔɔno. <sup>6</sup> Aɔ ń pókādeenɔ kɔn auziki kè aɔ è  
 Kanaa busu guuno sèe wà tào Iyipiti. <sup>7</sup> Yakubu tà  
 gwe kɔn a négōgběno kɔn a néno gběno kɔn a diono  
 ń píngi. <sup>8</sup> Isaraili kè aɔ tà Iyipitino tónon yè, Yakubu  
 kɔn a boriino.



Yakubu daudu Rubeni. <sup>9</sup> Rubeni négṵgbēnɔn Anɔku, Palu, Ezerɔnu kɔn Kaamio ũ. <sup>10</sup> Simeɔ négṵgbēnɔn Yemueli, Yami, Oada, Yakī, Zoa kɔn Saulu kè à à ì kɔn Kanaa nɔgbēoo ũ. <sup>11</sup> Levi négṵgbēnɔn Gesɔnu, Koa kɔn Merario ũ. <sup>12</sup> Yuda négṵgbēnɔn Eε, Ona, Sela, Pεrezi kɔn Zεrao ũ, mɔde Eε kɔn Onao gà Kanaame. Pεrezi négṵgbēnɔn Ezerɔnu kɔn Amuluo ũ. <sup>13</sup> Isaka négṵgbēnɔn Tola, Pua, Yasubu kɔn Simirɔnuo ũ. <sup>14</sup> Zεbuluni négṵgbēnɔn Sεredi, Elɔni kɔn Yalɛlio ũ. <sup>15</sup> Néḡṵgbē kè Lea n̄ í kɔn Yakubuo Mesɔpɔtamianɔn gwe. Àmbe à a nénɔgbē Dina ì dɔ. Aṣ borii p̄nɔ n̄ p̄ngi ḡṵɔn baaakuri awεε'aagṵme.

<sup>16</sup> Gada négṵgbēnɔn Zεfṵ, Agi, Suni, Ezebṵ, Eri, Arodi kɔn Arelɛlio ũ. <sup>17</sup> Asa négṵgbēnɔn Imina, Isiva, Isivi kɔn Beriao ũ kɔn n̄ dāre Sεrao. Beria négṵgbēnɔn Eberu kɔn Malakiɛlio ũ. <sup>18</sup> Labā bé à Zilipa kpà Leaa. Borii kè Zilipa kè kɔn Yakubuo gwe. Aṣ ḡṵɔn ḡεro awεεdome.

<sup>19</sup> Yakubu naṣ Raseli négṵgbēnɔn Yusufu kɔn Beyāmio ũ. <sup>20</sup> Yusufu Manase kɔn Eflaimuo ì Igipiti kɔn a naṣ Asena, Eliɔpɔli sa'ori Potifera néo. <sup>21</sup> Beyāmi négṵgbēnɔn Bela, Beke, Asabeli, Gera, Naama, Ehi, Rosu, Mupimu, Upimu kɔn Adao ũ. <sup>22</sup> Borii kè Raseli kè kɔn Yakubuo gwe. Aṣ ḡṵɔn ḡεro dosaimε.

<sup>23</sup> Dani négṵgbē Usimu. <sup>24</sup> Nafatali négṵgbēnɔn Yazielɛli, Guni, Yεze kɔn Silɛmuo ũ. <sup>25</sup> Labā bé à Bila kpà Raselia. Borii kè Bila kè kɔn Yakubuo gwe. Aṣ ḡṵɔn swεεplaame.

<sup>26</sup> Yakubu borii kè aṣ tànyo Igipitinɔn gwe. Aṣ ḡṵɔn baaagṵ awεεswεεdome à né naṵɔnɔ baasi. <sup>27</sup> Kè

Yusufu né ì Igipiti g̃ɔɔn plaa, ben Yakubu borii kè ã t̃a gweenɔ kè g̃ɔɔn baaag̃ɔ akuri.

<sup>28</sup> Yakubu Yuda z̃i à d̃ɔnɛ aɛ Yusufu kiia, lɛ à Gosɛ̀ b̃usu zé ɔɔbanɛ. Kè ã kà gwe, <sup>29</sup> ben Yusufu gè a s̃ogoron à g̃aa da a delɛ gwe. Kè à à lè, à ml̃èa à ɔɔ d̃ò g̃ikɛna. <sup>30</sup> Ben Isaraili bè Yusufunɛ: Lán ma w̃éɛ s̃inlɛ nà má è ñ kú w̃èndio, gaa é f̃ɔ à ma sé sa.

<sup>31</sup> Yusufu bè a ṽiinɔnɛ k̃ɔn a de b̃edeennɔ: Mé gá mà o Fili'aunanɛ ma ṽiinɔ k̃ɔn ma de b̃edee kè ãɔ kú Kanaa b̃usunɔ sù ma kiia. <sup>32</sup> Mé onɛ kè s̃ādārinɔn a ũ, á p̃ókādeenɔ ṽi, ben a m̃ɔ k̃ɔn a s̃āanɔ k̃ɔn a bl̃èɔ k̃ɔn a z̃ùnɔ k̃ɔn p̃ó kè á ṽiinɔ p̃íngi. <sup>33</sup> Tó Fili'auna a sisi, ben à a la b̃ó z̃iin eè kɛ, <sup>34</sup> à onɛ à be á p̃ókādedeenɔ ũ zaa a g̃ɔkparekɛgurɔ ai k̃ɔn a gb̃āao lán a dezinɔ bà. Tó á ònɛ lɛ, é e à ṽéɛ Gosɛ̀ b̃usun, zaakɛ Igipitinɔ è kak̃ɔa k̃ɔn s̃ādārinɔro.

## 47

### *Isarailinɔ ṽéɛna Igipiti*

<sup>1</sup> Yusufu g̃aa à yā ò Fili'aunanɛ à bè: Ma ṽiinɔ b̃ò Kanaa b̃usun k̃ɔn ñ s̃āanɔ k̃ɔn ñ bl̃èɔ k̃ɔn ñ z̃ùnɔ k̃ɔn p̃ó kè ãɔ ṽiinɔ p̃íngi, ã m̃ò Gosɛ̀ b̃usun.

<sup>2</sup> Ben à a ṽiinɔ sè g̃ɔɔn s̃ɔɔro à ñ ɔɔba Fili'aunanɛ.

<sup>3</sup> Fili'auna ñ lá à bè: Bó z̃iin eè kɛɛ? Ã wèàla wà bè: Wam̃ɔwa n z̃òblerinɔ, s̃ādārinɔn wa ũ lán wa dezinɔ bà. <sup>4</sup> Ben ã bènɛ: Wa m̃ɔ ṽéɛ b̃usun kè gurɔ

plaamɛ, zaakɛ dekaa kú Kanaa b̃usun maamaa, sè kuu kè wa s̃āanɔ b̃lero. Wam̃ɔwa n z̃òblerinɔ, ñ wa gba zé wà ṽéɛ Gosɛ̀ b̃usun. <sup>5</sup> Ben Fili'auna bè Yusufunɛ: Lán n de k̃ɔn n ṽiinɔ sù n kiia nà, <sup>6</sup> ñ ñ káɛ Igipiti gu maaan. Ã ṽéɛ Gosɛ̀ b̃usun. Tó

làakarideennɔ kú ñ té, ñ ma p̃ónɔ nañnɛ ñ ɔz̃i.

7 Ben Yusufu a de Yakubu sè à gàa à òḍḍa Fili'aunanε. Ben Yakubu sa maaa ònε. 8 Fili'auna à là à bè: N ka wèn gbaa? 9 À wèàla à bè: Ma kuuna anduna guu wè baswεεdo akurideen yè. Ma wè e ká ma dezinḵ pḵ ũro, ben à yá'ṣamma vī. 10 À sa maaa ò Fili'aunanε ḍḵ, ben à bḵ à kiia.

11 Yusufu a de kḵn a vīinḵ kàε Igipiti bùsu gu maaan, à n gbá bùsu kè Ramεε de à wétεdaa ũ lán Fili'auna ò nà. 12 Yusufu blεwεε kpà a dea kḵn a vīinḵ kḵn a de bεdeenḵ n pínḵi ua kḵn uao n pari lén.

### *Dekaa gbāakūna*

13 Dekaa kè gbāa, blεwεε kú gukearo. Igipitinḵ kḵn Kanaanḵ gbāaa yāa. 14 Wèe blεwεε luu, ben Yusufu ḵḵ kè kú Igipiti kḵn Kanaao sì pínḵi à tàò Fili'auna bε. 15 Kè Igipitinḵ kḵn Kanaanḵ ḵḵ yāa, Igipitinḵ mò Yusufu kiia n pínḵi aṣ bè: Ḷḵ kuu ḍḵro. N wa gba blεwεε. Nton tó wà ga n wáaro. 16 Yusufu bè: Lán ḵḵ kuuro nà, à mó kḵn a pókādeenḵ, mé blεwεε kpáawa à musu. 17 Ben aṣ mò Yusufunε kḵn pókādeenḵ, ben à blεwεε kpàrḵma sḵnḵ kḵn sāanḵ kḵn blènḵ kḵn zùnḵ kḵn zaakinḵ musu. Wè beea à blεwεε kpàrḵma n pókādeenḵ musumε.

18 Kè wè beee gètε, ben aṣ mò à kiia à wè làa wà bènε: Dii, wé fṣ wà yāke utennεro. Ḷḵ yāa, ben wa pókādeenḵ gḵ n pḵ ũ. Pókεe e gḵ wà kpámmaro, wapinḵ kḵn wa buraanḵ baasiro. 19 Nton tó wà ga n wáa kḵn wa buraanḵro. N wa lú kḵn wa buraanḵ n fia bo kḵn blεwεεo wà gḵ Fili'auna zḵnḵ ũ, wapinḵ kḵn wa buraanḵ. N wa gba blεwεε lε wàton garo wàgḵ kuu, lε ḍḵ wa buraanḵ tón gḵ taagaa ũro.

<sup>20</sup> Ben Yusufu Igipiti buraano lù Fili'aunane píngi, zaake Igipitino baade a buraa yà, kè noaa n kú gbáa yānzi, ben būsu gò Fili'auna pò ũ. <sup>21</sup> Yusufu Igipitino sì zòno ũ n píngi zaa n būsu lén kè gana à lé káa. <sup>22</sup> Mòde èe sa'orino buraano lúro, zaake Fili'auna diè agò blēwēē kpámma guro sānda píngi. Lán aō kú kōn blēwēē kè Fili'auna è kpámmao nà, aōe n buraano yáro.

<sup>23</sup> Ben Yusufu bè gbēno: Ma a lu kōn a buraano sa, a gō Fili'auna pò ũ. Blēwēēn yè. À gá à tō. <sup>24</sup> Pókēguro àgae à leo soorode kpá Fili'aunaa, à kpaa é gōare blēwēē ũ kōn pobleo. Àgae beee ble kōn a nēno kōn a bēdeen a píngi. <sup>25</sup> Ben aō bè: N wa mì sì. N tó wà n pōnnaa e dii, wà gō Fili'auna zòno ũ. <sup>26</sup> Ben Yusufu yā diè Igipiti à bè, burapō leo soorodee égō de Fili'auna pò ũ. Yā pì kuu ai kōn a gbāao. Sa'orino būsu bé èe gō Fili'auna pò ũro ado.

### *Yakubu wéekena zāa*

<sup>27</sup> Isarailino kú Gosē busun zaa Igipiti. Aō n zīnda tōte vī gwe, ben aō né i wà kàara maa-maa. <sup>28</sup> Yakubu kè wè gēro awēēplaa Igipiti, à wè píngipingi baswēēplaa awēeswēēplaamē. <sup>29</sup> Kè à kà gana, à a né Yusufu sisi, ben à bène: N yā nna! Tó ma n pōnnaa è, n n o da ma gbáda gbáru n gbēke kōn náaneo yā kemē. Nton n ma vī Igipitiro. <sup>30</sup> Tó ma ka ma dezinola, n ma sé n bōmao Igipiti kè n ma vī ma dezi pino mirawēēn. Ben Yusufu bène: Mé yā kè n ò kennē. <sup>31</sup> Ben Yakubu bè: N la damē. Kè à la dànē, ben Yakubu gbáa è a gò à donzi kè.

## 48

*Yakubu Eflaimu kɔn Manaseo diena a zĩnda nɛnɔ ũ*

<sup>1</sup> Gurɔ plaaa gbera wà ò Yusufunɛ à dee e gyāa keɛ, ben à a né gɔɔn plaaanɔ Manase kɔn Eflaimuo sɛɛ à gàańyo. <sup>2</sup> Kè wà ò Yakubunɛ à né Yusufu mò à gwa, à aĩa kè à fɛɛ à vɛɛ a gádo musu. <sup>3</sup> À bè Yusufunɛ: Luda Gbāapingide bɔ̀ à mòmazi zaa Luzu, Kanaa b̀sun à aubarika dàmagu <sup>4</sup> à bèmɛ é tó mà né i maamaa, é ma kaara mà gɔ boriinɔ dezi ũ, é b̀su pì kpá ma boriinɔa ma gbera n pó ũ ai gurɔ píngi. <sup>5</sup> Tia sa né gɔɔn plaaa kè n n í Iyipiti ai màgɔ mɔ n kiianɔ ma pónɔmɛ. Eflaimu kɔn Manaseo gɔ̀ ma nɛnɔ ũ lán Rubɛni kɔn Simɛɔ de nà. <sup>6</sup> Né kè né n í n gberaanɔ bé weégɔ de n pó ũ, ašé n túbi e n v̄inɔ kiia. <sup>7</sup> Zaake kè mée suu kɔn Mesɔpɔtamiao, n da Raseli gà zén Eflata kè wè be tia Betɛlemu lézi zaa Kanaa b̀sun, ben ma à v̄i zén gwe.

<sup>8</sup> Ben Isaraili Yusufu nɛnɔ gwà à bè: Dénɔn gwee?  
<sup>9</sup> À bè a denɛ: Né kè Luda ma gba kɛnɔn gwe. Ben Isaraili bè: N mónyo ma kiia mà sa'ole keńne.  
<sup>10</sup> Zikũ Isaraili wée b̀sa èe guu ee maaro, ben Yusufu s̀zi kɔn né p̀nɔ. Isaraili lé p̀pɛm̄ma à n kpá a k̀la, <sup>11</sup> ben à bè Yusufunɛ: Mée kpákpa ya mà wée sinle dɔro, ben Ludaa tò ma n e kɔn n nɛnɔ dɔ.  
<sup>12</sup> Yusufu n gú a de gbála, ben à k̀nɛnɛ à a aɛ p̀ɛ.  
<sup>13</sup> Ben Yusufu a nɛnɔ k̀ n plaa n píngi. À Eflaimu k̀ kɔn ɔplaaɔ Yakubu ɔzɛɛzi, ben à Manase k̀ a ɔzɛɛzi Yakubu ɔplaaɔzi, ben à s̀zi kɔn né p̀nɔ. <sup>14</sup> Ben Yakubu a ɔ p̀k̀la à a ɔplaa nà Eflaimu kè de d̄aro ũu mià à a ɔzɛɛ nà Manase kè de daudu ũu mià.  
<sup>15</sup> Ben à sa'ole kè Yusufunɛ à bè:

Luda kè ma dezinɔ Ibraĩ  
 kɔn Isaakuo táa òò,  
 Luda kè dòmɛ aɛ  
 ma kuuna guu ai kɔn a gbàao,  
 16 à Malaika kè ma bɔ à zaaan píngi,  
 à aubarika da né kèkiinɔn,  
 à tó wàgɔ́ n̄ sísii ma tóa,  
 kɔn ma dezinɔ Ibraĩ kɔn Isaakuo tóo,  
 à tó aɔgɔ́ kɔɔ maamaa anduna guu.

17 Kè Yusufu è a de a ɔplaa nà Eflaimu mìa, èe kene  
 nnaro. À a de ɔ kù ɛ à gu Eflaimu mìa à na Manase  
 póa 18 à bè: Lenlo Baa, gbɛ kèkii bé à daudu ũ. N̄ n  
 ɔplaa na à mìa. 19 Ben à de gí à bè: Má d̄s ma né, má  
 d̄s. Àpi s̄s eé gɔ́ borii ũ, eégɔ́ bíta, mɔde à d̄aro bíta  
 égɔ́ deàla, à borii égɔ́ pari. 20 Zĩ beeea à sa'ole kèíne  
 à bè:

Isarailinɔ é sa maaa okɔne kɔn a tóo  
 aɔé be Luda tó n̄ gɔ́

lán Eflaimu kɔn Manaseo bà.

Leɛmɛ à Eflaimu d̄o Manasenɛ aɛ ɛ.

21 Ben Isaraili bè Yusufunɛ: Ma ka gana, mɔde  
 Luda égɔ́ kúao, eé ɛara à táao a dezinɔ b̄sun.

22 Sekemu b̄usu maaa kè má s̄i Am̄rinɔa kɔn ma  
 f̄ɛdaao kɔn ma s̄áo, ma n̄ gba, mm̄on kè n̄ de n̄  
 v̄iinɔla.

## 49

### *Yakubu sa'olekena a n̄énɔne*

1 Yakubu a n̄énɔ s̄isi, ben à bè:

À k̄s̄ kak̄s̄a

m̄a ȳa kè eé a le ziakp̄ɛɛ zĩ oare.

2 À k̄s̄ kak̄s̄a ma n̄énɔ à sw̄a kp̄á,  
 à a de Isaraili ȳa ma.

<sup>3</sup> Rubeni ma daudu ma gbāaa,  
ma kana gō lézĩ né káaku,  
n bèε deńla kōn n gbāaa.

<sup>4</sup> N̄ pāsĩ lán ísō bà,  
mōde négō deńlaro,  
zaake n didi n da n de gádoa,  
n daε kōn ma n̄n̄n̄ dokeo.

<sup>5</sup> Simεo kōn Levio bé wà kō gbēno ũ,  
aō pāsĩ kōn fēdaao.

<sup>6</sup> Ma lé kú aō kakōana guuro,  
ma baka kú aō yāgōgōna guuro,  
zaake aō gbēno dède pofē guu,  
aō zù gbátĩkyano zōzō lán aō yezi nà.

<sup>7</sup> Luda láari zĩm̄ma n̄ pofē bíta yānzi,  
à lé keńne n̄ pāsĩke yānzi.  
Mé n̄ kēkōa Yakubu boriino té,  
mé n̄ boriino fāakōa Isarailino guu.

<sup>8</sup> Yuda, n gbēno é n tó kpá.  
Né n ibεeno kũ n̄ waaa,  
n de néno é kúenne.

<sup>9</sup> Yuda de lán músu bà,  
ma né pì è su kōn tofekao.

È gáε è daε a tòn.  
dé bé é f̄ō à à fεεε?

<sup>10</sup> Kpata é gu Yudalaro,  
à boriino bé weégō gò kũna  
ai Silo gá m̄ó,  
bori píngi é mì siεε.

<sup>11</sup> Eé a zaaki d̄o geepi lía,  
eé a zaakinε yi geepi lí maaaa.  
Geepiwēε égō dizime

eé a pókāsāano pípio  
eé a uta pípi kōn geepi'io.

12 Geepiwēε é à wée tēa kū,  
zwii é a swaa pura kū.

13 Zebuluni égō kú ísīaa saε,  
à bùsu égō de góro'iteno bàðkii ũ,  
à bùsu lé é ze Sidō.

14 Isaka de lán zaaki gbāaa  
kè daena aso mèn plaaa dagura bà.  
15 Tó à boriino è n kámmabokii maa,  
bensō aō bùsu pì vēena nna,  
aōé naε asosenanε wà zòzīi kε.

16 Dani é a gbēno bō yān  
Isaraili boriino doke ũ.  
17 Dani égō de lán mlē kè kú zé saε bà,  
lán pitigoo kè kú zéwεwε guu bà.  
È sō lé a gbáa,  
le gbē kè di à musu léε a kpεεgānda.  
18 Dii, mēε wée do n mīsinazi.

19 Gada sō, zìkpεeno é singu,  
mōde aōé léε n gbē zāadeenōa.

20 Asa blewεε égō nōsi vī,  
póblee kè à blena nna kīnanōnen éé kpá.

21 Nafatali de lán gbēε lí  
kè è gà maaano kεε bà.

22 Yusufu de lán lí né'iri  
kè kú bia saε bà,



à gǎnɔ è poro à da gùla.

<sup>23</sup> Kàzurinɔ é íbete kpáo,  
aǎé péa kǎn kào.

<sup>24</sup> Eégǔ a sá kǔna degena sai  
Yakubu Luda Gbāabitade gǎzĩ,  
à ɔ gbāaa éǔ wāa  
Isarailinɔ Gbèsi kè è dɔne ae yǎnzi.

<sup>25</sup> N de Luda é dɔne,  
Gbāapingide é aubarika dangu  
kǎn lou'i kè è bɔ musuo,  
kǎn aubarika kè kaena tɔɔte gĩzĩo,  
le n nɔɔnɔ kǎn n pónɔ gǔ de nédandeenɔ ũ.

<sup>26</sup> Sa'ole kè n de kènnεε  
de ma dezinɔ póla,  
à bita de kp̄ii ziinɔla.  
Luda tó aubarika kènɔ gǔ Yusufu mià,  
gbě kè wà diε adona a gběnɔ té musu.

<sup>27</sup> Beyāmi de lán lewan pāsĩ bà,  
eè léε gběnɔa kɔngɔ  
eè n̄ pónɔ kpaate uusie.

<sup>28</sup> Isaraili bori mèn kuri awεεplaaanɔn gwe n̄ píngi.  
Sa'ole kè aǎ dee kèínen gwe baade kǎn a póo.

### *Yakubu ga kǎn à v̄inao*

<sup>29</sup> Ben à bèné: Tó ma anduna tò, à ma v̄i ma  
dezinɔ gbèwεε kè kú Iti bori Eflɔnu buraa guu.  
<sup>30</sup> Gbèwεε p̄i kú Makpelame, Mamare ofántěbɔε kpa  
Kanaa b̄usun, buraa kè Ibraĩ lù Iti bori Eflɔnua  
mirawεε ũ. <sup>31</sup> Gwen wà Ibraĩ kǎn a naǎ Sarao v̄iin.  
Gwen wà Isaaku kǎn a naǎ Rebekao v̄iin. Gwen ma  
Lea v̄iin. <sup>32</sup> Wà buraa p̄i kǎn a gbèwεεo lù Itinɔame.

33 Kè Yakubu lé diè a nénɔnɛ à yàa, à èara à dàe, ben à gà.

## 50

<sup>1</sup>Yusufu kùsi a dea à ɔɔ dɔ à musu à lé pèpɛa. <sup>2</sup>Ben à ò a zĩkeri ězēdeenɔnɛ aɔ ězē kè è tó gè vāroo máma a de gèa. Ben aɔɔ màma Isaraili gèa <sup>3</sup>ai gurɔ baplaa le àton yai kũro yānzi, zaake len Igipitinɔ è ke le, ben aɔ à gè ɔɔ dɔ gurɔ baaagɔ akuri. <sup>4</sup>Kè aɔ à gè ɔɔ dɔ wà yàa, Yusufu bè Fili'auna bēdeenɔnɛ: A yā nna! Tó ma a pɔnnaa è, à omɛ Fili'aunanɛ à be: <sup>5</sup>Kè ma dee e gaa, à tò ma la dàne à bè mà a vīi mirawɛɛ kè à yò a zĩnda pɔ ũ Kanaa bùsun. N̄ ma gba zé mà gá mà a de vīi sa, mé liara mà su. <sup>6</sup>Ben Fili'auna bènɛ: N̄ gá n̄ n de vīi, zaake à tò n la dàare.

<sup>7</sup>Kè Yusufu e gaa a de vīi, Fili'auna ibanɔ kɔn a be gbēnsinɔ kɔn Igipiti bùsu gbāadeenɔ gāao n̄ pĩngi. <sup>8</sup>Yusufu bēdeenɔ kɔn a vīinɔ kɔn a de bēdeenɔ gāao n̄ pĩngi dɔ. Aɔ né fétɛnɔ kɔn n̄ sāanɔ kɔn n̄ blènɔ kɔn n̄ zùnɔ bé wà gò Gosē bùsun n̄tē. <sup>9</sup>Sōgoronɔ kɔn sōdeenɔ gāao dɔ. Gbē kè aɔ gāa zenɛ pìnɔɔ pari maa-maa. <sup>10</sup>Kè aɔ kà Atada blɛwɛɛgbēkiia Yoda baa, gwen aɔ wii gbāaa lèn ai, aɔ gè ɔɔ dɔ maamaa, ben Yusufu a de sósobi kè ai gurɔ swɛɛplaa. <sup>11</sup>Kè Kanaa bùsudeenɔ è lán wèe gè kɛɛ nà Atada blɛwɛɛgbēkiia, ben aɔ bè: Igipitinɔ gèkɛna bítan yè. Beee yānzi wà tó kpà Yoda baa guu pìnɛ Abeli Igipiti.

<sup>12</sup>Len Yakubu nénɔɔ kè le lán à ònne nà. <sup>13</sup>Aɔ à gè sè wà gāao Kanaa bùsun, ben aɔ à vīi Makpela bura gbèwɛɛ kè Ibraĩ lù Iti bori Èfɔnua mirawɛɛ ũu guu Mamare ɔfántɛbɔɛ kpa. <sup>14</sup>Kè Yusufu a de vīi à yàa,

à liara à tà Igipiti kōn a v̄iino kōn gbē kè aō gàa zene  
à de gè v̄iino n̄ píngi.

### *Yusufu náanekpana a v̄iino*

<sup>15</sup> Kè Yusufu v̄iino è n̄ de gà, ben aō bè: Tó Yusufu íbete kpàwao, ben à yezi à à zaa kè wá kène píngi fīa bowe sō né? <sup>16</sup> Ben aō lékpāsā kène wà bè: Le n dee kpé à ga à bè <sup>17</sup> wà onne n̄ wa taari kōn wa durun-o kēwe, zaake à zaaan wá kènne. N yā nna! N̄ wa taarin̄o kēwe. N de Luda zòblerin̄on wa ũ. Kè wà yā pì ò Yusufune, ben à s̄o d̄ò. <sup>18</sup> Ben à v̄iino mò a kiia aō kùe à aezī aō bè: N zònon wa ũ. <sup>19</sup> Ben Yusufu bèh̄ne: Àton v̄ia kero. Ludan ma ũs? <sup>20</sup> Á yezi à à zaa keme yā, ben Ludaa liè à maaa ũ, le à e à gbēno mì sí pari lán èe kèe nà tia. <sup>21</sup> Àton v̄ia kero. Mé a gwa kōn a n̄eno. Ben à náane kpàmma à n̄ làakari kpàe.

### *Yusufu gana*

<sup>22</sup> Yusufu kú Igipiti kōn a de bedeeno ai à kà wè basoro akuri. <sup>23</sup> À wée s̄i Eflaimu swākreenele, ben à wée s̄i Manase né Maki n̄eno d̄o. <sup>24</sup> Ben Yusufu bè a gbēno: Ma ka gana. Luda bé eé mó d̄oale à boao b̄usu kèn à gáao b̄usu kè à à lé gbè Ibraïne kōn Isaakuo kōn Yakubuo guu. <sup>25</sup> Ben Yusufu tò Isarailino la dàare à bè: Gur̄o kè Luda é mó d̄oale, à ma wán̄o s̄ée à boo guu kèn. <sup>26</sup> Yusufu wè basoro akurideen à gà. Ben wà ēzē kè è tó gè v̄aroo m̄ama à gèa wà dà àkpati guu Igipiti.

**Luda yá takada kǝn Bokobaru yǎo**  
**The New Testament and portions of the Old Testament**  
**in the Bokobaru language of Nigeria**

copyright © 2005 SIM International

Language: Bokobaru

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-22

---

PDF generated using Haiola and XeLaTeX on 11 Nov 2022 from source files dated 9 Oct 2020

c31548a1-5316-53c2-be42-674e0e4c5ae5